





ԱՐԱԳ ԱՆԱՔԵԼՅԱՆ

ԱՅԵՐԵՄԻ
ՊԱՐՔԵՐՈՒԹՅՈՒՆ









АКАДЕМИЯ НАУК АРМЯНСКОЙ ССР

ИНСТИТУТ ЯЗЫКА им. Р. АЧЛЯНА

ВАРАГ АРАКЕЛЯН

ПЕРИОД В АРМЯНСКОМ
ЯЗЫКЕ

ИЗДАТЕЛЬСТВО АКАДЕМИИ НАУК АРМЯНСКОЙ ССР

ЕРЕВАН

1968

ՀԱՅԿԱԿԱՆ ՍՈՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱ

Հր. ԱՃՈՋԱՆԻ ԱՆԴՐԱ ԼԵԶՎԻ ԲԱՍՏԵՏՈՒՏ

ՎԱՐԱԴ ԱՌԱՔԵԼՅԱՆ

ՀԱՅԵՐԵՆԻ ՊԱՐԲԵՐՈՒՅԹԸ

A $\frac{\pi}{12131}$



ՀԱՅԿԱԿԱՆ ՍՈՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱ

Ներկայումս, Եթի Հայ լեզվաբանությունը և գրականագիտությունը շատ հրատապ հարց են համարում Հայոց գրական լեզվի, Հատկապես գեղարվեստական գրականության լեզվի դիտական ուսումնասիրությունը, պարբերույթի ուսմունքն այս բնագավառում առանձին դեր ու նշանակություն կարող է ստանալ, որովհետեւ որրան որ այն քերականության առարկա է, նույնքան, և դրա ավելի, վերաբերում է ոճարանության և գրական լեզվի պատմության: Այս առումով սույն աշխատանքը ոչ միայն մի արահետ է բացում պարբերույթի ուսումնասիրության գործի մեջ, այլև կարող է օգնել գեղարվեստական լեզվի ոճն ու լեզվական արվեստը ուսումնասիրությանը, ուսուցիչներին և ուսանողականը:

ՊԱՐԲԵՐՈՒՅԹԻ ԸՄԲՈՆՈՒՄԸ ԱՆՏԻԿ ԱՇԽԱՌՀՈՒՄ

Պարբերույթի մասին առաջին անգամ հիշատակել են Հույները, որոնք մեր թվարկությունից դեռևս շատ առաջ ունեին զիր ու զրականություն։ Նրանք շատ լավ տարբերում են զրական և խոսակցական լեզուն և հատկապես ձգտում էն, որքան հնարավոր է, զրական խոսքը դարձնել գեղեցիկ, արտահայտիչ և ներազգու։

Նրանք տարբերություններ էին որոնում գրողների լեզվի, ոճի մեջ և սահմանում նրանց լեզվառձական առանձնահատկությունները։ Սկզբնապես այդ կարգի ուսումնասիրությունները զուտ կործնական նպատակ էին հետապնդում, իսկ աստիճանաբար զարգանալով՝ ստացան տեսական ու գիտական բնույթ։

Նախապես լեզվի ու ոճի հարցերի դործնականությունը առնչվում էր Հոետորական արվեստի հետ։ Գեղեցկախոսությունը իր բոլոր հնարավոր ձևերով ու միջոցներով Հույները ուսումնասիրեցին, խորացրին՝ մշակելով կանոններ ու օրինաշափություններ։ Հոետորական արվեստի զարգացումը յուրաքանչյուր Հույն գիտունի համար միջոց էր իր քարոզած սկզբունքներն ու գաղափարները տարածելու և ժողովրդի լայն դանդվածներին դրանց ձշմարտացիության մեջ համոզելու։ սա մի կողմից։ Մյուս կողմից դատական գործերի ելքը կախված էր կողմերի ճառերի՝ դատավորների վրա թողած ազդեցության զորությունից։ բացի այդ, դահլիճում ներկա գտնվող հասարակությունը նույնպես դեր էր կատարում վճռին այս

Համ այն ընթացքը տալու գործում։ Ուրեմն՝ դատարանում հանդես եկող կողմէրը իրենց խոսքի ուժով պետք է նվաճեին ամբողջ դահլիճը։ Եթե դատարանում կողմէրից մեկնումները արդարանալու համ մեղադրելու քիչ փաստեր էր ունենում, դիմում էր ամենազոր խոսքի ուժին և գեղեցկախոսությամբ դրեթե գործը շահում։ Մեզ հասել են հռետորական արվեստի կանոններով մշակված փայլուն ճառերի մի քանի դասական նմուշներ։

Գեղեցկախոսության համար ուսումնասիրվող ու մշակվող խոսքը աստիճանաբար դառնում է գիտական վեցլուծության առարկա. զուտ գործնական նպատակներ հետամտող հռետորական հնարամտությունները ընդարձակվելով դառնում են խոսքարվեստի ու քերականության առարկա և սկսում են մշակվել արդեն գիտական երեք տեսանկյուններով։ Առաջ են գալիս ճարտասանությունը, խոսքարվեստագիտությունն ու քերականությունը։

Հռետորական ու բանաստեղծական արվեստի զարգացման սկզբնական շրջանում հույնները գրում են՝ «Խոսենք այն մասին, թե ինչպես պետք է անենք, որ գեղեցիկ արտահայտվենք և խոսքը ընդարձակենք, երբ այն որևէ մեկին ցանկալի է։ Գեղեցիկ խոսել՝ նշանակում է միտքը արտահայտել կիսով չափ, բայց այնպես, որ լսողը առանց դրան էլ մյուս կեսը հասկանա։ Պետք է խոսքը օժտել նաև ասացվածքներով։ Անհրաժեշտ է մտքերը ամեն կերպ բազմազան դարձնել՝ փոխելով արտահայտությունները. և երբեք նման մտքերը չպետք է կրկնվեն միևնույն բառերով։»

Ընդարձակ խոսել ցանկացողը պետք է խոսի ամեն առարկայի մասին՝ կիրառելով որքան հնարավոր է շատ բառեր։ Իսկ համառոտ խոսել ցանկացողը պետք է ամբողջ առարկան ընդգրկի մի բառով և ընդ որում այնպիսի բառով, որն այդ առարկան նշանակող բառերից ամենակարձն է։ Պետք է գործածել քիչ շաղկապներ, բայց շատ շարակցումներ։ Այդ վերաբերում է բառերին. դալով կառուցվածքներին, ապա չպետք է կիրառել այնպիսիք, որտեղ միևնույն միտքը

երկու կերպ է արտահայտված: Իսկ եթե նախընտրում ես միշտին ձանապարհը, ապա պետք է նաև արտահայտությունների մեջ պահպանվի համաշափությունը. Հարկավոր է խուսափել ինչպես շափականց երկար, այնպես էլ խիստ համառոտ արտահայտություններից՝ չգործածելով միևնույն առարկայի համար մի քանի բառ. պետք է օգտվել միջին մեծության բառերից»¹:

Արիստոտելը «Պոետիկայի» մեջ արդեն խոսում է ոճի տարբեր տեսակների, փոխաբերությունների, բառապաշարի տարբեր շերտերի, հոմանիշների, համեմատությունների, լեզվի ու ոճի այլ հարցերի մասին և դրանք քննում է գիտական ընդհանրացումներով ու օրինակներով: Որպեսզի առավել պարզ պատկերացնենք, թե Արիստոտելը ինչպես է դնում հարցերը և քննում դրանք, բերենք մի քաղվածք նրա «Պոետիկայից»:

«Ոճի արժանավորությունը պարզության և ոչ թե հասարակ լինելու մեջ է: Ամենապարզ ոճը այն է, ուր կիրառվում են ընդհանուր գործնական բառեր. բայց այդպիսի ոճը հասարակ է (ցածր): Իսկ վսեմ ոճը, որ հեռանում է խոսակցականից, օգտագործում է անսովոր բառեր: Անսովոր ես համարում եմ մեկնաբանելի օտար բառերը, փոխաբերությունը, ընդլայնումը և այն բոլորը, ինչ որ առօրյա խոսքի սահմաններից ելնում է: Բայց Եթե միայն այդպիսի բառեր գործածվեն, այն ժամանակ կստացվի կամ հանելուկ և կամ օտարաբանություն: Եթե նախադասությունը կազմվի փոխաբերություններից, կդառնա հանելուկ, եթե կազմվի մեկնաբանելի օտար բառերից, կստացվի օտարաբանություն... Մեկնաբանելի օտար բառերը, փոխաբերությունները, զարդարանքները և այլ կարգի բառեր, որ հիշատակված են իմ կողմից, ոճը դարձնում են անսովոր ու վսեմ. իսկ ընդհանուր գործածական արտահայտությունները նրան պարզություն են հաղորդում: Առանձնապես խոսքի պարզությանը նպաստում են,

1 «Античные теории языка и стиля», М., 1936, № 171:

շդարձնելով այն խոսակցական, ընդլայնումը, համառոտումը և բառերի նշանակությունների փոփոխությունները։ Մի յողմից արտահայտման սովորական եղանակից շեղվելու շնորհիվ բառը իր անսովոր բնույթով խոսքը դարձնում է անսովոր, իսկ այն պատճառով, որ խոսքի մեջ կան սովորական արտահայտություններ, ձեռք է բերվում նաև պարզություն։ Ըստ այդմ անարդար են պարսավանքները նրանց հասցեին, ովքեր դատապարտում են այդ տեսակ ոճը և ծաղրում են բանաստեղծներին, ինչպես օրինակ էվկիդես ավագը»¹։

Ինչպես նկատելի է, Արիստոտելը հիմնականում առաջ է քաշում լեզվի ու ոճի հարցերը և դրանք գործնական նկատառումներից բարձրացնում, դնում է դիտական հաստատուն հողի վրա։ Նա արդեն ուսումնասիրության առարկա է դարձնում տարբեր խնդիրների ամբողջ միակցություններ, քննում է դրանց առանձնահատկությունները, տալիս է սահմանումներ, վերլուծում և դիտական դասակարգման ենթարկում ուսումնասիրվող նյութը։

Լեզվի և ոճի փաստացի երևույթների մեջ խորանալով, Արիստոտելը հասնում է նաև պարբերույթի ըմբռնմանը։ Նա իր «Ճարտասանության» մեջ խոսում է պարբերույթի մասին, քննում է նրա առանձնահատկություններն ու հատկանիշները, բաժանում է տեսակների և լայն հասկացողություն տալիս պարբերույթի վերաբերյալ։

Ըստ Արիստոտելի խոսքը լինում է կամ շարակցական, որ միահյուսվում, զողվում է շաղկապներով, — այդպիսի խոսք են նախերդանքները, ներբողները, — կամ էլ հարթ ու ավարտուն, ինչպես հին բանաստեղծությունների տները։

«Ճարտակցական խոսքը հնագույնն է։ Առաջ այդ ոճը կիրառում էին բոլորը, իսկ այժմ այն գործածում են քչերը։ Ես շարակցական եմ կոչում այնպիսի ոճը, որ ինքնին վերջ չունի, քանի չի վերջանում այն առարկան, որի մասին խոսվում է։ դա իր անավարտունությամբ տհաճ է, որովհետեւ ամեն ոք

¹ Նոյն տեղում, էջ 175։

ցանկանում է վերջը տեսնել. այդ է պատճառը, որ վազքում մրցորդները շնչակտուր են լինում և ոլորանում, ուժասպառվում, մինչդեռ առաջ նրանք հոգնություն շէին զգում՝ իրենց դիմաց տեսնելով վազքի առարկան։ Ահա ինչով է բնութագրվում շարակցական խոսքը։ Հարթ ու ավարտուն ոճը այն ոճն է, որ կազմված է պարբերույթներից (շրջաններից)։ Ես պարբերույթ եմ կոշում այն արտահայտությունը, որն ինքնին ունի ոկիղը և վերջ և որի շափերը հեշտ է շրջահայել։ Այդպիսի ոճը հաճելի ու հասկանալի է։ Այն հաճելի է, որովհետեւ հակադիր է անավարտ խոսքին, և ամեն անդամ շնորհիվ այդ ավարտունության, լսողին թվում է, թե նա ինչ-որ բմբոնում է, իսկ ոչինչ շնախաղգալ և ոշնչի շհանգել, տհաճ է։ Այդպիսի խոսքը հասկանալի է, որովհետեւ այն հեշտությամբ հիշվում է, իսկ այդ առաջանում է այն բանից, որ պարբերութային խոսքը ունի թիվ, իսկ թիվը ավելի հեշտ է հիշվում։ Այդ պատճառով էլ բոլոր ոտանավորները ավելի լավ են հիշվում, քան արձակը, որովհետեւ ոտանավորները ունեն թիվ, որով նրանք շափում են։ Պարբերույթը պետք է իր մեջ պարփակի նաև վերջացած միտք և ոչ թե երկատվի։

Պարբերույթը կարող է կազմվել մի քանի կոլոններից (մաս) կամ լինել պարզ։ Այն պարբերույթը, որ կազմված է մի քանի կոլոններից, ավարտուն պարբերույթ է, ունի բաժանումներ և հարմար է շնչառության համար ամբողջությամբ և ոչ թե մասամբ։ Կոլոնը պարբերույթի երկու մասերից մեկն է։ Պարզ պարբերույթ ես անվանում եմ միանդամանի պարբերույթը։ Ոչ կոլոնները և ոչ էլ պարբերույթը շպետք է լինեն ոչ կարծ և ոչ էլ շատ երկար, որովհետեւ կարծ ձեզ հաճախ ստիպում է լսողներին սայթաքել։ Իրոք, երբ լսողը զեռ ձգտում է առաջ դեպի այն առարկան, որի մասին նա պատկերացու՞մ ունի իր մեջ, հանկարծ պետք է կանգ առնի՝ խոսքի դադարման հետեւանքով։ Կարծես նա սայթաքում է՝ հանդիպելով խոշոնդոտի։ Իսկ երկար պարբերույթները ստիպում են լսողներին ետ մնալ, ինչպես պատահում է այն մարդկանց հետ, որոնք զբոսնելով, դուրս են գալիս նշված սահմաններից և

իրենց հետևում թողնում նրանց, ում հետ զբոսնում են։ Այդ-
պես էլ պարբերույթները. եթե դրանք երկար են, վերածվում
են ամբողջական խոսքերի և նմանվում են նախերգանքի։

Չափաղանց կարճ կոլոններով պարբերույթները պար-
բերույթ չեն, դրանք լսողին առաջ են մղում շափաղանց սր-
բընթաց։

Մի քանի կոլոններից կազմված պարբերույթը լինում է
տրոհական կամ հակադրական։ Տրոհական պարբերույթի
օրինակ. «Ես հաճախ զարմանում էի նրա վրա, ով սահմա-
նեց հանդիսավոր ժողովները և հիմնեց մարզական մրցում-
ները»։ Հակադրական պարբերույթը այնպիսին է, որի մեջ եր-
կու անդամից մեկը մյուսի նկատմամբ հակադիր է կամ հենց
միենույն անդամը հարակցվում է երկու հակադրությունների.
օրինակ՝ «Նրանք ծառայություն մատուցեցին և նրան, և ու-
րիշներին. նրան, ով մնաց, և նրան, ով հետեւց նրանց»։ Այս-
տեղ հակադրություններ են՝ մնալ — հետեւ, բավականա-
շափ — ավելի շատ։ Ճիշտ այդպես էլ մյուս տրտահայտու-
թյան մեջ. «Եվ նրանց համար, ովքեր կարիք ունեն փողի, և
նրանց համար, ովքեր ցանկանում են դրանից օգտվել»։ օգտը-
վելը հակադրում է ձեռք բերելուն։ Շարադրման այս եղա-
նակը հաճելի է, որովհետեւ հակադրությունները շափաղանց
մատշելի են ըմբռնմանը. իսկ եթե նրանք կողք-կողքի են, էլ
ավելի հասկանալի են. այլև այն պատճառով, որ շարադրման
այդ եղանակը նմանվում է հավաքաբանության (սիլլոգիդմի),
այնպես որ ասլացույցը հակադրությունների դուզադրություն
է»¹։

Ինչպես տեսնում ենք, Արիստոտելը երկու տեսակ ու է
ընդունում, մեկն այն է, որ դեռևս չի վերջացել, ամբողջացել,
այսինքն՝ այն առարկան, որի մասին խոսվում է, խոսքի մի-
ջոցով չի ստառվում, չի կլորացված, իսկ սրան հակադիր
ավարտուն, կլորացված, վերջավորված խոսքը նա կոշում է
ուարբերույթ։ Ուրեմն՝ ըստ Արիստոտելի պարբերույթի տոտ-

¹ Նույն տեղում, էջ 183—184։

շին հատկանիշը վերջավորված, կլորացված, ավարտուն լինելն է։ Այդպիսի խոսքը ունի սկիզբ ու վերջ, և մտքով այն ընկալելը դյուրին է։ Ոճաբանորեն այդպիսի խոսքը նա համարում է հաճելի ու հասկանալի և բերում դրանց պատճառաբանությունները։ Հաճելի լինելը նա բացատրում է ավարտունությամբ, այդպիսի խոսքը, ըստ նրա, ընթերցողը կամ լսողը ամբողջությամբ ընկալում է, և հենց այդ հաճելի է։ Իսկ հասկանալիությունը պատճառաբանվում է հեշտ հիշելով։

Ըստ Արիստոտելի պարբերույթային խոսքը ունի թիվ, քանակ, այսինքն՝ բաղկացած է որոշակի մասերից ու անդամներից, իսկ թիվը դյուրությամբ է մնում հիշողության մեջ։ Այս առումով նա պարբերույթային խոսքի և ոտանավորի մեջ նմանություն է տեսնում, ասելով՝ թե երկուսն էլ ունեն թիվ, պարբերույթը ունի կոլոններ, իսկ ոտանավորը՝ ոտքեր։

Պարբերույթի մյուս հատկանիշը, ըստ Արիստոտելի, բազմամասնությունն է։ Ճիշտ է, նա նշում է, որ կան նաև պարզ միանդամանի պարբերույթներ, սակայն հիմնական ուշադրությունը բեկում է մասեր ունեցող պարբերույթի վրա։ Բազմամաս պարբերույթը, ըստ նրա, երկատվում է և հարմարվում շնչառությանը ամբողջությամբ, այլ ոչ թե մասնակիութեն։ Հիմնականում Արիստոտելը ծանրանում է երկմանց պարբերույթի վրա, նշելով ձեռքաժամանակ շնչառության պարագան, որ առնչվում է հնչերանգի հետ։

Արիստոտելը նկատում է, որ պարբերույթի ու սովորական նախադասության միջև կան զանազանություններ, սակայն դրանք որոշակի սահմանադատելու եզրեր ցույց շիտեւ։ Արիստոտելի և նրան հետեւ անտիկ աշխարհի ուրիշ դիտունների համար նույնիսկ պարզ նախադասությունը, երբ սկիզբ ու վերջ ունի, այսինքն՝ ավարտված է, մի պարբերույթ է։

Հիմնական ուշադրությունը բեկությունը երկմանց պարբերույթի վրա, Արիստոտելը նշում է՝ պարբերույթի եարեսութանձնահատկություններից մեկը՝ հակադրականությունը։

հսկապես պարբերույթի երկու մասերը զերազ սնցապես հակադիր են: Հակագրականությունը արտահայտվում է, մի քանի գծերով. հնչերանգային հակագրությունը՝ պարբերույթի հիմնական հատկանիշներից մեկն է. սրա հետ առկա է նաև քերականական՝ ձեւական հակագրությունը: Արիստոտելը սրանք չի նկատում, նա նշում է միայն իմացուային հակագրությունը, որ և համարում է պարբերույթի իարկար հատկանիշը:

Նա մեծ նշանակություն է տալիս նաև պարբերույթի շափակոր լինելուն. բայց նրա, շափականց կարճ նախադասությունը չի կարող պարբերույթ լինել, իսկ սրան հակադիր, շատ երկարը կորցնում է իր համաշափությունը, խռովվում է, որ նույնպես պարբերույթի համար ձեռնառ չէ: Պարբերույթի մյուս հատկանիշը, որ նշվում է նրա կողմից, շափակորությունն է:

Արիստոտելը պարբերույթի մասերի միջի որոշ հարաբերություններ է նկատում: Պարբերույթի տարբեր մասերը լինում են, բայց նրա, հակագրական, հավասար և նման: Հակագրության նրա ըմբռնումը երևում է մեր վերը բերած բաղվածքից, իսկ հավասարությունը այն է, որ պարբերույթի երկու մասերը լեզվական միավորումներով հավասար են: Եթե նմանության հատկանիշ նա ընդունում է երկու մասերի ծայրերի նմանավանկությունը: Այդ նմանությունը պետք է արտահայտվի կամ սկզբում, կամ վերջում: Սկզբում լինում են նման անուններ, իսկ վերջում՝ ետին վանկերը կամ միևնույն անունների տարբեր հոլովները և կամ միևնույն անունը¹:

Բայց Դեմետրիոսի պարբերույթը կազմված է կոլոններից (մասերից) և կոմերից (անցում): «Պարբերույթը կոլոնների ու կոմերի համակարգ է, որ վարպետորեն հարմարեցված է արտահայտելու նրա մեջ պարունակված մտքերը»: Դեմետրիոսը բերում է Արիստոտելի սահմանումը («Պարբերույթը բառական դարձված է, որն ունի սկիզբ և վերջ») և նշում է,

¹ Ետին անուն, էջ 184:

թե այդ սահմանումը գեղեցիկ է ու ճիշտ: Նա ավելացնում է: «Արդեն «պարբերույթ» բառը տնմիջալիս հասկանալ է տախու, որ այն ինչ-որ տեղ սկսվում է և որ այն ձգտում է վերջնակետին, ինչպես մրցողները վազրի մեջ»: Ըստ նրա՝ «Պարբերույթը նման է շրջանաձևի կամ օղակաձև ձանապարհի: Եթե պարբերույթի մեջ ոչնչացնենք այդ օղակաձևությունը և բառերի տեղը փոխենք, էությունը կմնա նույնը, բայց պարբերույթը չի լինի: Խոսքի մի ձեր կոչվում է կլորացված, այդպիսի խոսքը պարբերույթային է, իսկ խոսքի մի այլ ձեր կտրատվածն է. այդպիսի խոսքը բաժանվում է կլոնների, որոնք թույլ են զոդվում միմյանց հետ: Այսպիսի խոսքի մեջ կարծես կլոնները թափված են մի կուցտով և նետված են առանց ներքին կասկի ու փոխադարձ հենարանի: Դրանք այստեղ չեն օժանդակում միմյանց, ինչպես պարբերույթի մեջ են օժանդակում: Պարբերույթի կլոնները նման են այն քարերին, որոնք պահում են իրենց վրա կրում են կամարը: Իսկ կտրատված խոսքի կլոնները նման են այն քարերին, որոնք իրար մատ են թափված, բայց չեն ընդելուզված կառուցի մեջ: Դրա համար է, որ այդ ավելի հին խոսքի մեջ կա ինչ-որ ողորկություն և մաքրություն, ինչպես հնագույն արձաններում, երբ արվեստը ձևերի չոր պարզությամբ էր արտահայտվում. իսկ ավելի ուշ շրջանի խոսքը նման է Ձիդիասի ստեղծագործություններին, քանի որ նա ունի և մեծափառություն և մշակվածություն»¹:

Դեմետրիոսը երեք տեսակ պարբերույթ է ընդունում՝ պատմական, խոսակցական և նոետորական: Պատմական պարբերույթը այն է, որ ոչ շափազանց կլորացված և ոչ է շափազանց աղատ է կառուցված, այլ զրադեցնում է այդ երեխու ծայրահեղությունների միջին տեղը, որպեսզի իր կլորության հետեանքով շթվա հսկորական, անհամողիշ. իր արժանավորությունն ու հարմարությունը պատմական շարադրման համար պայմանավորված են իր պարզությամբ: Հոետորական խոսքի պարբերույթը կառուցիկ է և կլորացված,

¹ Նույն տեղում, էջ 184:

որ պահանջում է ուժեղ ձայն ու դիմաշարժեր, որոնք ուղեկցում են նրա կշռույթին։ Հենց սկզբից այդ պարբերույթը ունի ինչ-որ կենտրոնացածույթյուն, և հասկանալի է, որ այն պարզ չպիտի վերջանա: Խոսակցական պարբերույթը էլ ավելի աղաւած է ու հասարակ, քան պատմականը: Այն հաղիկ թե պարբերույթ համարվի: Կոլոնները նրա մեջ նետված են մեկը մյուսի վրա, ինչպես կտրատված խոսքի մեջ և վերջանալու միջոցին հաղիկ հնք նկատում, թե ասվածը պարբերույթ է: Խոսակցական պարբերույթը պետք է տեղադրվի կտրատված և կլորացված խոսքերի միջև իրեն երկուսի խառնուրդ¹:

Պարբերույթի մասին խոսել է նաև լատին ձարտասահն Կիկերոնը. նա պարբերույթը բնութագրում է հետեւյալ ձեռվահրապարակույթի մեջ վերջացած պարբերույթը կազմված է, մոտավորապես, շորս մասից, որոնք մենք անվանում ենք անդամներ. այդպիսի տեսքով այն (պարբերույթը) լսողությանը բավականաշափ դոհացում է տալիս՝ լինելով պահանջվածից ոչ շատ կարճ և ոչ էլ շատ երկար: Սակայն երբեմն, կամ նույնիսկ, ավելի ճիշտ, հաճախ, լինում են շեղումներ և դեպի այս, և դեպի մյուս կողմը, այնպես, որ անհրաժեշտ է լինում կամ շատ դադար տալ, կամ պարբերույթը շարունակել որոշ շափով առաջ այն նպատակով, որպեսզի կամ պարբերույթի շափականց կարենուքյամբ շխաբենք լսողների սպասելիքները, կամ շրթացնենք նրանց ուշադրությունը ավելորդ մեծ երկարությամբ:

Այսպիսով, լրիվ պարբերույթը մոտավորապես կազմված է շորս անդամից, ինչպես հեկղամետրային շափի ոտանավորը՝ տներից: Այդ առանձին տների վերջույթները՝ կարծես հանգույցներ են՝ կապակցելու համար հետագա մասերը, և պարբերույթի մեջ մենք այդ հանգույցները ամրացնում ենք: Եթե մենք ուղում ենք անդամահատված խոսել, ապա այդ տեղերում դադար ենք առնում, և այդպիսով, երբ անհրաժեշտ

¹ Նոյն տեղում, էջ 241:

է, Հեղտությամբ և հաճախ հրաժարվում ենք խոսքի այդ անընդհատ հոսանքի խիստ պահանջներից¹:

Շարունակության մեջ Կիկերոնը մանրամասն խոսում է խոսքի կշռութիւն մասին, որին մենք առանձին դեռևս կանգրադառնանք, բայց հենց այստեղ նշում է պարբերութիւնի մի այլ առանձնահատկությունը, որը ոչ ոք նրանից առաջ չի նկատել: Նա գրում է. «Չէ՞ որ հենց պարբերութը, որի մասին մենք բազմաթիվ անգամ խոսեցինք, պայմանավորված է կշռութով, ընթանում է և ավելի ու ավելի ցած է իշնում արագ թափով, մինչև չի հասնում վերջին և չի դադարում»²: Պարբերութը կշռութային և հնչերանգային տեսանկյունից իսկապես բաժանվում է երկու հակադիր մտսերի՝ բարձրացող և իջնող: Ահա Կիկերոնը, ճիշտ է, ոչ պարզորոշ, բայց նշում է նաև այդ հանգամանքը, որ իսկապես պարբերութիւն էական հատկանիշներից մեկն է:

Կիկերոնը խորանալով խոսքի կշռութիւն, հնչերանգային խնդիրների մեջ, բացահայտում է նաև պարբերութիւնի այլ կարևոր հատկանիշը. ըստ Կիկերոնի, պարբերութը պետք է շարադասվի կառուցիկ և ոչ թե անկարդ նետիլի: Սովորաբար կարծում են, ասում է նա, որ պարբերութիւնի սկզբի և վերջի մասերը պետք է պահպանեն շափակցություն, իսկ շատերն էլ ենթադրում են, թե կշռութավոր պետք է լինի միայն եղբափակիչ մասը, միայն արտահայտության վերջը: Ճիշտ է, պատասխանում է նա, կշռութավոր պետք է լինի դերադանցապես վերջին մասը, բայց այն մենակ չէ, պետք է ամբողջ պարբերութը լինի կառուցիկ: Բայց քանի որ լսողությունը լարված սպասում է եղբափակող բառերին և հանգըտանում է այդտեղ, ուստի հենց այդ վերջին մասերի անկրշութ լինելը անթույլատրելի է: Պարբերութը, սակայն, պետք է հենց սկզբից ուղղություն վերցնի դեպի այդ վերջը, և ամբողջ իր ընթացքին ակունքից հոսի այնպես, որ մոտենալու վերջին, ինքն իրեն դադարի³: Ուրեմն Կիկերոնը սահմա-

¹ Նույն տեղում, էջ 242:

² Նույն տեղում, էջ 248, 251:

³ Նույն տեղում:

նում է պարբերույթի մի այլ հատկանիշ ևս, այն, որ պարբերույթը պետք ունենա որոշ շափակցություն, կառուցվածքային համաշափություն, մասերի դասավորման կարգավորություն։ Պարբերույթի այս հատկանիշը ևս ընդունվում է ժամանակակից ուսումնասիրողների կողմից։

Դեմետրիոսը պարբերույթի մասերի ու անդամների մասին նշում է՝ «Արխատոտելը այսպես է սահմանում կոլոնը. կոլոնը պարբերույթի երկու մասերից մեկն է, իսկ հետո ավելացնում է՝ լինում է նաև պարզ պարբերույթ։ Այսպիսով սահմանում է. մեկը երկու մասերից առելով, նա ակնհայտորեն նկատի է առնում, որ պարբերույթները կազմված են երկու կոլոնից։ Կարճ պարբերույթները կազմված են երկու կոլոնից, ամենաերկարները՝ չորսից։ Չորսից ավելի կոլոնը անցնում է պարբերույթի շափերից։ Կան պարբերույթներ, որոնք կազմված են երեք կոլոնից և նույնիսկ մեկից։ Վերջինը լրացում են պարզ պարբերույթ։ Եթե կոլոնն ունի մի հայտնի երկարություն և վերջում կլորանում է, ապա ստացվում է պարզ պարբերույթ՝ բայց միայն երկարության և վերջում կլորության առկայությամբ, իսկ սրանցից մեկնումեկով պարբերույթ չի ստացվի»¹։

Ինչպես նկատելի է, Դեմետրիոսը ցանկանում է ձգտել Արխատոտելին, առելով, որ պարբերույթը պետք է երկու կոլոնից բաղկացած լինի, սակայն վերջում ինքն էլ ենթարկվում է Արխատոտելի աղղեցությանը և ընդունում նաև պարզ պարբերույթ, որ կազմվում է մի կոլոնից, մի վերապահությամբ, որ այն պետք է ունենա որոշակի երկարություն և կլորություն (ավարտունություն, փակվածություն)։

Հույնները որոշում են նաև կոլոնի (պարբերույթի մասի) բմբոնումբ։ Նույն Դեմետրիոսը գրում է, թե Արխեղեմոսը Արխատոտելի սահմանումին միացնելով և նրա լրացումբ, տալիս է հետեւյալ ավելի պարզ ու լրիվ սահմանումը. կոլոնը կամ պարզ պարբերույթ է, կամ բարդ պարբերույթի մաս։

1 Նույն տեղում, էջ 239։

Անտիկ ուսումնասիրողները, հատկապես Կիկերոնը, մանրամասն խոսում են պարբերույթի և առհասարակ արձակ խոսքի կշռույթի ու շափերի մասին, բայց առայժմ այդ հարցը մեզ չի հետաքրքրում: Որպեսզի ընթերցողը պարզ պատկերացնի, թե վերջապես ըստ անտիկ մտածողների ինչ է պարբերույթը և ինչ հատկանիշներ ունի, ընդհանուր հայտարարի բերենք վերը ասլածը: Պարբերույթը բառերով արտահայտված մի դարձված է, որ ունի սկիզբ և վերջ: Ամեն նախադասություն էլ ունի սկիզբ և վերջ. այս սահմանումի տակ նրանք հասկանում են այնպիսի սկիզբ ու վերջ, որ փակվածություն, կլորացվածություն, ավարտունություն է ցույց տալիս, այսինքն մի որոշակի կետից սկսվում է և ավարտվում փակվածությամբ: Հիմնականում պարբերույթը պետք է երկու կամ ավելի մասեր ունենա, բայց չորսից չպետք է անցնի. չորսից ավելի մասերը պարբերույթը ճապաղեցնում են, կորչում են կշռույթն ու համաշափությունը: Պարբերույթը պետք է ունենա համաշափ ու կանոնավոր շարադասություն, մասերի նըլան անդամները պետք է տեղադրվեն համապատասխան տեղերում, և մասերը միմյանցից շատ երկար ու կարճ չպետք է լինեն. ըստ այս պայմանների, պարբերույթը պետք է նաև կշռույթավոր լինի: Ճիշտ է, անտիկ մտածողները ընդունում են նաև միամասնյա պարբերույթ, բայց այս վերջինը ունենալու է անհրաժեշտ երկարություն և ավարտուն փակվածություն: Ահա այն ամենը, որոնցով հին աշխարհի գիտունները պարբերույթը տարբերում են սովորական նախադասությունից:

Ա Կ Զ / 31



ՊԱՐԲԵՐՈՒՅԹԻ ԸՄԲՈՆՈՒՄԸ ՀԱՅ ՃԱՐՏԱՍԱՆԱԿԱՆ
ԱՐՎԵՍՏՈՒՄ

Հայերը գիր ու գրականություն ստեղծելուց հետո բուռն հետաքրքրություն են հանդես բերում այն ամեն զիտությունների նկատմամբ, որոնք առաջացել ու զարգացել էին անտիկ աշխարհում՝ հատկապես Հունաստանում։ Գիտությունն ու գրականությունը նկատելով իբրև իրենց կյանքի զլիսավոր խորհուրդը, հայերը չէին կարող անտես առնել ճարտասանությունը, գրականության տեսությունը, որ այնքան զարգացել էր անտիկ աշխարհում։ Մեսրոպի հիմնած դպրոցներում իսկ աշակերտներին սովորեցնում էին ճարտասանություն, երկ ստեղծելու կանոնները, նրանց վարժեցնում էին գործնական շարադրություններով։ Միջին դարերում ճարտասանության արվեստը ավելի է զարգանում։ Մ. Արեգյանը գրում է. «Միջնադարյան դպրոցներում «պիտույք» հունական ուսուց բառով կոչում էին այն ճարտասանական կամ բանահյուսական վարժությունը, որով մի իմաստնալից ասացված ու խոսք կամ որևէ անձի պատմություն ու արարք ընդարձակում, աճեցնում էին այս կամ այն եղանակով ու կանոններով և կազմում էին* մի ընդարձակ ճառ կամ «բան»։ Այդ ճարտասանական վարժություններն իրենց կանոններով նույնիսկ մեր գրականության սկզբներում աշխատել են մտցնել մեր մեջ թարգմանիչները։ Հայոնի է Խորենացուն վերագրված «Պիտոյից դիրքը», որի մեջ բացի կանոնների բացարություններից կան

նաև օրինակներ «Հրահանգիցն աղագաւ առ մանկունս»¹: Հիշյալ զիրքը, որ վերադրվում է Խորենացուն, ժամանակակից անվանումով ասած, գրականության տեսության դասագիրք է, որտեղ շարադրված են տարբեր տեսակի երկերի առանձնահատկությունները և դրանք գրելու կանոնները: Բայց նրանում պարբերույթի մասին հիշատակություն չկա, ուստի անհրաժեշտ չէ այս առիթով այն վերլուծել:

Հետագայում էլ հետաքրքրությունը ճարտասանական արվեստի հանդեպ միշտ վառ է մնում. որևէ նշանակալից երկ այդ հարցերի մասին հայ գրականության մեջ անարձագանք չի մնում: Թարգմանվում է Ֆէովնի «Յաղագս ճարտասանութեան» դիրքը և այլ գրքեր, որոնցից շատերը մեզ չեն հասել:

Մեր մատենադարանում պահպանվում են ավելի քան 25 ձեռագրեր, որոնք վերաբերում են ճարտասանության ու բանահյուսության: Դժբախտաբար դրանք ուշ շրջանի ձեռագրեր են և XVII դարից այն կողմ չեն անցնում: Այս դեռ ոչինչ ձեռագրերով հնարավոր չէ պարզել, թե այդ աշխատությունները ինչ աղբյուրներից են ծագում, ովքեր են դրանց հեղինակները և որ ժամանակաշրջանից են:

Միակ ձեռագիրը, որի հեղինակի մասին տեղեկություն է տրվում, դրված է 1733 թվականին: Այդ աշխատությունը վերնագրված է «Համառօտութիւն ճարտասանութեան» և պահպանվում է 875 համարի տակ: Այդ նույնը բառացի և ստույգ արտագրությամբ գտնում ենք №№ 8333, 3610 ձեռագրերում: Այս աշխատությունը ամփոփ և հմտորեն կազմված ճարտասանության դասագիրք է, որ վերադրված է Մխիթար Սեբաստացուն: Սրանից ավելի քան մի հարյուր տարի առաջ կա ճարտասանության մասին տպագրված զիրք, բայց տվյալ դեպքում մենք այս համառոտ տեսությունը տալիս ենք «Համառօտության», այլ աշխատության կարևորության համապատասխան: Սկսենք հենց Սեբաստացուն վերագրված

1 Մ. Աբեղյան, Հայ հին գրականության պատմություն, Հատ. I, Երևան, 1944, էջ 273:

Ճեռագրից: «Նշենք նաև, որ պարբերույթի համար անխտիր կիրառվում է սպարբերույթի բառը, մի ճեռագրում միայն կա շրջաբերույթ»:

Հիշյալ ճեռագրերը պարբերույթը սահմանում են այսպիս՝ «Պարբերությունը մի խոսք է, որի շուրջը բառերը շարակարգվում են շրջաբերաբար կամ բոլորակարար այնպիս, մինչև, որ մ' ամբողջ ասացված կամ իմացված ավարտուն է դառնում»¹. օրինակ՝

Նա որքանիցո խնամարկեցաւ, այնքան խանդարեցաւ, որշափ սիրեցաւ, այնքան դադացաւ, որքան խրատեցաւ, այնքան ստահակեցաւ, որքան յանդիմանեցաւ, բայց ոչ երբեք զգաստացաւ, ձաղեցաւ, սակայն ոչ զգօնացաւ, շողոքորթեցաւ, այլ ոչ շահեցաւ,— վասն որոյ ըստ արժանույն և իրաւամբ բացամերժեցաւ:

Բերված օրինակը կատարյալ պարբերույթի ցուցադրություն է, իսկ սահմանումը պարզապես տրված է հույների հետևողությամբ, որոնք պարբերույթը նմանեցնում են շրջանի կամ շրջանաձև վազքի, որը սկսվում է մի կետից և վերջանում է նույն կետում՝ կազմելով շրջան կամ օղակ: Նույնիսկ եթե փորձենք տվյալ օրինակի միջոցով շրջաբերաբար կամ բոլորակարար (շրջանակաձև, կլոր) հասկացողությունները բացատրել, դժվար կլինի, որովհետեւ շրջանակաձև կամ օղակաձև պարբերույթը այս վերջինիս մի տեսակն է, որի մասին կխոսվի առանձին: Այստեղ պարզ ու մեկին այն է, որ պարբերույթը մի վերջացած, ամբողջացած արտահայտություն կամ միտք է:

Ըստ ճեռագրի բացատրության պարբերույթը ավարտուն է դառնում, երբ տվյալ առարկայի մասին այլևս տսելիք չի մնում, այսինքն՝ բոլոր կողմերից առարկան բնութագրվում է: Բերված օրինակը պարբերույթ է, որովհետեւ սպառիչ կերպով տալիս է անկատար և մերժված մարդու բնութագիրը:

1 Սահմանումները և բացատրությունները բերում ենք թարգմանարար, իսկ օրինակները թողնում ենք դրաբար:

Երբ դրանից հետո խոսքը անցնում է այլ նյութի, կազմվում է նոր պարբերույթ, իսկ եթե այս նորը կցվում է նախորդին, առաջանում է բաղմաղան (բարդ) պարբերույթ. օրինակ՝

Եւ յայսմանէ հետեւցաւ ինքեան զրկումն յիմաստից ստանալեաց և մոռացումն գիտութեանց շահեցելոց, կորուստ մեծաչան աշխատութեանց և ունայնացումն բաղմամեաւ բրտանց, հեռացումն ի հանդարտ կենաց և ներանկումն ի վշտահոծ կեանս աշխարհական վարուց:

Ուրեմն եթե այս օրինակը վերջից կցենք նախորդ օրինակին, կստանանք, իր բառով ասած՝ բաղմաղան պարբերույթ:

Պարբերույթի մտաերը երկուսն են՝ անդամ և Հատված։ Անդամը այստեղ հասկացվում է իբրև մաս, իսկ Հատվածը՝ իբրև այդ մասի անդամ։ «Անդամն է մասն պարբերութեան կամ դիտաւորութիւն իմն թուով շարափակեցեալ», ուրեմն՝ անդամը նախադասություն է, որ թվով է ամփոփված, բայց այնպես կատարյալ չէ, որ խոսքի ամբողջ միտքը ըմբռնվի. զրա համար ինքնին կատարյալ միտք չի արտահայտում. օրինակ՝

Թէև աղնուութիւն տեղոյ, բարեխառնութիւն օդոյ, բաղմութիւն կարկաշահոս աղբերաց, համեղ, սառնատեսակ ջուրց տուատութիւն, ամենից տեսակաց բարեաց և բեղմնաւորութիւն տնդաստանաց և պարտիզաց քաղաքին ձերոյ հաճոյ թուեցիւր։

Ահա, ըստ ձեռագրի, պարբերույթի մի անդամը, որ սակայն նպատակակետին չի հասցնում, եթե չկցվի նաև մյուս անդամը, ինչպես՝

Սակայն բնակակցին ընդ անօրինաց, ստորանկումն նոցունց բոնութեանց, լսելն զձայն դովասանութեան անուան հարապետի նեռան և տեսանելն զայնքան բաղմութիւն հայնոյարանաց մղկթաց այնքան զղուեցուցանէ զիս, մինչ զի և յիշումն քաղաքի ձերոյ զարշելի թուի ինձ։

Իսկ Հատվածը անդամի մասն է կամ նախադասություն է, որ թվով չի ամփոփվում և ըստ նշանակության անկատար

է (թվով ամփոփվել=մասերի բաժանվել). օրինակ՝ ոչ միայն հպարտք, ազագք, որկրամոլք և բամբասողք։ Այս բոլորը ոչ միայն-ով կառված մի ամբողջություն են կազմում և թիվ չունեն։

Ձեռագիրը պարբերույթի համար տալիս է նաև ոճաբանական ցուցում։ Պարբերույթը այնպես պետք է կառուցվի, որ վայելու և հարթ լինի, ինչպես որ հղկած քարով շարված պատերը տեսքով հաճելի են և շափակցված։ Ներդաշնակ և համահավասար բառերից կազմված պարբերույթը այդպես ախորժելի է. օրինակ՝

Եթե ոչ էիր խնդրեալ, ոչ տայր, եթէ ոչ էիր բաշխեալ, ոչ բանայր, եթէ ոչ էիր ջերմապէս արտասուեալ, ոչ գթայր... և այլն։ Իսկ եթե այսպես լինի՝

Եթէ ոչ էիր կամեալ, ոչ տայր, եթէ ոչ էիր ծովացեալ ի բախելոյ, ոչ բանայր, և եթէ ոչ էիր արտասուահեղ եղեալ, ոչ գթայր... կդառնա անհարթ, որովհետեւ մի անդամի բառերը շեն շափակցված մյուս անդամի բառերի հետ, իսկ որոշ բառեր էլ ծանրալուր են, երկար. օրինակ՝ կամեալ և արտասուահեղ բառերը։ Զպետք է նաև պարբերույթը հանդավոր դարձնել, այդ դեպքում ճարտասանական խոսքը կլինի տաղաշափական (տե՛ս ձեռագիր №№3610, էջ 47 բ-ից 51բ, էջ 275-ից 287)։

Համարյա նույն ձեռվ են բնութագրում պարբերույթը №№ 2282 և 7246 ձեռագրերը, որոնք բառացի նույն նյութն են պարունակում։ Առաջինի թվականը հայտնի չէ, իսկ երկրորդը դրված է 1741—1747 թվականներին։ Ըստ այս երկու ձեռագրերի, պարբերույթը կոչվում է շրջաբերութիւն, որ լրիվ ավարտված խոսքի շրջանակորում է («շրջաբերութիւն է պարառութիւն խոսից համավարեցեալ»), կամ նախադասություն է («դիտաւորութիւն»), որ լրիվ միտք է արտահայտում. օրինակ՝

Թէկ իսկապես տեսեալ իցէ դհայր քո, սակայն ոչ ճանաչէի զնա գոլ հայր քո, որովհետեւ կանխապես շեմ գիտակ նմա (տե՛ս էջ 81, իսկ երկրորդ ձեռագրի՝ էջ 72բ)։

Սրանք նույնպես պարբերույթը բաժանում էն անդամների, անդամները՝ հատվածների։ Երբ բազմաթիվ հատվածներ բարդվում են միմյանց հետ, դա կոչվում է հատվածորեն խռուել. օրինակ՝

Սիրել զիրեարս, սրբել զմիտս, մաքրել զհողիս, հնալզանդել զկամս, խրատել զստահակս, կանգնել զանկեցեալն, սաստեալ զսարտուցեալս, զերծեալ զգերեցեալս յաւէտ սլարտ է մեզ։

Երբ շատ անդամներ են բարդվում միասին, դա էլ կոչվում է անդամապէս խռուել. օրինակ՝

Եթէ ուսուցեալ էի անդգամաց զիմաստութիւն և անսացեալ էի բանից շարագործաց, վնասեալ էի անձանց միամտաց և հարկեալ էի զուսումն անկարողաց, արդեօք մեղադրելի էի ի բազմաց։

Երբեմն էլ Երբ շատ շրջաբերություններ (պարբերույթ) միասին են բարդվում, դա էլ կոչվում է շրջաբերապէս խռուել։ Սրա համար էլ ձեռագրերը տալիս են հետեւյալ օրինակը։

Եթէ բանից իմոց անսացեալք էիք դու և աշակերտք քո, արդարեւ ոչ անկանէիք այդքանիցս ի վտանգ հոգւոյ։ Եթէ դալուստն իմ լեալ իցեր ձեզ օգուտ և այս յայտնի իսկ է, զի զոտն իմ ոչ արգելուի դալ առ ձեզ միշտ։ Թէև բազմիցս քարոզութիւն քո համեղացուցեալ էր զիս, սակայն հերծուածողութիւն քո այնքան դառնացուցեալ է զհողի իմ, մինչ զի ոչ յարեմ հայիլ յերեսս քո։

Նկատենք սակայն, որ նախորդ երեք ձեռագրերը նույնպես նշում են հատվածորեն, անդամապէս և պարբերույթապէս ասված խռոքերի մասին և նույնպես բերում են համապատասխան օրինակներ։

XIX դարում գրված № 5760 տակ պահպաղ մի ձեռագիր պարբերույթի մասին խռում է այսպես. ըստ ձարտասանական սահմանումի պարբերույթը մի համառոտ և լրիվ խռոք է, որ բաղկացած է միմյանց հետ կապակցված, բայց տարբորոշ անդամներից կամ մասերից։

Պարբերույթը լինում է երկու տեսակ՝ բնական և տրվածական։ Բնական է համարվում այն պարբերույթը, որը դար-

դանում է ըստ նյութի պահանջի ու հանգամանքների: Իսկ արվեստականը այն է, որի մասերը ըստ երկարության ու կարձության ներդաշնակվում են, հատվածները՝ շարադասվում են համաշափ ու վայելու (տե՛ս էջ 57թ):

Պարբերութիւն մասին ամենահին հիշատակությունը արել է Հովհաննես Հոլլով Վանանդեցին «Համառոտութիւն հարտասանական արուեստի» աշխատության մեջ 1674 թվականին: Դրանից հին նշում ոչ մի տեղ չենք դանում: 1711 թվականի մի հրատարակություն, որ կրում է «Համառոտական իմաստասիրութիւն» խորագիրը, պարբերութը բնութագրում է այսպես. «Պարբերութիւն շուրջ բերութիւն և բանից շրջաբերութիւն: Երբ կատարեալ իմացուած լինի, շրջաբերութիւն դադարի: Զի այնու բանք շրջաբերին, զի իմացուածք կատարիցին: Ուրեմն այնքան բանք սկարբերին, մինչև իմացմունք կատարիցին, որպան եթէ աստ ասիցի, այս պարբերութիւն շինիցի: Եթէ ոք Աստուած սիրիցէ և զպատգամս պահիցէ, նա եղիցի այր սկատուական, ընտիր, աղնիւ, հաճոյական: Աչտ այս է սկարբերութիւն, զի կատարեալ իմացութիւն: Պարբերութիւն ի յանդամոց և միջաբար ի հատուածոց, շինի, լինի և բաղկանայ և շարագրեցեալ դոյանայ: Անդամ մասն է սկարբերութեան, բաղկացուցիչ շուրջ բերութեան: Ուստի անդամ բան անկատար, զի է իմացուած անկատար: Հատուածը և մասունք անդամոց և անկատար իմացուածոց» (տե՛ս էջ 85):

Ինչպես նկատում է ընթերցողը, թե՛ ձեռագրերը և թե՛ տպագիր հրատարակությունները նպատակ չունեն սկարբերութիւն մասին մանրամասն ու գիտական վերլուծություններ տալու: Ճշմարտությունը այն է, որ ժամանակի գիտական ըմբռոնումները դրանից այն կողմ չեն ել անցնում: Յուրաքանչյուր հարցի մասին թուրցիկ գաղափար է տրվում, որպեսզի աշեկերտները իմանան ճարտասանության տարբեր խնդիրների մասին և շարագրություններ դրելիս օգտագործեն սերտած կանոնները:

Բացի ուսուցողական նպատակներից ճարտասանական արվեստը օգտագործվում էր քարոզչության մեջ: Քարոզներն

ու ճառերը կաղմվում էին հիշյալ կանոնների համապատասխան, օգտագործվում էին զեղեցկախոսության հնարները՝ լսողներին գրավելու համար:

Ճարտասանական արվեստը մասամբ ստանում էր նաև գիտական նշանակություն և նպատակադրություն: Հայ գիտունները կարդալով մեր գասական հեղինակների գործերը և դրանք համեմատելով հույն և լատին գրողների գործերի հետ, նկատում էին լեզվառական ու այլ կարգի ընդհանրություններ. և որովհետև հույն ու լատին հեղինակների լեզվառական այդ հատկանիշները ուսումնասիրված ու ցուցադրված էին այլևայլ տիպի գրքերով և ուսումնասիրություններով, և հատկապես վեր էին հանված նրանց ճարտասանական արվեստի առանձնահատկությունները, հայ գիտունները նույն ձևով ուսումնասիրում էին հայերենի հիշյալ հատկանիշները և դրանք ցուցադրում էին հայերենի օրինակներով: Այս կարգի գիտական ուսումնասիրությունների մեջ առանձնապես աշքի է ընկնում Ստեփանոս Ագոնցի «Ճարտասանութիւն բովանդակեալ ի հինգ գիրս» աշխատությունը, որը լույս է տեսել 1775 թվականին: Այս գիրքը կարող է մրցել ժամանակի եվրոպական ու ոռոսական ճարտասանական ցանկացած ձեռնարկի հետ: Բովանդակությամբ հարուստ, օրինակներով ճոխացված, գիտական բացատրություններով հազեցված հիշյալ ձեռնարկում հանգամանորեն ուսումնասիրված է պարբերությը:

Ագոնցը ասում է. պարբերույթը ըստ ճարտասանների սահմանումի, համառոտ, բայց լրիվ խոսք է, որ բաղկացած է տարրորոշ մասերից կամ միմյանցից կախված անդամներից, որոնք կապակցվում են շաղկապներով: Հենց այստեղ նա ըերում է Արիստոտելի սահմանումը. պարբերույթը այնպիսի խոսք է, որ ունի սկիզբ ու վերջ և սահման ունեցող : հծություն է: Ագոնցը նշում է, որ Արիստոտելի և իր սահմանումները նույնանում են, որովհետև այն ալիզըք, որի մասին խոսում է Արիստոտելը, ոչ այլ ինչ է, եթե ոչ պարբերույթի առաջին անդամը, որ պետք է առկախ թողնել, որպեսզի անհրաժեշտորեն այլ անդամներ հետեւն նրան: Իսկ վերջը պար-

բերույթի վերջին անդամն է, որ որոշ սահմանափակությամբ և բառերի ամփոփիչ շրջափակումով (պարառությամբ) ստարագրում և ձեռավորում է պարբերույթը. Հենց ուզդ ոլորագրումը (կլորացումը) հնարավորություն է ընձեռում մի հայացքով հեշտ ըմբռնելու:

Պարբերույթը սահմանավոր մեծություն է, բայ Ազոնցի, որովհետև ունի և միջոց, որն ընկնում է սկզբի և վերջի միջև: Պարբերույթը պետք է շափավոր լինի. Եթե այն շատ երկար եղավ, խիստ կճապաղվի խոսքի բովանդակությունը. ուարբերույթը շպետք է նաև համառոտվի: Բայ Ազոնցի պարբերույթը պետք է երկու անդամ ունենա: Մեկ անդամը չի կարող պարբերույթ կազմել: Քերականների համար, ասում է Ազոնցը, ամեն մի խոսք, որ խմաստ է արտահայտում և վերջացած է (լրիվացած)` պարբերույթ է, իսկ ճարտասանների համար այդպես չէ. նրանք, բայի խմաստից, պահանջում են անդամներ և սահմանված մեծություն:

Ազոնցը պարբերույթը բաժանում է երկու տեսակի՝ բնական և արվեստավոր. բնականը այն է, երբ խոսքը կարգավորվում է բայ առաջադրված նյութի հանդամանքների. Երբեմն հատվածորեն և երբեմն անդամներով, ու բառերի քանակի և շարադասության մեջ ոչ մի մասնակի եղանակ չի ստեղծվում, այլ պարբերույթը ձգվում է, որքան կարիքը պահանջում է. այսպիսի պարբերույթը բայ Ազոնցի կոչվում է շարունակ (անմիջապես իրար կապակցված) կամ պատմական: Իբրև օրինակ բերվում է հետեւյալ նախադասությունը՝ «Իսկ արք ոմանք ի թշնամեացն յայնցանէ, որ շուրջն կային, տեսեալ ի սրբոց անտի մանուկ մի զուարթատեսիլ և գեղեցիկ երեսօք Միքայել անուն, յաշխարհէն Գուգարաց, որոյ չե ևս էր փաղփաղեալ բողբոջեալ մրադիր բոյսք մօրուացն ընդ ծնօտսն .և իբրև մարդասիրելի ի նախակացեալ և բուռն հարեալ զնմանէ լինքեանս կորզեալ ձգէին, զի մի ընդ այլսն և նա կորիցէ»: Ահա, ասում է Ազոնցը, այս նախադասությունը մի ամբողջ պարբերույթ է, թեալետև գեղեցիկ ու կանոնով է հյուսված, բայց չունի բառերի ու անդամների յուրահատուկ

շարադասական ձև, ուստի չկա նաև բառերի պարագություն (շրջանաձևություն):

Իսկ արվեստավոր պարբերուցքը այդպես չէ, ասում է Ազոնցը. այս դեպքում բառերի երկարությունն ու կարճությունը չափվում է ըստ արվեստի, որոշվում է նրանց դիրքն ու դասավորությունը, հատվածների հանգամանքները. համառոտ ու ընդհատ չի մնում խոսքը, այլ ձևավորվում է և սահմանադատվելով շրջափակվում (կլորանում է) վայելու ու դեղեցիկ ձևավորվածությամբ, կամ ավելի լավ է ասել՝ այն միահյուսվում է ներդաշնակությամբ. օրինակ՝

«Յայնժամ որ վարանէրն գաղտնի սկզբնաշարն թշնամին, ծանուցեալ թե մեքենայքն իւր խայտառակեցան, տիեզերք աստուածապաշտութեամբն ծաղկեցան, պատրեալքն դարձեալ փրկեցան, ժառանգորդք դրախտին ի հայրենիսն փութացան, երկրաքարշ հեշտութիւնն տեղի ետ և երկնային սրբութիւնն սկայծառացաւ, գործի ատելութեանն խորտակեցաւ, պտուղ սիրոյն սկսաւ բազմանալ, յոյսն ամենեցուն ի ստորնայնոցս վերացաւ և յերկնային կայանն հանդեաւ, արտաքս սողէր յորչէն շարութեան, իբրև զառիւծ գոշելով շրջեր բացեալ զիոկորդ շարութեանն. ջանացեալ առ ի կլանել զեկեղեցին փրկեալ Քրիստոսիւ» (Լամբրոնացի); Բերելով այս ընդարձակածավալ պարբերուցքային խոսքը, Ազոնցը ավելացնում է, թե ահա այս է արվեստավոր պարբերուցքը, որի մեջ ամեն բառ չափով ու կշռով է դասավորված. Եթե սրանց մեջ որևէ փոփոխություն մտցվի, վերուվայր կխորտակվի բառերի շրջանաձևությունը:

Եթե Ազոնցի հայտնած մտքերը համեմատենք հին աշխարհի գիտունների արտահայտած մտքերի հետ, կնկատենք մասնակի տարբերություններ։ Ազոնցը պարբերուցքը ըստ իր կառուցվածքի և անդամների ներքին դասավորության երկու տեսակի է բաժանում. ըստ էության այս բաժանումը որոշ վերապահությամբ պետք է ընդունել։ Մենք տեսանք, որ Կիկերոնը պարբերուցքի համար պահանջում էր համաշփություն և կշռություն։ Ազոնցի արվեստավոր պարբերուցքը վերջի-

վերջո հենց այդ համաշափ ու կշռույթավոր պարբերույթն է: Այժմ պարբերույթի ըմբռնումը փոխվել է: Նրա բովանդակությունն ու ձեզ սահմանվում են այլ շափանիշներով ու գիտական պահանջներով. այնպես որ եթե հույները և լատինները միայն Ազոնցի ասած արվեստավոր խոսքն էին պարբերույթ համարում, այժմ ընդունվում է նաև բնական պարբերույթը, բայց այլ մոտեցումով, որի մասին կխոսվի առանձին:

Ազոնցը մանրակրկիտ խոսում է նաև պարբերույթի մասերի վերաբերյալ: Նա ասում է, որ պարբերույթը իբրև կատարյալ մարմին բաղկացած է մասերից. դրանցից խոշորները կոչվում են անդամներ¹, իսկ փոքրերը՝ հատվածներ: Ըստ նրա, անդամը պարբերույթի մասն է, որ չնայած իմաստունի և քանակ, բայց երկուսն էլ (ուրեմն նա պարբերույթի համար երկու մաս է ընդունում) անկատար են ամբողջական նշանակության և թվի համեմատության տեսանկյունից. օրինակ՝ «Զի որպէս քան զսերմանելն ժողովելն է, ախորժելի, նույնպէս և ամենայն սերմանց Քրիստոսի խորհրդոցն ի յայսմաւոր պտուղն կթի»: Այստեղ կա երկու անդամ (այսինքն՝ մաս). իսկ ըստ նրա, հատվածը անդամի մասն է, որ ինքնին թեպետե ունի ինչ-որ նշանակություն, բայց թիվ չունի. օրինակ՝ ոչ ոք անիրաւ, ոչ ոք շարագործ, ոչ ոք վրիպեալ, ոչ ոք սիալեալ, ոչ ոք ամաշեցեալ, ոչ ոք դատապարտեալ, ես միայն եմ և այլ ոչ ոք (Նարեկ, ՀԲ): Այս օրինակը իբրև պարբերույթ, ըստ Ազոնցի, երկու անդամից (մասից) է կաղմված, իսկ այդ անդամներն ունեն իրենց հատվածները, որոնք թիվ չունեն (դրանք միմյանց հետ են թիվ կազմում):

Երբեմն, ասում է Ազոնցը, անդամները (մասերը) խառնրվում են հատվածներին, որով նույն խոսքը լինում է միաժամանակ և՛ անդամ, և՛ հատված: Անդամների ու հատվածների տարբերությունը Ազոնցը սահմանում է հետեւյալ կերպ-

1 Ազոնցի գործածած անդամ բառը նշանակում է մաս, իսկ հատվածը այժմյան բմբոնումով անդամ է:

անդամը թեպետ ունի իմաստ ու թիվ, որոնցով նա որոշ առումով մոտենում է պարբերույթին, սակայն թե՛ իմաստը և թե՛ թիվը անկատար են ամբողջ պարբերույթի իմաստի ու թվի համեմատությամբ. իսկ պարբերույթի մեջ այդ երկուսն էլ կատարյալ են ու լրիվ: Նույնպես էլ հատվածը թեպետե ունի իմաստ, բայց թիվը բոլորովին չունի: Պետք է ենթադրել, որ հատվածի իմաստն էլ անկատար է անդամի իմաստի համեմատությամբ:

Ինչպես նկատելի է, Ագոնցը պարզ պատկերացում ունի պարբերույթի մասերի և նրանց անդամների մասին: Իսկառ իսկական պարբերույթը կաղմվում է երկու մասերից, որոնք առանձին ունեն իրենց անդամները: Միայն Ագոնցը չի բացատրում, թե ինչ հիմունքով է պարբերույթը բաժանվում երկու մասի:

Ագոնցը տալիս է նաև պարբերույթ կառուցելու պայմանները. նա ասում է՝ պարբերույթը ունի երեք պայման. առաջինը այն է, որ պարբերույթի անդամները պատշաճ հեռավորությամբ հարմարապես միմյանց են հյուսվում ներդործությամբ և դորությամբ. այլապես պարբերույթը չի լինի, առ ցրիվ ու ճապաղ խոսք, ինչպես ասում են՝ ավագ առանց կրի: Երկրորդ պայմանը այն է, որ մասերը շպետք է ունենան լրիվ ու ամբողջական նշանակություն, եթե դեռևս ավարտված չեն անդամները: Եթե յուրաքանչյուր անդամ անկախ մյուսից ունենա լրիվ ու ամբողջական նշանակություն, իսկական ճարտասանական պարբերույթը չի ստացվի: Երրորդ պայմանն այն է, որ պարբերույթը բաղմաթիվ բառերի շրջանակումով բովանդակություն ստանա: Ինչպես ասվեց՝ պարբերույթը պահանջում է սահմանավոր (հատվածական) մեծություն, թիվ (այսինքն՝ մասեր). Եթե նրա մեջ չլինի բաղմաթիվ բառերի կլորացում՝ շրջանակավորում (պարառություն), պարբերույթը չի դոյանա:

Պարբերույթի մասերի վերաբերյալ խոսելով, Ագոնցը տսում է ունենա երկուսից ոչ պակաս և շորսից ոչ ավելի անպետք է ունենա երկուսից ոչ պակաս և շորսից ոչ ավելի ան-

դամ. Հորս անդամը կատարյալ պարբերույթի սահմանն է: Այստեղից պետք է եզրակացնել, ասում է նա, որ կա երեք տեսակ իսկական պարբերույթ՝ երկանդամ, եռանդամ, քառանդամ: Իբրև երկանդամ պարբերույթի օրինակ նա բերում է Հետեւյալ բարդ համադասական նախադասությունը. «Փոքր ինչ ի տնօրինութեան մահուն մեկնեցայ / և երկունք որպէս պժննդկանի պաշարեաց զիմ աշակերտս» (Լամբրոնացի):

Եռանդամ պարբերույթի օրինակ. «Քանզի այն, որ արտր զմարդն ի պատկեր բարերարութեան խրոյ բարի (և ետես զնա ի նախանձուէ բանսարկուին դաւաճանեալ և մեռնալ) ըստ արդար իրաւանցն ոչ կամեցաւ զպատրանօք ըմբոնեալ թողուլ ի ձեռու որսողին» (Լամբրոնացի):

Քառանդամ պարբերույթի օրինակ. «Ծանիր զի եթէ ըստ բնական կրիցն տկարանայ առ օրէնս իմ / անմեղադրելի է ի պատուհանէն, զոր նա սահմանամ ածէ ի վերայ նորին/, իսկ եթէ օտար ի բնութենէ և եկամուտ ունի զայն արկածք, զպարտողն յանդիմանեալ դատապարտեալ զնա ողորմութեամբ և զթութեամբ նորոգեա» (Լամբրոնացի):

Ինչպես երեսում է օրինակներից, Ագոնցի ըմբոնումով, յուրաքանչյուր բարդ նախադասություն պարբերույթ է: Սակայն միայն Ագոնցը չէ այդպիս կարծում. ինչպես տեսանք, Հին ուսումնասիրողները (ներառյալ Արիստոտել, Դեմետրիոս, Կիկերոն և այլն) այդպիս են մտածում, միայն պարբերույթը սովորական նախադասությունից տարբերակում են հնչերանդային, կշուրջային և կառուցման որոշ առանձնահատկություններով: Ագոնցը նույնիսկ բերում է միանդամ պարբերույթի օրինակ, որը Արիստոտելը կոչում է պարզ պարբերույթ: Նա բերելով միանդամ, հնգանդամ և այլ բազմանդամ կառուցվածքի բազմաբարդ նախադասություններ, ավելացնում է, որ կատարյալ պարբերույթները երկանդամ, եռանդամ և քառանդամներն են: Բայ Ագոնցի այս է Հին ձարտասանների կարծիքը: Իսկ եթե պարբերույթը բազմանդամ է (հնգանդամ և այլն) և խոսքը գեղեցիկ է կառուցված, ամփոփ է ու զայելուշ կլորացված, այդպիսի խոսքը նա կոչում է պարա-

ուռթյուն կամ պարբերական (պարբերույթային) խոսք՝ հենվելով ճարտասանների տեսակետի վրա:

Ազոնցը գաղափար է տալիս նաև պարբերույթի մասերի վերաբերյալ. պարբերույթը, ասում է նա, ունի երկու մաս՝ նախընթաց (առաջին) և հետեւակ (հաջորդող): Նախընթաց մասից կախված է հաջորդ մասը, իսկ հաջորդող մասը պարբերույթի վերջն է, ուր նախընթաց մասը վերջանում է և կանգ առնում: Նա կամենում է ասել, որ հաջորդող մասով փակվում, եղրափակվում է նախորդ մասը: Իսկ ինչ վերաբերույթի պարբերույթի թվին, որ նա նշել է մի քանի անգամ, ավելացնում է, թե պարբերույթի թիվը թվաբանական չէ, այլ բառերի ու հատվածների բարեհարմար համադրությունից է գոյանում. ավելի լավ է ասել, մի ներդաշնակություն է՝ հարմար կապված ու միահյուսված երկար ու կարճ բառերից և ոչ թե ձայնավորներից, որոնք երգերի և տաղերի համար են: Կարճ և երկար բառերը այնպես պետք է դասավորվեն պարբերույթի մեջ, որ հաճելի լինի ականջների համար, և վայելու կերպով ավարտվի մասն ու ամբողջ պարբերույթը: Կարճ և երկար բառերը պետք է շարադասել մեջընդմեջ և ոչ թե բևեռացնել սկզբում կամ վերջում: Բառերը պետք է լինեն ընտիր ու վսեմ, սեղմ ու մեղմ. Հարթ ու հավասար լինելու համար պետք է դպուշանալ ծանրալուր հնչյունների կուտակումից, անսովոր բառերից, որոնք արատավորում են խոսքը:

1802 թվականին հրատարակվել է Եփրեմ Վ. Սեթյանի «Ճարտասանություն վասն բարձրագոյն դասու» աշխատությունը: Մեր ձեռքի տակ են նույն գրքի 1832 և 1852 թվականների հրատարակությունները: Ազոնցից հետո, ուրիշների համեմատությամբ, պարբերույթի մասին ավելի հանգամանուեն խոսվել է այս գրքում: Ըստ Սեթյանի պարբերույթը մի այնպիսի խոսք է, որն ունի սկիզբ, վերջ և չափավոր ծավալ՝ դեղեցիկ հորինվածով ու բարեհնչունությամբ՝ արտահայտելու համար մեր խորհած միտքը: Պարբերույթը (περὶօδος, περιօδոս) տնի մաս (չօլոն, membrum), տնդամ (չօլուխ, incisum): Ըստ Սեթյանի այն պարբերույթը, որ հատված շունիր

պարզ է. օրինակ՝ «ՄԵՆՔ ՀԵմք բաւական մերձենալ յամենեցունց պատճառն»։ Իսկ եթե անդամագաղատ չի ձգվում պարբերույթը, այլ տեղ-տեղ դադար է տրվում միջակետով, կոչվում է բաղադրյալ պարբերույթ։ Երկու միջակետերի մեջ ամփոփվածը կոչվում է անդամ, իսկ եթե անդամները ստորակետով մասնատվում են, դրանք կոչվում են հատված. օրինակ՝ «Գիտէք դուք ամենքին (հատված), յառաջ ժամանակաւ հասեալ ձեր ի գործ պատերազմի (հատված), թէսէտ և էր ձեր սովորութիւն քահանայից հանտպազորդել ի մէջ բանակին (հատված), ի ժամ ճակատուցն յանձնեալ ձեզ նոցանէ աղօթիւք (հատված), յամուր տեղուց ուրեք թողուիք զնոսա (վերջացավ անդամը)։ Իսկ այսօր եպիսկոպոսք և երիցունք և սարկաւագունք և գրակարդացք իւրաքանչիւր կարգաւ կանոնաւն իբրև վառեալք զինու և պատրաստեալք ի պատերազմ (հատված), կամին ընդ ձեզ յարձակել, հարկանել զթշնամիսն ճշմարտութեան (պարբերույթ)։

Բաղադրյալ պարբերույթը երկու տեսակ է. մի տեսակի կառուցվածքը այնպես է, որ անդամները կախված են միմյանցից և հնարավոր չեն հասկանալ ամբողջական իմաստը՝ մինչև պարբերույթը լրիվ շասմի. երկրորդ տեսակի մեջ անդամները թեև շաղկապով կցված են միմյանց, բայց իրարից անկախ են, և յուրաքանչյուր անդամ ունի ամբողջական իմաստ։ Առաջինի համար իբրև օրինակ բերված է հետեւյալ նախադասությունը. «Եթե քաջն վարդան կասէր երբեք ի մարտնչելոյ և յաղթելոյ, եթէ ոչ գեր ի վերոյ ամբառնայր քան զպայմանն մարդկեղէն բնութեան, եթէ քաջութիւն նորա և իմաստութիւն ոչ խրախուսէր անպարտելի հաւատովք և սիրով, — յայնժամ զնա հաւասարէի ընդ Տիղրանայ և ընդ վահագնի»։ Իսկ երկրորդ տեսակի համար միևնույն օրինակը փոփոխված է հետեւյալ ձեռով. «Քաջն վարդան ոչ ուրեք կասեցաւ ի մարտնչելոյ և ի յաղթելոյ. գեր ի վերոյ ամբարձունա քան զպայման մարդկեղէն բնութեան. քաջութիւն նորա և իմաստութիւն խրախուսէր անպարտելի հաւատովքն և սիրով, — վասն այսր ամենայնի վեհագոյն դասեմ զնա քան

զՏիղրան և քան կՎահագն»¹: Սեթյանը երկու անդամից պահառ և շորսից ավել պարբերույթը կանոնից դուրս է համարում:

Պարբերույթի մասին ընդարձակորեն խոսում է նաև Մ. Սալլանթյանցը², սակայն նա նախադասությունն ու պարբերույթը բոլորովին նույնացնում է՝ հենց սկզբից պարբերույթը ձևակերպելով այսպես. Շարաբանությունը (բարդ նախադասությունը բանավոր կամ գրավոր արտահայտված) կոչվում է հարասություն, այսինքն (periodus): Սրանից հետո անմիջապես ավելացնում է, թե հունարեն բառի համապատասխան հարասություն բառը կոչում ենք պարբերություն: Այսքանից հետո սկսում է նկարագրել իբր թե պարբերույթը և նրա տեսակները, մինչդեռ ինչ որ ասվում է, վերաբերում է զանազան տիպի բարդ նախադասություններին:

Շարաբանությունները, ասում է Սալլանթյանցը, բաժանվում են տեսակների. ըստ նյութի քանակության դրանք լինում են միանդամանի, երկանդամանի, եռանդամանի և քառանդամանի: Միանդամանին այն է, որի մեջ բաղմապատկված են կամ ենթականները, կամ ստորոգյալները և կամ մակածականները. օրինակ՝ «Աշու և Վասակ գնացին ի Դուրէժ: Վասակ ընկալու և ուրացաւ զհաւատս Քրիստոսի: Աշու է ճարտասան և իմաստասէր և մեծատուն»: Ինչպես երևում է բացատրությունից և օրինակներից, միանդամանի պարբերույթ այստեղ համարվում է միավորյալ նախադասությունը:

Երկանդամանի է, որ երկու ամբողջ իմաստներ, այսինքն՝ նախադասություններ դրվում են առանձին-առանձին և ինչ-որ ձևով հոգտվորում են միմյանց. օրինակ՝

«Դատապարտէ արդար հանգուցեալ զամարիշտս կենդանի և մանկութիւն վաղվաղակի վախճանեալ դրազմամեալ ծերութիւն անիրաւի»:

Եռանդամ է, երբ երեք իմաստներ (իմա՝ նախադասություններ) հողավորվում են. օրինակ՝

1 Տե՛ս Հիշյալ զրքի (1832 թ. Հրատարակության) էջ 62—64:

2 Տե՛ս Մ. Սալլանիանց, Հրահանդ ճարտասանութեան կամ ճառարանութեան, Մոսկվա, 1836:

«Մի ումն ներքին խորհրդակցաց արքայի ի ծածռուկ ունէր զանքակ սէրն ի Քրիստոս, քանզի մկրտեալ խոկ էր յաւաղանն իւնդանի և մեծապէս հոգ տանէր խնամոց կենաց վշտացելոցն»:

Քառանդամը բովանդակում է չորս ամբողջական նախադասություն, որոնք կապակցվում են շաղկապների միջոցով. օրինակ՝ «Ոչ եթէ չէր կարող աստուած բառնալ զսատանայ ի միջոյ, քանզի շիք ամենեին տկարութիւն զաստուծով, այլ զի չէր ինչ մեծ գործ աստուծոյ զսատանայ ինքնին զանձամբ ստանանել և զարարած մի զիւր փոքր՝ յոշինչ դարձուցանել, զի մի կարծիցի, թէ վասն շժուժալոյ շարութեանն նորա ստան զնա»:

Սալլանթյանը դանում է, որ ուղիղ դատողությունը շի ներում չորս նախադասությունից ավել մի շարաբանության մեջ մտցնելը, որովհետեւ ճապաղելով հոգնեցնում է հորինողի և ընթերցողի միտքը: Թեև կան այդպիսի շարաբանություններ, բայց այժմ եվրոպական պարունակությունը հատուկ չեն:

Սրանից հետո նա շարաբանություն կոչված բարդ նախադասությունները բաժանում է 22 անսակի՝ ըստ նրանց նշանակությունների. անկատարական (երբ բարդ ստորակառական նախադասության մասերից մեկը անկատար է առանց մյուսի). առավելական, բաղդատական, բաղդյուտական, բացառողական, դասական, ժամանակական, խնդրողական և այլն: Սրանք իրականում պարբերույթի հետ կապ չունեն:

Արսեն Այտընյանը նույնական խոսել է պարբերույթի մասին: Նա էլ Սալլանթյանի նման պարբերույթ համարում է մի քանի նախադասությունների կապակցված ամբողջությունը: «Քանի մը նախադասություն մեկտեղ առած կը կազմի պարբերությունը զորօրինակ ընկերող սիրե, որ դու ալ սիրելի ըլլաս»¹:

Նույն ձեռով ճարտասանության ավելի ուշ շրջանի հեղինակները պարբերույթ են համարում երկու կամ ավելի նա-

¹ Հ. Արսեն Վ. Այտընյան, Քննական քերականություն աշխարհաբար կամ արդի հայերեն լեզվի, էջ 138:

խաղասություններից կազմված խոսքը և չորս կամ առավել հինգ անդամ են ընդունում պարբերութիւն՝ համար։ Օրինակ՝ Ե. Մուրատյանը գրում է, որ պարբերությունը երկու կամ ավելի առաջարկություններից բաղկացած խոսք է¹։ Նորությունն այն է, որ սա պարբերութիւնները բաժանում է երկու խմբի՝ ձևավոր կամ սովորական («բերիոտիք») և կտրուկ կամ սահուն («քուփե»)։ Մովորական պարբերութը այն է, որի նախադասությունները շաղկապով են միացած, կամ սկսվում են մակրացով. օրինակ՝

«Թէպէտ և ոչ իցհմք բաւական ասել զամենայն շարիսն, որ անցին անդէն ի կարաւանին ընդ գունդս Հայոց, սակայն և ոչ լոել կամիմք ծածկելով զվիշտս...»։ Իսկ կտրուկ պարբերութը այն է, որը չունի շաղկապ կամ մակրայ, կամ եթե ունի՝ խիստ սակավ. օրինակ՝

«Մոտեցավ վսիմ տռ ահավոր վայրկյանը, արել յուր վերջին ճառագայթները այս լեռանց գագաթներեն ժողվելով նոր ասպարեզ մը կրանա աղատության»։ Բայ Մուրատյանի այս օրինակը ձևավոր կդառնա, եթե առել բարից առաջ ահա դնենք (տե՛ս Հիշյալ գրքի էջ 86)։

Պարբերութը սովորական նախադասությունից որոշակի տարբերում է Աւ. Գանթարյանը։ Նա գրում է, թե երբ մտքերը զատ-զատ խոսքերով արտահայտելու փոխարեն մեկ ներդաշնակ ամրողությամբ ենք ձևավորում, ստացվում է պարբերութ²։

Այլ ուսումնասիրողներ (Հյուրմյուղ, Մսերյան...) նույնպես գրել են պարբերութիւն մասին, սակայն նոր բան չեն ասել։

Պարբերութ բառը առաջին անդամ կիրառել է Ե. Արեդյանը և այդ հասկացությունը ինքնուրույն ձևով է մեկնաբանելու բացատրել։

Արեդյանը գրում է. «Բաղմաբարդ խոսքերի մի առանձին տեսակն է պարբերութը. դա խոսքերի (իմա՝ նախադա-

1 «Նոր ճաշակ դպրութեան կամ համառօտ ճարտասանութիւն», աշխատասիրեաց եղիազար Մուրատեան, Երուսաղէմ, 1888։

2 «Տարերք հոկտորական արուեստի», Հ. Սամուել Վ. Կ. Գանքարեան, Վենետիկ, 1875։

սությունների — Վ. Ա.) մի ամբողջական գեղեցիկ միություն է, որի մասերը արվեստավոր կերպով այնպես ևն կապակցվում իրար հետ, որ մի հատ զլխավոր միտքը, որ զարդանում է ամբողջի մեջ, մինչև վերջն առկախ է մնում»¹: Այս բնութագրման էական կետը այն է, որ առանձնապես ընդգծվում է նախադասությունների արվեստավոր կապակցումը, որը պարբերույթի էական գծերից մեկն է:

Շարունակության մեջ Աբեղյանը ճիշտ կերպով նշում է, որ պարբերույթը պետք է կազմված լինի երկու զլխավոր մասեց, որոնք այնպես պետք է դասավորվեն, որ մեկմեկու համար անհրաժեշտ լինեն և իրար լրացնելով վերջում մի լիահատար միտք ու խոսքի ամբողջություն առաջ բերեն: Պարբերույթի համար երկու մասերից կազմված լինելը իբրև ամենաէական հատկանիշ հատուկ կերպով է նշվում և կարևորությունը տրվում է առաջին մասին: Աբեղյանը գտնում է, որ մասերի միմյանց համար ունեցած անհրաժեշտությունն արտահայտված պետք է լինի առաջին մասի մեջ (ընդգծումը իրենն է), որ իր ձևով և դրությամբ պիտի ակնարկի երկրորդ մասին, իբրև իր էական լրացմանը:

Համադասական կապակցություններից պարբերույթ կարող են կազմել միայն ներհակական և մակարերական կապակցությունները, ասում է նա, եթե բաղկացած են երկու մասից, ինչպես և հավելական ոչ միայն... այլև շաղկապով կազմվածները, իսկ ստորադասական կապակցություններից նրանք, որոնց մեջ զլխավոր նախադասությունը առաջադաս է:

Աբեղյանը նշում է, որ կան համադասական և ստորադասական պարբերույթներ: Համադասական պարբերույթները լինում են մակարերական, ժխտական և այլն, իսկ ստորադասականների մեջ առաջին մասը կարող է երկրորդ մասի համար լինել ևնթակա, խնդիր կամ որևէ պարագա. ուստի նայելով առաջին մասի հարաբերությանը երկրորդ մասի հետ՝

1 Վ. Աբեղյան, Աշխարհաբարի շարահյուսություն, «Կաղաքապատ», 1912, էջ 348:

ստորադասական պարբերութները կարող են լինել տեղի,
ժամանակի, բաղդատության, հիմունքի և այլն:

Ճիշտ բնութագրելով պարբերութը, Արեղյանը շարունակության մեջ որոշ դիջում է անում, երբ ասում է, թե պարբերութ կարող է համարվել ամեն բարդ խոսք, որի մասերն ունեն պահանջած արվեստավոր կազմությունը: Նա օրինակ է բերում «Այս տեղն, արդարն, բանաստեղծական գեղավայր էր. բայց զուրկ չէր նաև գլուխներ թոցնելու հարմարությունից»: Այս օրինակից հետո շտապում է ավելացնել, թե այսպիսի փոքր ծավալի արտահայտությունները պարբերութ չեն, այլ պարբերութ են համարվում այն բարդ նախադասությունները, որոնց մասերը նույնպես բարդ են: Արեղյանը շեղվում է իր բնութագրության պահանջած սկզբունքից, երբ ամենափոքր պարբերութ է համարում հետեւյալ նախադասությունը. «Արդարն կան ցավեր, որ չպետք է մոռանալ. բայց որքան շատ են այն վշտերը, որ եթե չմոռանայինք, կյանքը մեզ համար կդառնար դժոխք»: Այս նախադասությունը չի կարող պարբերութ համարվել, որովհետեւ առաջին մասի համար պահանջված արվեստավոր կազմությունը չկա: Արեղյանը նշում է, որ մասերը պետք է բարդ լինեն. նախ դա վերաբերում է միայն առաջին մասին, և երկրորդ՝ պարբերութի համար ոչ թե այդպիսի բարդություն է հարկավոր, այլ առաջին մասի անդամները պետք է քերականորեն համասեռ լինեն և թվարկվին միշտ բարձրացող հնչերանգով. մինչդեռ բերված նախադասության առաջին մասը սովորական որոշիչ երկրորդական նախադասությամբ բարդ ստորադասական նախադասություն է: Ուրեմն՝ ամեն բարդ մաս չի կարող պարբերութի մաս կազմել: Բայց Արեղյանը ճիշտ կերպով նշում է, որ մասերը պետք է ունենան համանման կազմությամբ համադաս մասեր, որոնք կոչվում են անդամներ: Կրկնենք, որ այդ համադաս անդամները պետք է առաջին մասը ունենա, այլապես, որքան էլ այդ մասը բարդ լինի, չի կարող պարբերութ կազմել:

Պարբերութը անդամների բաժանելիս Արեղյանը ճիշտ

է վարվում, երբ միանդամանի պարբերույթ չի ընդունում, սակայն նա կարծում է, որ եթե երկրորդ մասը երկանդամանի լինի, իսկ առաջինը միանդամանի, պարբերույթ կկազմվի: Հազվագետ լինում է նաև իշնող պարբերույթ, բայց Արեգյանը դրա մասին ոչ մի տեղեկություն չի հազորդում: Աստ Արեգյանի կան երկանդամ, եռանդամ, քառանդամ, հինգանդամ և այլ պարբերույթներ:

Պարբերույթը երկանդամ է, ասում է Արեգյանը, երբ մասերից յուրաքանչյուրը մի-մի զողված են. եռանդամ է, երբ առաջին մասը մի զողված է, իսկ երկրորդ մասը ունի երկու համադաս զողվածներ, կամ առաջին մասը ունի երկու համադաս զողված, իսկ երկրորդը՝ մեկ: Քառանդամ է, երբ գլխավոր մասերից յուրաքանչյուրն երկու անդամից է կազմված. կամ մեկն երեք անդամ ունի, մյուսը միայն մեկ և այլն:

Պետք է նշենք, որ բաժանման այս սկզբունքը ճկուն չէ: Երկանդամ, եռանդամ և այլն լինելը պայմանավորվում է ոչ թե երկու մասերով, այլ միայն մի մասով և հատկապես առաջին մասով: Եթե առաջին մասը կազմված է երկու անդամից, իսկ երկրորդ մասը՝ երեք կամ չորս, պարբերույթը երկանդամ է: Իսկ եթե իշնող պարբերույթ է, այն ժամանակ անդամների թիվը հաշվվում է երկրորդ մասով. ուրեմն անդամահատման համար հիմք է վերցվում միայն մի մասը:

Այս ամենից հետո Արեգյանը չի մոռանում նաև պարբերույթի մեկ այլ հատկությունը՝ ներդաշնակ և կշռույթավոր կառուցվածքը, որ հաճելի տպավորություն է գործում: Դրա համար, ասում է նա, անդամները որոշ համաշափություն պետք է ունենան իրենց ծավալով, իսկ մասերի ծավալը պետք է համեմատ լինի բովանդակությանը: Այսպիսի արվեստավորությամբ կազմված պարբերույթի մեջ կարդալու ժամանակ ձայնն առաջին մասի սկզբում ցածրից սկսելով հետզետե բարձրանում է և ապա դարձյալ հետզետե իշնում, մինչև որ վերջում հանգստացնող ավարտի տպավորություն է թողնում:

Հիմնականում Արեգյանը պարբերույթի կարևոր բոլոր

Հատկանիշները մատնացույց է անում. դրանք են՝ երկու մասից կազմված լինելը, բարձրացող և իջնող հնչերանգը և արվեստավոր կառուցվածքը: Չնայած դրան, այնուամենայնիվ, ինչպես տեսանք, օրինակներից ցուցադրության մեջ նա շեղվում է այս ճիշտ սկզբունքներից:

Ի վերջո Աբեղյանը մատնանշում է, թե պարբերույթը ինչպիսի խոսքի մեջ պետք է կիրառել: «Պարբերույթը հատուկ է առավելապես վսիմ, հանդիսավոր խոսվածքին ու ճառերին: Սովորական դրվածքներին, լինին դիտական թե առօրյա կյանքի վերաբերող հոգվածներ ու նամակներ, պարբերական ոճը խորթ է. այսպիսի դրվածքների մեջ, որոնց համար պահանջվում է ամենից առաջ պարզություն ու ճշտություն, դորձն ածվում կարծ ասացվածքներ, պարզ ու բարդ խոսքեր, լինին վերջիններս իբրև պարբերույթ կազմված, թե ոչ»¹:

Այս բոլորից հետո Աբեղյանը բերում է պարբերույթի օրինակներ (հինգը Հովհաննիսյանից, իսկ մեկն էլ ինքն է կազմում), որոնք բոլորն ել իրոք պարբերույթներ են:

ՊԱՐԲԵՐՈՒՅԹԻ ԺԱՄԱՆԱԿԱԿՑ ԸՄԲՈՆՈՒՄԸ

Պարբերույթ տերմինը թարգմանված է Հունարեն περιστοτης բառից, որ նշանակում է շրջանագիծ, շրջան, այսինքն՝ դա այնպիսի մի խոսք է, որ շրջանագծի, օղակի նման կլորացված է: Եթե արտահայտության մեջ այդ վերջին մասը չի փակում ասվածը, չի ամբողջացնում ըստ կառուցվածքի և բովանդակության, ապա այդպիսի արտահայտությունը պարբերույթ չի կարող կազմել: Օրինակ՝ թէ ով էր նրան այնտեղ կանգնեցրել. սա մի նախադասություն է, բայց պարբերույթ չէ, որովհետեւ չի վերջացած, կլորացված չէ. եթե դրան ավելացնենք՝ այդ հայտնի չէր, ապա նախադասությունը կլրանա, կամբողջացվի և կդառնա պարբերույթ: Բայտ հին ըմբռնման

¹ Մ. Աբեղյան, Աշխարհաբարի շարահյուսություն, Վաղարշապատ, 1912, էջ 348—350.

պարբերույթ է նաև նախադասության հետեւյալ տիպը. օրինակ՝ Կղզին նեռու էր ցամաքից մեկ ժամվա ծովային նանապարհով:

Այս դեպքում էլ արտահայտությունը ձևով և իմաստով ամբողջացած է, բայց այն պարբերույթ չէ: Հին ուսումնասիրողները շատ անգամ սովորական նախադասությունը շփոթում էին պարբերույթի հետ և մի հատկանիշով էին զանազանում պարբերույթը՝ նախադասությունից: Պարբերույթը կազմված է ներդաշնակ ու համաշափ դասավորված անդամներից, իսկ նախադասությունը այդպիսի համաշափ ներդաշնակություն չի պահանջում: Իսկ այս զանազանությունը հանդես է գալիս այն դեպքում, եթե պարբերույթի մասերը ունեն առնվազն երկու անդամ: Նույնիսկ երկու անդամների ներդաշնակ շարադասումը անդգալի է մնում. մասերը երեք, չորս և ավելի անդամներ պիտի ունենան, որ համաշափ ու ներդաշնակ տեղաբաշխումը ցայտուն լինի:

Պարբերույթի ամենաէտկան հատկանիշը նրա երկմասնյա լինելն է: Այդ երկմասնությունը պայմանավորված է քերականական կառուցվածքի առանձին տարրերով, ինչպես որ ընդունում են հին դիտունները: Պարբերույթի երկմասնությունը զուտ հնչերանդային հասկացողություն է, որ պարբերույթի համար բնութագրական լինելով, իր հետ զուգակցում է նաև այլ առանձնահատկություններ, որոնք միասնաբար պարբերույթը առանձնացնում են սովորական նախադասությունից իբրև ուսումնասիրության հատուկ առարկա: Հենց սկզբից նշենք ուրեմն, որ մի պարզ նախադասությունը, եթե այն մի հնչերանդային լարումով է արտաբերվում, պարբերույթ չի կարող լինել. օրինակ՝

«Փոթորկային դիշերին հաջորդեց դարնանային խաղաղ, հովասուն առավոտը» (ԹԵԺ, VII, 22): Սա մի պարզ նախադասություն է, և արտաբերվում է մի ամբողջական հավասար հնչերանդով, ուստի պարբերույթ լինել չի կարող:

Բայց և կան այնպիսի նախադասություններ, որոնք երկու մասից են կազմվում և արտաբերվում են տարրեր հնչերանդ-

ներով. Հենց այդպիսիք են բոլոր կարգի բարդ նախաղասությունները. օրինակ՝

Թեև ձորի երկու ծայրերը դեռ քողավորված էին մառախովով, սակայն հատակը պարզ էր, և սլղտոր գետակը երեխում էր ցածում (ՎՓԸ, 370): Այս բարդ նախաղասությունը երկու հնչերանդային միավորներից է կազմված. մեկ հնչերանդային միավորը վերջանում է մառախուղով, իսկ մյուսը սկսվում է սակայն շաղկապով և ընդհատվում նախաղասության վերջում: Այսպիսի երկմասնյա նախաղասությունը նույնպես պարբերույթ չէ: Ուրեմն՝ պարզ նախաղասությունը պարբերույթ չէ, որովհետև միամասն է. իսկ բարդ նախաղասությունը ինչո՞ւ պարբերույթ չէ, չէ՞ որ պարբերույթի հիմնական պայմանը երկմասնյա լինելն է: Պարբերույթը իր շարադրուսական կառուցվածքով ավելի բարդ ամբողջություն է և ավելի ծավալուն, քան պարզ ու բարդ նախաղասությունները: Երբեմն այն կարող է մի ամբողջական բանաստեղծություն լինել, մի հսկո պարբերություն կազմել: Այսպիսի ծավալունությունը, լրիվությունը և կատարելությունը նույնպես կարեռ են պարբերույթի համար, սակայն դա պարբերույթը ընութագրող հիմնական պայմաններից չէ: Թումանյանը Տուստոյին բնութագրում է հետեւյալ ընդարձակ պարբերությամբ¹.

«Ընկավ ոռւսական վիթխարի հանձարը, ու մահվան բոյից թնդում է լայնածավալ թուսաստանը մի ծայրից մինչև մյուսը: Թնդում է և ամբողջ լուսավոր աշխարհը, որովհետև, ինչպես ձշմարիտ մեծ մարդ, կրելով կատարյալ իր ժողովրդի հողին ու պատկերը, հանդիսանում էր իր ժամանակի գեղարվեստական դրականության այն հոյակապ ուժը, որ կարող էր մի հայտնագրով ու մի գրվածքով ամփոփել կյանքը ահազին տարածության վրա՝ վերելից մինչև ներքե, արտօքին կեղերը մինչև հոգու ամենածածուկ խորշերը, հանդիսանում է իր ժամանակի հսկա փիլիսոփիան, որ աշխատում էր լուծել կյանքի առեղծվածը, խորամուխ լինել, հասկանալ ու պատասխան

1 Պարբերույթը շպիտի շփոթել պարբերության հետ, վերջինս օձաւ է նշանակում:

դանել, թէ ինչու է ապրում մարդը, և փիլիսոփացական խաղաղությամբ նայելով մահվան պաղ ու խորունկ տշբերին՝ ուզում էր հաշտություն ստեղծի նրա ու նրա առջև սարսափող հոգիների մեջ» (Թ, IV, 154): Այս ընդարձակածավալը բաղմաբարդ նախադասությունը նույնպես պարբերույթ չէ, որովհետեւ շունի մասերի որոշակի բաժանվածություն և ներդաշնակ, համաշտի ու կշռույթավոր (ոիթմիկ) կառուցվածք, որոնք պարբերույթի էական հատկանիշներից են, և առանց որոնց պարբերույթը չի կարող ձեւավորվել ու ամրողանալ: Ուրեմն պարբերույթի ձեւավորման համար անհրաժեշտ է քերականական, հնչերանգային և լեզվական արվեստի երեք կարևոր գործոնների միասնություն: Լեզվական արվեստ արտահայտության մեջ պետք է հասկանալ մասերի ներդաշնակի և համաշտի դասավորությունը, անդամների կառուցիկ շարդարանապետությունը, ըստ այսմ նաև կշռույթի կարգավորումը, հարակիկնությունները և այլն:

Պարբերույթի մասերից ամենաէականը առաջին մասն է, որ երկու անդամից երրեք պակաս չպետք է լինի. օրինակ «Արևաշյա և ծովաշյա փերիների հայացքների հուրն ու նետը ճառագայթում են ամեն կողմ, յարափի պես թափում են խանի վրա, իհամբույրների ու հրապույրների ոստայն են հյուսում նրա շուրջը, բայց պողպատյա վահան է դարձել խանի սիրտը» (Ա.ԻԵԺ, III, 207): Այս պարբերույթի առաջին մասը վերջանում է բայց բառի մոտ և կազմված է երեք անդամից. եթե այդ անդամներից երկուսը հանենք, ապա պարբերույթը կրայքայի և կղառնա սովորական նախադասություն: Հենց այդ նույն էջում, որտեղից բերվեց վերոհիշյալ օրինակը, կա մի այսպիսի նախադասություն. «Եվ խմում է խանը, սակայն նրա հոգին սառույց սառնամանիք է...»: Որովհետեւ առաջին մասը միայն մի նախադասություն է, ուստի սա պարբերույթ չէ:

Ուրեմն պարբերույթի համար առաջին մասի երկանդամությունն ու բազմանդամությունը պարբերույթի էական պայմանն են: Սակայն այստեղ պետք է հաշվի առնել մի այլ կա-

րեսր հանգամանք ևս: Պետք է առաջին մասի այդ հիշյալ անդամները միասեռ և միանման լինեն քերականորեն և կշռութով: Եթե դրանք տարբեր քերականական կառուցվածք ունենան և ծավալով խիստ տարբեր լինեն, այդպիսի անդամներ ունեցող առաջին մասը չի կարող պարբերույթի մաս կազմել. օրինակ՝

«Եթե Սամվելը դոնե մի անգամ նայելու լիներ խեղճ պատանու վրա, իսկույն կնկատեր նրա անհանգիստ դրությունը, բայց Սամվելը հափշտակված էր յուր քաղցր խոկումներով» (Թեժ, VII, 163): Բայց-ից առաջ ընկած մասը երկու միավոր ունի, սակայն ինչպես ասվեց, դա պարբերույթի մաս չի կարող լինել, որովհետեւ դրանցից մեկը երկրորդական նախադասություն է, իսկ մյուսը պիխավոր. դրանք քերականորեն համասեռ չեն: Առաջին մասի անդամների քերականական համասեռությունը պարտադիր սլայման է պարբերույթի համար. օրինակ՝

(Կենդանիների արքան) իր կյանքում երբեք կապեր չեր տեսել, արգելքի առաջ գլուխ չէր ծոել, կտրել էր նա դաշտ, ձոր, անտառ, անապատ անհուն, անցել էր անտառ, գետեր սրբնթաց, մազլցել լեռներ, աշխարհն ամբողջ ոտնատակ տվել, ազատ օդի մեջ ապրել անկաշկանդ, ազատ էր ծնվել, ազատ էր սնվել, և ահա այժմ կծկած, գալարած, ցանցով խճճած, գետնին պինդ գամած, անհասկանալի կապերով սեղմած, չէր էլ ըմբռնում, թե ինչ էր եղել» (ՎՓԸ, 264): Առաջին մասը վերջանում է ազատ էր սնվել նախադասությամբ. այդ մասի անդամները բոլորն էլ թվարկվող միավորյալ նախադասություններ են, այսինքն՝ քերականորեն համասեռ են: Մի այլ օրինակ՝

«Ու դիակին վրա ծոած, շփելով երակները, օտքոլոնյի շիշը մոտեցուցած ոռւնգերուն, արվեստական շնչառություն մը լնել տալու ապարդյուն ջանքերով, թմրած սառած անդամները ճգնելով տաքացնել իր շունչովն իսկ, այս բժիշկով գրաբարին գլխուն վերել կհսկէ սիրելիի մը մահվան շհամողվող մարդու համառ պատրանքի մեջ» (Գծեժ, I, 422): Այս

պարբերույթի առաջին մասն էլ կազմված է դերբայական դարձվածներից, որոնք նույնպես համասեռ են և պարբերույթի մաս են կազմում։ Այս մասին գեուես խոսք կլինի հետագայում, սակայն նշենք, որ առաջին մասի անդամները այդ քերականական համասեռության հետևանքով ունենում են համաշափ ու ներդաշնակ կառույց, բառերի դուգահեռ շարադասություն, արտաքերական նույնանմանություն, իմաստային մոտիկություն և այս ամենի հետևանքով կանոնավոր կշռույթ։ Իհարկե, եթե առաջին մասի անդամների համար քերականական համասեռությունը պարտադիր է, ապա վերջին հիշատակված հատկանիշները միաժամանակ և միասին պարտադիր պայման չեն. արդեն քերականական համասեռությունը իր հետ բերում է հիշյալ հատկանիշները ավել կամ պակաս շափով։

Պարբերույթի առաջին մասի անդամների քերականական համասեռությունը հաճախ ուղեկցվում է հարակրկնություններով և վերջույթներով, որոնք կարգավորում են շարադասությունն ու կշռույթը, գառնում են ցայտուն անդամահատման ձևական միջոցներ. եթե նախադասությունն ամեն անդամ սկսվում է միևնույն բառով, ապա պարզորոշ ցուց է տալիս նոր անդամի սկիզբը, իսկ եթե վերջանում է միևնույն բառով, նշում է այդ անդամի վերջը։ Եթե անդամը սկսվում կամ վերջանում է միևնույն բառով, այդ նշանակում է, որ նախադասությունների նույնանման անդամները շարադասվում են իրար համապատասխան տեղերում. ստացվում է համաշափ ու ներդաշնակ շարադասություն և դրա հետեւանքով կշռույթը կանոնավորվում է նաև անդամների համահավասար արտաքերական ծավալով. այս նշանակում է, որ անդամներից յուրաքանչյուրի բոլոր բառերի վանկաքանակների մեջ թվական մեծ տարրերություն չկա. ոտանավորի մեջ դրանք հավասար են, իսկ արձակի մեջ պարտադիր չէ ճիշտ հավասարաշափությունը, բայց մոտավոր ճշտությունը անհրաժեշտ է կշռույթը կանոնավորելու համար։ Ահա հարակրկնությամբ պարբերույթի մի օրինակ.

Նա, որ սպանեց իմ թաղավորին,
Նա, որ իմ մորս սլոռնիկ դարձրեց,
Նա, որ ներս խոթվեց իմ ընտրությանս

և հույսերիս մեջ,

Եվ կարթը ձգեց, որ կյանքս էլ որսա,

Այն էլ այնպիսի շարանենգությամբ,—

Չէ՞ որ կատարյալ խղճմտություն է,

Որ այս բազուկով վարձը ձեռքը տամ

(ՎՇՂԵ, I, 103):

Այս օրինակի մեջ առաջին մասի երեք անդամը հարակրկնված են: Այսպիսի հարակրկնություն հատուկ է նաև արձակ պարբերութին. շափածո խոսքի մեջ տողերի սկիզբը հաճախ առանց դրանց էլ որոշակի է, իսկ արձակի մեջ հարակրկնությունը անդամահատման միջոց է. օրինակ՝

«Եթե մենք այսօր տեսնում ենք Հայաստանում Քսենիֆոնի 24 դար առաջ նկարագրած գետնափոր խրճիթները, եթե մենք այսօր տեսնում ենք Հայաստանում Հերոդոտոսի 24 դար առաջ նկարագրած մաշկապատ նավակները Եփրատ գետի վրա, — ինչու պետք է շմտածել, որ դեռ շատ բան չէ փոխվել հայոց աշխարհում» (ԲԵՓ, VII, 8): «Ամեն անդամ, որ նայում էի նրա զարմանալի պայծառ աշքերին, որոնց մեջ կարծիս արևն էր վառվում. ամեն անդամ, որ լսում էի նրա կենսաթըրթիո ծիծաղը, որի մեջ կարծիս գարնանային շարաճճի վտակ էր քչքշում. ամեն անդամ, որ առնում էի նրան գիրկու և ականջիս մոտ լսում նրա կուսական կրծքի հեքը, այտերիս վրա զգում նրա թափիշ-մազերի էլեկտրացնող շփումը, — ինձ տիրում էր այնպիսի մի խենթ զգացում, որի ազդեցության տակ պատրաստ էի գործել և ամենամեծ առաքինությունը, և ամենամեծ ոճիրը՝ միայն թե նա հրամայեր» (ՆԵՓ, I, 114): Այս պարբերութի մեջ կրկնվող բառերը ավելի բազմազան են, որ նպաստում են և անդամահատման և կշռութի կանոնավորման:

Ասացինք, որ պարբերութը կազմվում է երկու մասերից: Այդ երկու մասերը քերականական / հնչերանգային և իմաս-

տային կողմերով միմյանց հակադիր են: Քերականական ու իմաստային հակագրությունը երկու մասերի համար պարտադիր պայման չէ. հակագրության փոխարեն կարող է հանդիս զալ զուգագրությունը, մասերը կարող են իրար չետ համադրվել բարդ ստորագասական, համադասական կապակցությամբ և այլն, սակայն հնչերանգային սուր հակագրությունը միշտ ուղեկցում է պարբերութին և դառնում է նրա մտաերի բաժանման էտեկան պայմանը: Պարբերութի առաջին մասը արտաքերվում է բարձրացող հնչերանգով, իսկ երկրորդ մասը դրան հակադիր ունի իջնող հնչերանդ: Այդ բարձրացող և իջնող հակագրամասերը ոչ թե ալիքածե բարձրանում և իջնում են, այլ մասնատվում են որոշակի դադարով: Պարբերութի առաջին մասը բազմանդամանի ու ծավալուն մի կառուցվածք է, որ ունի համասեռ տարրեր. սրանք բոլորն էլ արտաքերվում են բարձր հնչերանգով, ըստ որում միշտ հաջորդը նախորդի համեմատությամբ ավելի բարձր է հնչվում, և որքան շատ են այդ տարրերը, այնքան տեժեղանում է հնչերանգային բարվածությունը. առաջին մասի վերջին անդամը արտաքերվում է ամենաբարձր լարվածությամբ և վերջանում է ցայտուն մի դադարով: Այս դադարն էլ հենց դառնում է պարբերութի մասնատման բնական սահմանը: Դադարից հետո երկրորդ մասը նախորդ մասի համեմատությամբ ցածր է սկսվում և որքան դնում է դեպի վերջը, այնքան ձայնը իջնում է, մինչև որ հասնում է ավարտին.

Սկեպտիկ ժպտով մը դանդաղագին
Երբ մարդ լմպած է մրուրը կյանքին,
Երբ ծառայած է կամքով կորովի՝
Այն մեծ վարպետին, որ վիշտ կը կոշվի.
Հանչցած է դողդոջ դշխոյն որ Սերն է.
Ազգաց, անհատին Պատմության դժուէ
Նայած է անդամ մը մյուս երեսին,
Արվեստն հավակնու, սիրտն ամբարտավան,
Սուզը երեկին, երկյուղը վաղվան

Ու ձշմարտության հողին ծարավի,
Զննած է երկնից պարապը ծավի՝
Հին աստվածներու վիճն այն մշտական, †
Այդ մարդուն համար ուրիշ վայր չի կա
Ավելի քաղցրիկ հեշտանքով հղի,
Քան գերեզմաննոց աղքատիկ զյուղի (ՈՒԵ, 137):

Մինչև «հին աստվածներու վիճն այն մշտական» տողը՝ աբ-
տաբերվում է բարձր հնշերանգով, ապա զալիս է դադարը և
հետո ցածր տոնով սկսվում է մյուս մասը, որ ավելի ցածրա-
նալով վերջանում է:

Դադարը պարբերույթի հական հատկանիշներից մեկն է.
Ճիշտ է, այն սոսկ հնշերանգային նշանակություն ունի, բայց
հենց դա է, որ պարբերույթը մասնատում և որոշում է նրա
երկու մասերի սահմանը, և այդ մասերը հակառում է միմ-
յանց իր բարձրացող և իջնող հնշերանգներով և արտաբերա-
կան շրջադարձով այդ մասերը ամբողջացնում է իրեն արտա-
հայտության նոր որակ: Դադարը սկզբնական մասի անընդ-
հատ բարձրացող լարվածությունը չի թուլացնում, ընդհակա-
ռակը, ավելի է սրում այն՝ ընթերցողին կամ լսողին դնելով
սպասողական վիճակի մեջ. լարվածության լուծումը տեղի է
ունենում երկրորդ մասի ավարտով, այսինքն՝ երկու մասերի
ամբողջացնով: Ուրեմն՝ դադարը ոչ միայն մասնատման և
երկու մասերը իրար հակառելու հնշերանգային միջոց է, այլև
պարբերույթի համար ունի կապակցման արժեք: Ճիշտ է, հա-
ճախ պարբերույթի երկու մասերը կապակցվում են շաղկապ-
ներով, շաղկապային ու ընդհանրացնող բառերով, սակայն
դրանց հետ և առանց դրանց դադարը միշտ առկա է իրեն ներ-
քին հնշերանգային անհրաժեշտ կապակցող տարր:

Պարբերույթի առաջին մասը արտահայտվում է ամեն
տեսակ քերականական միավորներով. դրանք կարող են լինել
պարզ համասեռ թվարկվող նախադասություններ, միավոր-
յալ նախադասություններ, զլիափոր և երկրորդական նախա-

դասություններ, դերբայական դարձվածներ, զանազան տիպի բառակապակցություններ, նույնիսկ առանձին բառեր, եթե դրանք հնչերանգով անկախանում են. ուրեմն առաջին մասի համար ձևավորված նախադասությունը պարտադիր պայման չէ. բավական է, որ դա ունենալու որոշ բաղադրականություն ունեցող երկանդամ կամ բաղմանդամ համասեռ միավորներ, որոնք իրար հետ կազմեն անընդհատ բարձրացող հնչերանգային թվարկվող շարքեր, ունենան կապակցման նույնություն, միանման անդամահատություն, իմաստացին մոտիկություն և ամանակային որոշ համաշափություն, որ պայմանավորում է պարբերութիւն առաջին մասի անդամների կշռութը և ավարտվի թվարկումը, ապա պարբերութիւն առաջին մասը արդեն ձևավորված է:

Մասերի առանձին բաղադրիչները կոչվում են անդամ, որոնք կարող են բարդանալ լրացուցիչ միավորներով, այսինքն՝ նույնիսկ բառակապակցություն հանդիսացող պարբերութիւն մի որեւէ անդամ կարող է ունենալ բացահայտիչ, երկրորդական որեւէ լրացուցիչ նախադասություն և այլն: Ճիշտ է, այս դեպքում հնչերանգային հաջորդականության որոշ բեկում է լինում, սակայն հնչերանգային բարձրացման ու լարվածության ընդհանուր դիմքը վերականգնվում ու շարունակվում է հաջորդող անդամի թվարկումով:

Պարտադիր չէ, որ բոլոր անդամները լրացումներ ունենան, սակայն երբեմն համաշափությունն ու կշռութը պահպանելու համար կատարվում է այդ: Այդպիսի կատարյալ պարբերութիւն օրինակ է «Մատեան ողբերդութեան» ՇԱ. բանի ահատվածը, որ բերում ենք ամբողջությամբ.

Եւ արդ՝ առ երկրածին ոք պաղատեցայց այսու մահացու ամենապատիր եթէ, ընդունայն է աղաղակելն. առ մահկանացու բանական եթէ, սուտ իցէ փրկութիւնն առ յուսոյն վստահութիւն. առ մարդ ոք եղծական եթէ, ընդ տկարութիւն բանին և նանիր է զօրութիւնն, առ իշխաննս երկրաւոր դահից եթէ, անցաւոր է ընդ ինքեանս և իւրեանցն բարութիւն. առ եղբա՞յր ոք հարազատ եթէ, կարօտ է կամելոյն առ ան-

ձինն անդորրութիւն. առ հայրն իմ երկրաւոր եթէ, պակասեալ են խնամականքն ընդ աւուրց նուազութեանն. առ մայրն իմ որ երկնեաց եթէ, կասեցան գլութիւնքն ընդ նահանջել կենդանութեանն. առ թաղաւորութիւնս աշխարհի արդեօք զմահացուցանիլն միշտ արուեստաւորեն. քան զկենազործելն, + այլ առ քեզ, բարերար, Աւտուած օրհնեալ ի բարձունո, որ կենդանի ևս և զկենդանութիւն տաս ամենայնի, որ և յետ վախճանին զօրես անեղծապէս նորոգել:

Պարբերույթի առաջին մասը նույնպես պետք է ավարտուն լինի, այսինքն նրա անդամները պետք է թվարկված վերջացած լինեն, այլապես պարբերույթ չի կազմվի և կստացվի սովորական բարդ նախադասություն. օրինակ՝

Սև շորացած մարմին տւներ, զլիսի վրա կարծ և նոսրացած մազերով, աշքերը խավարակուո գիշերվա նման խոր, մատները երկար, լզար ու ուռած երակներով, ճակատը ծուռ, կուրծքը ներս ընկած, փորը—բայց փոր շուներ, կրծքի անմիջապես տակից սկսում էին նրա սրունքները (ՎԹԵ, 33):

Այս օրինակի մեջ թվարկվող առաջին մասը չի զերջացած, ուստի անավարտ է և իմաստով և հնչերանգով:

Պարբերույթի առաջին մասը կազմվում է երկու և ավելի անդամներից, այդ անդամները կարող են դարձյալ մանր միավորներ ունենալ: Եթե առաջին մասը կազմված է բարդ նախադասությունների շարքից, ապա այդ բարդ նախադասությունների յուրաքանչյուր պարզ նախադասությունը առանձին տարր է, որ պայմանականորեն կոչում ենք Հատած: Ուրիմն ամբողջ պարբերույթը ունի երկու մաս, մասերը ունեն անդամներ, անդամները՝ Հատվածներ: Բայտ պարբերույթի տռաջին մասի անդամների քանակի՝ պարբերույթը լինում է երկանդամ, եռանդամ, քառանդամ և բազմանդամ:

Երկանդամ պարբերույթի օրինակներ.

Ճանուկ ու ճարտար դուն ունիս ձեռքեր,
Շատ կհորինես թանկագին բաներ, +
Բայց թե ձեռքեղ շահ շունի Հայաստան,
Թքել ննք քու ալ, ձեռքիդ ալ վրան (ՄՊԵ, 15)

1 Եթե մի օր, անուշ ընկեր,
Գառ այցելու իմ շիրմին,
2 Ու նորաբույս վառ ծաղիկներ
Տեսնես փոված շորս կողմին,
Դու չկարծես թե հասարակ
Ծաղիկներ են ոտքիդ տակ,
Կամ թե գարունն է այն բերել,
Իմ նոր տունը զարդարել (ՀԹԵԺ, I, 118):

1 Կուսնի մահիկն երբ
Սանդուխներու վրա
Մեղմով կը տեղա
Լույծ, անձրևակերպ
Սահանքն իր լույսին,
2 Եվ երբ մանիշակ
Գոլորշիներուն
Մշուշն անապակ
Կը ծաղկի թրթուն
Ծովերուն վրա,
Խորն իմ սենյակիս
Կը հանդի հոգիս (ՄՄԵԺ, 64):

1 Թեև նա խպառ վհատած չէր, 2 թեև տակավին հույս ուներ, որ Շապուհը անպատճառ կկատարի յուր խոստմունքները քայց ինչ երջանկություն կնոց բռնի ամուսին լինել, որ զզվում է նրանից, և' մի երկրի բռնի թագավոր լինել, որ անիծում էր նրան (ԲԵԺ, VII, 472)

Եռանդամ պարբերույրի օրինակներ.

1 Զի եթէ զլիձ մի ծովոց ի յորակաթիւն դեղոյ յեղեղեցից,
և զղաշտս ասպարիսօք բազմօք սահմանեալ ի տարածումն լայնութեան քարտենի շափեցից, և զպուրակս յոքունց անտառոց, շամբից եղեղանց ի հատուածս գոյութեան զրշաց կաղմեցից, և ոչ զթիւ մի ի բարդելոցն անօրէնութեանց զօրեցից ընդ զրով սահմանի զրաւել (ԳՆ, թ):

Քնարի, սրնդի և ծնծղացի ներդաշնակությունը. Հյուսվելով և ոլորվելով մարմարյա ուղուների հետ բարձրանում է վեր, զփովում է տսկի առաստաղին, թոշում է դուրս՝ երկինք, քայց չի հասնում խանի ականջին, բայց չի փոթորկում քարացած չողին նրա (Ահեֆ, III, 207):

Քառանդամ պարբերույրի օրինակներ.

Դի թէպէտ և եմք ածու փոքր, թուով յոյժ ընդ փոքրու սահմանեալ, և լօրութեամբ տկար, և ինդ այլով յոլով անգամ նուաճեալ թագավորութեամբ, սակայն բազում գործք արութեան գտանին գործեալ և ի մերում աշխարհիս և արժանի գրոյ յիշատակի, զոր և ոչ մի ոք ի նոցանէ պէտ յանձին կալաւ մատենագրել (ՄԽՊՀ, 9):

Մել մտածում եմ, որ կինս անմեղ է, մեկ որ անմեղ չէ. Մել մտածում եմ, որ դու պարկեցաւ ես, մեկ, որ պարկեցաւ չես, — ապացույց պետք է (ՎՇԲ, I, 168):

Բազմանդամ պարբերույրի օրինակներ.

Ուր սուր ծերպերով ահեղ ցիր ու ցան
կեռներ են բազմած բնության արձան,
Ուր մութ ամպեր են գոմդագունդ զինվում,
Փայլակ կայծակով իրար հետ կովում՝
Զարնելով միմյանց երկիր ու եթեր,
Թոշերտում են հուր կայծակի շանթեր,
Կաղում են, գոռում ձայթյուն որոտով,
Ծեծում լեռներին, ծաղրում կարկուտով, —
Այնտեղ զիշերվա խավարի միջին
Մի խարույկ վառվեց կալվարի լանջին (ՎՄՂ, 38):

Զի ոչ ոք է առաջին քան զնա, և ոչ ոք է յետոյ նման նմա,
և ոչ ընկեր հաւասար նորին, և ոչ գոյութիւն ընդդիմակաց, և
ոչ բնութիւն հիւթաբեր ի պէտս նորա, և ոչ նիւթ ինչ, յորմէ
առնիցէ, զոր առնելոց իցէ, այլ ինքն է պատճառ ամենայ-

նի, որ լինելն և ի ռոյանալ եկին իւ չոյցէ և ի գոյէ (Եղ-
նիկ, Ա.):

Վերը բերված մյուս և այս վերջին օրինակներից պարզ
երևում է, որ պարբերութիւն առանձին մասի միասեռ անդամ-
ները ավել կամ պակաս շափով իրենց քերականական, հնչե-
րանգային և նույնիսկ իմաստային կողմերով մոտ են իրար
և երբեմն իսկ նման են: Այդ մոտիկությունը արտահայտվում
է անդամների լեզվական տարրերի ներդաշնակ դասավորու-
թյամբ. համեմատիր Եղնիկից բերված վերջին օրինակը. գրե-
թե բոլոր անդամները սկսում են ոչ ոք կապակցությամբ, հա-
մենայն դեպս ոչ-ը պահպանվում է մինչև մասի վերջը, առա-
ջին և երկրորդ անդամների (առաջին և յետոյ) քերականա-
կան միևնույն արժեքի բառերը շարադասված են անդամների
ճիշտ համապատասխան տեղերում. անդամների վերջն են
քաշված նաև զնա, նմա, նորին, նորա դերանվանական ձևերը,
որոնք միևնույն քերականական գործառնությունն ունեն. Ճիշտ
համապատասխան տեղերում են նաև ընկեր, գոյուրյուն,
ընուրին, նիւր ևնթակաները և սրանց՝ հաւասար, ընդդիմա-
կաց, հիւրաբեր, ինչ որոշիչները: Այսպիսի ներդաշնակ ու շա-
փակից շարադասությունը իր հետ ունենում է նաև կանոնա-
վոր կշռություն, որ պայմանավորված է անշեշտ և շեշտված վան-
կերի համաշափ հաջորդությամբ, այսինքն՝ անդամների հա-
տածները գրեթե վանկաքանակով միմյանց հավասար են և
շեշտված ու անշեշտ վանկերի տեղերը հատածների մեջ հա-
մապատասխանում են և ըստ այդմ ունեն միևնույն ժամա-
նակը:

Բոլոր պարբերութների առաջին մասերը այսպիսի ճրշ-
տությամբ չեն անդամահատվում և չեն կարող ունենալ այդ-
պիսի համաշափ կշռութային տարրեր: Նույնիսկ շափածո-
խոսքի մեջ. այդ իր բոլոր մանրամասներով հաճախ չի պահ-
պանվում:

Անհրաժեշտություն չկա, որ պարբերութիւն առաջին մա-
սի անդամները այդքան ստույգ համամասնություն ունենան,

նույն ներդաշնակ համաշափությամբ և ստույգ կառուցիկ դասավորությամբ թվարկվեն, բավական է, որ այդ անդամները քերականական համասեռությամբ միասնանան, կդառնան պարբերույթի մաս: Նկատի ունենալով պարբերույթի առաջին մասի անդամների հարակրկնությունները, վերջույթները, շարադասական միավորների զուգահեռ ու համապատասխան դասավորությունը, ամանակների ու կշռույթի կանոնավորությունը,— այս տեսակ մաս ունեցող պարբերույթը կոչում ենք շափակից պարբերույթ, իսկ մյուսը, որի առաջին մասի անդամները այդպիսի ստույգ ու խիստ շափակցություն չունեն, դրան հակադիր, կոչում ենք անշափակից պարբերույթ:

Այժմ տեսնենք, թե պարբերույթի առաջին մասը քերականական ինչ կառուցվածքներ է տննենում և ինչպես են արտահայտվում դրանք:

Ա. Պարբերույթի առաջին մասը կարող է կազմված լինել տարբեր բնույթի երկրորդական նախադասություններից, որոնք թվարկվում են իրեն միասեռ անդամներ, իսկ երկրորդ մասը իրեն զլխավոր նախադասություն ամբողջացնում և փակում է այդ շարքը.

Օրինակ

թեկուղ գովե հայրենիքդ, թեկուղ հայհոյե
նորան,

3 թեկուղ դրախտ ասա և կամ դժոխք կոչէ
Հայաստան

4 թեկուղ դու նենդ կոչե հային կամ հրեշտակ
սուրբ ու անկեղծ,

5 թեկուղ զլուխդ պատին խփե, դու շես ասվիլ
բանաստեղծ (ԾՊԵ, 205):

1 Եթե հորեղբայրն բան մը զրած շրմար իրեն եթե ներելի բլար հարավատ եղբայրներուն մեջ տարբեր մականուններ գործածել, անշուշտ ինքն ալ շպիտի ստիպվեր փոխել յուր մականունը, օրինավորությունն է, որ կստիպե խեղճը կուսինցան հորջորջվելու (ՀՊԲ, I, 196):

1 Երբոր բացվին դռներն հուսո,
2 Երբ մեր երկրեն փախ տա ձմեռ,
3 Զքնաղ երկիրն մեր արմենիո,
4 Երբ փայլեն յուր քաղցրիկ օրեր,
5 Երբոր ծիծառն իր բույն դառնա,
6 Երբոր ծառերն հագնին տերեւ,—
7 Յանկամ տեսնել զիմ Կիլիկիա,
Աշխարհ, որ ինձ ետուր արև (Ռուսինյան):

Երկրորդական նախադասությունները կարող են լրացվել երկրորդական կարգի երկրորդական նախադասություններով, որոնք բարդացնում են պարբերութիւն առաջին մասը, սակայն նրա բնույթը չեն փոխում:

Բ. Պարբերութիւն առաջին մասի բոլոր անդամները կարող են լինել բարդ ստորադասական նախադասություններ. օրինակ՝

1 Թէ մանիշակ ասիմ՝ սարեմեն կոսին,
2 Թէ ջավայիր ասիմ՝ քարեմեն կոսին,
3 Թէ որ լուսին ասիմ՝ տարեմեն կոսին,—
Արեգակի նման փարա իս, զողալ (Մն, 31):

Գ. Պարբերութիւն առաջին մասը կարող է կազմվել զիսավոր նախադասությունների շարքից, որոնք փակվում են մի երկրորդական նախադասությամբ: Այս երկրորդական նախադասությունը, ոչ թե առաջին մասի որևէ անդամի լրացում է, այլ ամբողջ մասի համար է, եղբափակում է այն եամբողջացնում. օրինակ՝

1 Քահանան այս աշխարհականին բարեպաշտութենեն կը դողար, քարոզիչն ու թաղական խորհուրդը կ'ակնածեին իրմենց զյուղացին կը մեծարեր այս հավատացյալ աղան, իր իր բոլոր հարստության հակառակ աղքատի մը պես խոնարհ ու աստվածավախ կը թվեր (ԳԶԵԺ, 1, 268):

Դ. Առաջին մասը պարզ նախադասությունների թվարկվող շարք է, իսկ երկրորդ մասը այդ թվարկվող շարքը փակում է համադասական կապակցությամբ. օրինակ՝

լ Փշում էր քամին, շայրում էր արևը, անձրևն ու հեղեղ-ները թրջում էին նրան, ամպերը դլխին որոտում, փոթորիկը նրան ժայռեժայռ խփում, կայծակը նրա շուրջը շանթիչ դեր պարզում, և սակայն ծառը համառ անդրդվելի ելնում էր ելնում և մշուշու բարձր կատարների ձգտում (ՎՓԲ, 288):

6. Առաջին մասը կազմվում է նաև միավորյալ նախադասություններից, իսկ երկրորդ մասը դրանց հետ կարող է կատվել կամ համադասական, կամ ստորադասական կրպակցությամբ. օրինակ՝

1 Եւ արդ~~պի~~նշ զործեսցես անձն իմ կորուսեալ, կամ ո՞ւր թաքիցես, կամ զիարդ ապրեսցիս, կամ ո՞ւրակս ելցես ի մեղաց բանտէ, քանզի բազում են պարտիքդ, և անթիւ հատուցմունք (ԳՆՄՌ, 8):

1 Իրիկունը մետաքսներու պես փափուկ,
2 Իրիկունը շարրաթներու պես քաղցր է,
3 Իրիկունը բաժակն է՝ շուրթը տամուկ,
4 Զոր նայադ մը հրամցընել կը բերե (ՄՄԵԺ,
106):

1 Երնեկ էսպես՝ անվերջ քեզ հետ՝ իմ կյանքի հետ լինեի,
2 Հաղար Երնեկ՝ դաշտում մենակ՝ երկնքի հետ լինեի. +
Բայց ով կտա էն վայելքը՝ ինքս ինձ էւ շղայի,
Ու հոլվիի ծավալվեի, ամենքի հետ լինեի (ՀԹԵԺ, I,
212):

Զ. Պարբերույթի առաջին մասը կազմվում է դերբայակոր կապակցություններով, որոնք ընդհանրացվում են երկրորդ մասով. այդ դեպքում երկրորդ մասը ունենում է ընդհանրացնող հատուկ բառեր ու կապակցություններ, որոնք հենց որոշում են պարբերույթի երկու մասերի սահմանները. օրինակ՝

Հետին միջատին կյանքը ճանչնալ ու կարող ըլլալ միանգամայն ամեն աշքերու անտես լուսավոր գունտի մը համակ

շավիղը ճշտել երկնից մեջ՝ անհունապես փոքրը ու անհունապես մեծը ըմբռնել, իմիկուց գիտնալ անցյալը, որ խավարն էր, ներկան, որ ստվերն է և ապագան, որ լույսը պիտի ըլլա, ոչ ոչ, այս ամենը մեկանց պիտի շուղեր տեսնել միակ մտքի մը մեջ (ԳԶԵԺ, I, 437):

Դերբայավոր կապակցություններն իբրև առաջին մասի անդամներ երբեմն հանդես են գալիս բառակազմակցությունների հետ միասին. այս դեպքում անդամների համասեռության իբրև պայման առկա են լինում հարակրկնությունները (ամեն անդամի սկզբում նույն բառը կրկնվում է), անդամների համամասնությունը, շարադասական զուգադրությունները, կշռույթը և այլն. օրինակ՝

Ոչ բարձրածայն խոսակցությունս, որուն ակամա ունի կրնղիրն էր, ոչ վրդովյալ շարժուձեներս, ոչ իրեն ուղղած համառ ու բոցավառ նայվածքս, ասոնց և ոչ մեկը կրցավ իր գեղեցիկ մարմարե արձանի վայելուշ անտարբերությանը հաղթել (ԳԶԵԺ, I, 157):

Է. Դերբայական դարձվածներին հար և նման պարբերույթի առաջին մասի համար անդամներ են դառնում բառակապակցությունները, որոնք դարձյալ երկրորդ մասի որիէ ընդհանրացնող բառով եղբափակվում, ընդհանրացվում են իբրև մի ամբողջական պարբերույթ։ Փաստորեն դերբայական դարձվածներով կամ բառակապակցություններով կազմված պարբերույթները իրենց ընդհանրացնող մասի հետ միասին մի պարզ նախադասություն են կազմում, սակայն այդ երկու մասները տարբեր հնչերանգներով ու ուժգին դադարով այնպես են տրոհվում միմյանցից, որ առաջին մասը իբրև երկրորդ մասի լրացում չի դիտվում, ընդհակառակը, երկրորդ մասը դիտվում է իբրև ընդհանրացում ու եղբակացություն առաջին մասի համար։ Այստեղ պարբերույթ կազմելու համար մեծ դեր են կատարում ընդհանրացնող բառերը, որոնք երկրորդ մասը առանձնացնում են առաջին մասից և երկուսի համար ապահովում են պարբերույթի հավա-

սարադոր մասեր լինելու պարագան։ Իսկ եթե ընդհանրացող բառերը պակասում են, առաջին մասի հավասարավորությունը թուլանում է և արդեն այն երկրորդ մասի համար լրացման տպավորություն է թողնում, շնայած որ երկու մասերի համար պարբեր հնչերանգային արտաքերումն ու դադարը որոշ շափով առկա են. օրինակ՝

↑ Փոխանակ զղագու, փոխանակ դարձի դալու, փոխանակ բարությամբ կրկին դրավելու նրանց սերն ու հարգանքը, — դու սկսեցիր բռնություն դործ դնել (ՏԵԺ, VII, 524): Եթե առաջին մասի թվարկվող անդամներից հետո երկրորդ մասը սկսվեր այսպես՝ այդ բոլորի փոխարեն դու... ահա այս դեպքում այդ բոլորի փոխարեն ընդհանրացնող կապակցությունը դառնում է երկրորդ մասի համար մի տեսակ փոխարինող լրացում, իսկ առաջին մասի թվարկվող անդամները դառնում են լիիրավ մաս պարբերութը ձևավորելու համար։ Ահա բառակապակցություններով առաջին մասի օրինակ՝

↑ Ոչ հոգիի և ոչ մտքի պատշաճություն երկուքին մեջ՝ ոչ կրթության և ոչ զգացումի ներդաշնակություն։ ոչ տարիքի և ոչ մարմնի հարմարություն, — այլ բիրտ հպումը, անմեկնելի ու հավիտենական մերձեցումը, ավելի բիրտ քան այն զույգ մը եղինը, որ արորի մը կը լծվի և ուր գոնե դույնի, տարիքի, ույժի ներդաշնակություն կը փնտրվի (ԳԶԵԺ, I, 147):

Բ. Պարբերութի առաջին մասի անդամներ կարող են դառնալ նաև մի եղանակավոր բայից կախված թվարկվող անորոշ դերայները՝ իրենց դարձվածային ձևավորվածությամբ, ուր առաջին անդամի հետ եղանակավոր բայը հիշտակվում է, իսկ մնացածները թվարկվում են առանց դրա օրինակ՝

↑ Փորձեցի փոքր ինչ մնալ անշարժ, աշքերս վահել, նորից ծովի շշուկին ականջ դնել, նրանով օրորվել, մոռացության մեջ ընկղմվել, + բայց անկարելի եղավ (ՎՓԲ, 386):

Այս նույն ձևով մի զիսավոր նախադասությունից կախված համասեռ խնդիր նախադասությունները նույնպես պար-

բերույթի առաջին մաս են կազմում, եթե երկրորդ մասը ձևավորվում է իբրև այդ միավորյալ անդամները ամբողջացնող, ընդհանրացնող մաս կամ իբրև հակադրություն. օրինակ՝

Նրանք ասում են, որ դու անցել,
Ձեւ հնացել ես, ու հեռացել,
Ու լքել են քեզ ու մոռացել
Օրերում այս խենթ ու դարձդարձիկ,
Բայց տես՝ կանչում է ահա մի ձեւ
Եվ մի սիրտ, որ քեզ սիրում է դեռ (ԵԶԸԵ, 192):

Թ. Պարբերույթի առաջին մասի համար իբրև անդամներ կարող են հանդես գալ անորոշ դերբայով կառուցվածքներ, որոնք ընդհանրացվում են երկրորդ մտառվ իբրև ենթականեր, խնդիրներ կամ նախադասության այլ անդամներ. օրինակ՝

Երկյուղ տալ երեխային զնի, չար սատանայի, ալքերի,
Խլվլիկի, մարդագալի, դերմիշի և այլ սարսափելի անուններով, և միենույն ժամանակ հրապուրել նրան աստուծու,
Հրեշտակների և սրբերի խոստումներով, — այդ բոլորն այլեւի նուրբ միջոցներ են երեխայի կրթելու համար (ԲԵԺ, IX, 390—391):

Այս դեպքում անդամների թվարկվող միավորները նույնպես նախաստում են պարբերույթի առաջին մասի ձևավորման:

Ժ. Պարբերույթի առաջին մասի համար իբրև անդամներ հանդես կարող են գալ միավորյալ ենթականեր. այս դեպքում դրանք բազմանդամ պետք է լինեն և հետո վերջում պետք է ունենան ընդհանրացնող բառ կամ բառակապակցություն: Երբ այս վերջինները չկան, ապա երկրասնության հնշերանգը թուլանում է և ամբողջը թողնում է պարզ նախադասության տպավորություն. օրինակ՝

Հայրենիքիդ ծառ ու ծաղկունք,
Քար ու քարափ խոր ձորեր,

Յ Անմահական անուշ ակունք,

Կ Արագածի քաղցր հովեր,

Տ Շինականի շարն ու բարին,

Ո Ուրախություն, դարդն ու ցավ,—

Թև տվեցին քո հանճարին,

Եարող վրձինդ շարժվեցալ (ՀՀՀ, 100):

Եթե երկրորդ քառատան երրորդ տողը սկսվեր և այդ ամենը՝ կամ դրանք, բոլորը և այլն բառերով, ասլա այդ կլիներ իսկական պարբերույթ. շնայած Հովհաննիսյանը մի շարք ենթակաները կուտակիլ է մի քառատողում, այսինքն՝ փաստորեն անդամահատել է և երկրորդ քառատողում էլ նղած ենթակաները դժուլ բաժանել է ստորոգյալից, այնուամենայնիվ լրիվ պարբերույթ չի ստացվել: Համեմատիր վերսի հետ հետեւյալ օրինակը.

Պապը հիմա որ կողմը դառնում էր ամեն ինչ, յուրաքանչյուր մի իր յուրաքանչյուր առարկա, թե կարասի, զենք, թե գորգ, — բոլորը, բոլորը հիշեցնում էին հորը կամ մորը և իր պատանեկության օրերը (ՍԶՊՅ, 88):

ԺԱ. Այդպես էլ նախադասության այլ անդամներ կարող են դառնալ պարբերույթի առաջին մաս, երբ նրանք մասնաւում և հակադրվում են երկրորդ մասին. օրինակ՝

1 Ոչ շղթաների դաժան բեռի տակ, ոչ փուշ սլսուկով
3 ել ոչ ծանր խաչ կորացած ուսին, — (Այս բաժանումը հեղինակինն է):

Նու աշխարհ կզա մի նոր զորությամբ և մի նոր փառքով,
Բախտի պայծառ ջահն անհողդողդ ձեռին (ՀՀՀ, 158):

Առաջին մասը ձեմի պարագաներից է կազմված, որոնք մասնաւում են իրենց լրացյալից ոչ միայն հնչերանդով, այլև երկրորդ մասի հակադիր ձեմի պարագաներով:

ԺԲ. Պարբերույթի առաջին մասի հիմնական անդամ կարող է լինել միևնույն կրկնվող ենթական, որն ունի լրացուցիչ երկրորդական նախադասություններ. փաստորեն այդ ենթա-

կայի հետ միասին երկրորդական նախադասությունները դառնում են առաջին մասի անդամներ, իսկ երկրորդ մասը հիշյալ թվարկվող ենթակաների ստորոգյալն է, որ փակում է ամբողջ թվարկվող շարքը։ Այսպիսի պարբերութը մի բարդ նախադասություն է՝ մի շարք միջադաս երկրորդական նախադասություններով, բայց երկրորդական նախադասությունները պարբերույթի մաս են կազմում, մեկ որ բազմազան են և ունեն միևնույն անդամահատությունը և երկրորդ՝ միշտ գլխավոր նախադասության ենթակայի հետ են հիշատակվում իբրև միասնական մի անդամ. օրինակ՝

1 Դու որ մատղաշ տարիքիս

Հարսանեկան քողս արյունով ներկեցիր

Եվ թույլ տվիր՝ որ թևերուս վրա չարդեն

Լուրթ քողեքներս բնիկ հողով թրծված,

2 Դու որ այս ծեր տարիքիս մեջ տակավին

Երիկամունքս լոկ քաղցով լեցուցիր

Եվ սրբազան ցուալը մեկնող հասակիս

Թաթախեցիր արյան մեջ,

3 Դու որ որդվույդ խաչն ողբալեն բլշակնած

Իմ աշքերս այս սահմանեցիր դեռ լալու

Մորթված յոթը զավակ,—

4 Դու՝ զերդ վիշապ երկնածին

Երկու թաթերդ երկու ամպի վրա դրած,

Ծոե և տես ողորմությանդ ստությունն

Հոն վարը, տես (Դվ. 132—133):

Այսպիսի կազմությունները կատարյալ պարբերութը են մանավանդ այն դեպքում, եթե առաջին մասի կրկնվող ենթական հիշատակվում է նաև երկրորդ մասում, որով հենց երկրորդ մասը լրիվ հանդես է դալիս իբրև առանձին հնչերանդային իշնող մաս. համեմատիր հետևյալ օրինակը՝

Ամեն ինչ, բնության տեսարանը, մարդկային զգացումը, քաղաքի սիլուետը, նոճիներու սլացումները, մուեզինին

աղոթքը, — ամեն ինչ միայն իրենց բարձրագույն գերազարգության կհասնին, այլև կխառնվին իրարու հետ (ԶԵԵ, 137):

ԺԴ. Պարբերույթի առաջին մաս կարող են կազմել այնպիսի համասեռ երկրորդական նախադասությունները, որոնք կախված են մի գլխավոր նախադասությունից, որը, սակայն, երկրորդ մասի սկզբում կրկնվում է և կարծես սկսում է մի նոր գլխավոր նախադասություն իր հնչերանդային ամբողջությամբ. օրինակ՝

Դժվար է երբ կիրքերը այսքան բորբոքված են, երբ քաղաքական բնույթ ունեցող հարցերը անմիջական և վճռական նշանակություն են ստացել, երբ մարդիկ օրը-օրին կապրին առանց ետ նայելու և առանց իրենց միտքը սեեռելու ապագայի հորիզոններուն, — դժվար է ոչ միայն մարդիկ զբաղեցնել արվեստով, այլ նույնիսկ ամփոփվիլ և անխառն հաճույքով անձնատուր ըլլալ մեր երազին (նույն տեղում, 142):

ԺԴ. Այդպես էլ նախադասության այլ անդամների նկատմամբ կախյալ հարաբերության մեջ գտնվող երկրորդական նախադասությունները կազմում են պարբերույթի առաջին մաս, եթե այդ անդամը երկրորդ մասում կրկնվում է իրեւ սկիզբ հիշյալ մասի՝ օրինակ.

Այս քաղաքում, ուր ցոփ արքաներ են ապրել,
Ուր շաշել է մտրակը ստրուկների վզին,
Որպես վերին պարզեց, ուր հյուսիսի
Մառախուղի նման այս անտարբեր
Իշխաններն են դարեր առևանգել, հարել,
Կախաղաններ կանգնել հարյուրներով, —
Այս քաղաքում հիմա եռում է կյանք մի նոր,
Զարմանալի մի կյանք (ԵԶԸԵ, 183):

Այս նախադասությունները կամ բառերն ու բառակապակցությունները, որոնցից կախված են առաջին մասի անդամները, հենվում են պարբերույթի երկրորդ մասի վրա. Հիշտ է, դրանք առաջին մասի անդամների հետ փաստորեն

միասնաբար են հանդես դալիս, բայց անդամ չեն համար-
վում: Պարբերույթի հնչերանգային սկիզբը թվարկվող ան-
դամից է սկսվում: Փաստորեն այդպիսի նախաղասություն-
ները, բառերն ու բառակապակցությունները երկու մասերի
տմբողջացման համար կապակցող, միջնորդավորող դեր են
յատարում:

ԺԵ. Պարբերույթի առաջին մասի համար իբրև անդամ-
ներ են հանդես դալիս նաև թվարկվող բազմազան այնպիսէ
կոչականներ, որոնք կիրառվում են ոչ թե նրա համար, որ ան-
ձանց դիմենք ինչ-որ գործնական նպատակով մի խոսք ասե-
լու, այլ բերվում են իբրև թեմային տարրեր՝ նրանց վերաբե-
րող խոսքը առաջ տանելու համար: Այդպիսի կոչականները
սովորաբար ուղեկցվում են զանազան լրացուցիչ բառերով
ու բառակապակցություններով և հաճախ նույնիսկ որոշիչ երկ-
րորդական նախաղասություններով: Այդպիսի կոչականները
կամ դառնում են: Ենթակա թվարկվող այդ շարքից հետո եկող
երկրորդ մասի համար և կամ էլ երկրորդ մասը դրանց ուղղու-
թած որևէ խոսք է.

ված որևէ խոսք է. օրինակ՝

1 Դուք՝ սլալատական, 2 դուք՝ արդարե
Դժնի դպրության կոթողներ սին,
3 Թշնամի կյանքին, սրտին, լույսին,
3 Հանուն սրբության անեղծ կույսի՝
Քերթողներ կրքի ու տոփության, —
4 Դուք չեք այսօրվա մեր դպրության
Դարերից հորդող զետն այն փարթամ,
Որ դեռ հավիտյան սկիտի երթա (ԵԶԲ, 242):

1 Օ, դուք, հեռավոր եղբայրներ իմ,
2 Քերթողներ զեղուկ հայրենների,
3 Երգասան ճորտեր՝ մտքով զերի
Չեր ժամանակվա օրենքների, —
Ահա բարբառը ձեր երգերի
Հասած մինչև ինձ՝ իմ ձեռքերից

Անցած նորանոր երգիշների՝
Հորդում է արդեն իր ափերից (նույն տեղում,
244):

Ինչպիս տեսնում ենք, այս բազմազան օրինակներից, պարբերութիւն ձևավորման համար կարևոր է առաջին մասը. մինչեւ որ այն շկաղմակերպվի իրքեւ համասեռ անդամներից կաղմված որոշ շափակցություն ու կշռութ արտահայտող և հնչերանգորեն բարձրացող շարք, պարբերութիւն մաս չի կարող կաղմել:

Բայց պետք է ասել, որ ինչքան էլ առաջին մասը իր բոլոր հատկանիշներով կաղմակերպված ու ձևավորված լինի պարբերութիւն պահանջների համապատասխան, առանց երկրորդ մասի ներկայացնում է թվարկվող անդամների անավարտ շարք, որ մնում է բաց, իսկ պարբերութիւն հատկանիշներից մեկը փակ լինելու է, մի բան, որ կատարվում է երկրորդ մասով. սա է, որ փակում, եղրափակում և իմաստացին ու կառուցվածքային առնչություններով ավարտուն է դարձնում արտահայտությունը և թվարկվող շարքը կլորացնում, շրջանակում, նրա հետ միասնաբար կաղմում է պարբերութիւն:

Կառուցվածքի կողմից երկրորդ մասը ձևավորվում է ըստ առաջին մասի. եթե առաջին մասում թվարկված են այս կամ այն տիպի երկրորդական նախադասություններ, ուրեմն երկրորդ մասը դրանց համապատասխան մի զիսավոր նախադասություն է. օրինակ՝

Երբ բլուրն ի վար
աղբյուրեն դարձին
իր վարսքի խուրձին
մեջը սողոսկի
նուրբ մատիկն ոսկի
արևի լույսին,
Հին սափորն ուսին
Երբ բլուրն ի վար
աղբյուրեն դարձին

մեղմով ծածանի
լաշակն հողմավար՝
թևով թռչունի.

Յու ծիածանի
թույրով պսպղա
աշքն իր գեղանի.

Կևերբոր ցնծա
հնչյունը՝ ծնծղա
զարդոսկիներուն, —
տենչանքով անհուն
հոգիս պիտ ըղձա
դանձեր, դոր շունի (ՄՄԵԺ, 82):

Այս օրինակի մեջ ժամանակի պարագա շորս նախադասություններ փակվում են «տենչանքով» անհուն հոգիս պիտ ըղձա դանձեր» գլխավոր նախադասությամբ:

Եվ որովհետեւ ես եմ ստեղծել ժամանակ-տարածությունը, իմ հոգու դրսերումն է նա և իմ կամքի ու մտքի առարկայացումը, — ապա ուրեմն ես հզոր եմ մահից ու անմահ է իմ եսը (Ահեֆ, III, 218):

Առաջին երեք նախադասությունները պատճառի պարագա երկրորդական նախադասություններն են, իսկ վերջինը գլխավոր է, որ արտահայտում է եզրահանգում:

Եթե առաջին մասի անդամները գլխավոր նախադասություններ են, ապա երկրորդ մասը այդ բոլորը լրացնող որեւէ տիպի երկրորդական նախադասություն է. օրինակ՝

Հիմա ելնում ենք մենք մեր կաշվից,
Հիմա հողնում ենք, տնքում անքուն, —
Որ մեր զնզուն այն հիմար Զանգուն
Քիլովատներ ու վոյլտեր հաշվի (ԵԶԸԵ, 107):

Կուին, բանվորը, գյուղացին այս հնամենի դրոշակի տակ է գրոհ տալիս ու մրրկում լինդեմ դարավոր կեղերից

մանդարինների, ընդդեմ ճապոնի արյունառուշտ աշխարհակալության, ընդդեմ նվրոպայի ընշաքաղց դրամատերերի, — որոնք հաշիշով և շահագործման նենդ ձեռնարկներով ծծում են շին աշխատավորների ուղն ու ծուծը (Աիծ, 253):

Պարբերույթի երկրորդ մասը կարող է լինել համադասական բարդ նախադասության մաս, եթե առաջին մասի անդամները միավորյալ կամ թվարկվող համադասական նախադասությունների շարք են կազմում. օրինակ՝

Ծննդաբերությունից միայն կես ժամ առաջ նա հրաժարվում էր աշխատելուց, դեմքի վրա հազիվ նշմարվում էր ցավագին ինչ-որ ծամածություն, ապա ժալտում էր զինջ, գնում առանձնանում, բռնում կողերը, — և ահա ծնված էր լինում մեղանից մեկնումեկը (Վթե, 26):

Ես երազեցի արևի ոսկին,
Տենշացի նրա հրաշքը խնդուն,
Ուզեցի սիրել շատակն իմաստուն
Արևանման, արնավառ խոսքի, —
Բայց շուրջս այնպես գունատ էր, տկար,
Խոսքեր շկային ու արև շկար (ԵԶԸԵ, 137):

Երկրորդ մասը կարող է լինել բարդ ստորադասական նախադասություն, որ նախորդ մասի հետ առնշվում է համադասական կապակցությամբ. օրինակ՝

Բակին և պարտեղին դռները կբացվեին, վարագույրները կուռեին և կշաշեին առագաստներու պիս, դրացիները համարձակություն առած՝ կմտնեին կելլեին, մորաքույրերս կհադվեին, կքսվեին և տեսակ մը անկախության ձգտում կստանային, — բայց ինչ որ ամեննեին դարմանալին ու հրաշալին էր, այն էր, որ մեծ մայրիկիս տխուր կնճռոտ դեմքին վրա ժպիտ կերևեռ (ԶԵԵ, 450):

Հաճախ պարբերույթի առաջին մասի թվարկվող անդամները արտահայտում են առանձին մտքեր, որոնք միավորվում են քերականական համասեռությամբ, իսկ երկրորդ

մասը այդ առանձին մտքերի ու արտահայտությունների ընդհանրացումն է իբրև մի ամբողջություն. օրինակ՝

Դուք տեսած եք հայրենի լեռները մեր խրոխտապանձ Պսակված՝ ամպի մեջ բուսնող անտառներով անթափանց.

Զոր կը հոտեն լոկ շանթերն, ու լոկ հեղեղը դեղին
Հոտված ծառերը մինչև կը բերէ մոտը գյուղին.

Դուք տեսած եք կիրճերու խորն անձավներ, որոնց մեջ
Կապրին (կըսեն) ջատուկներ կթելով էդ գայլ մ' անվերջ
Եվ որոնք մերթ լուսնին տակ երգելով երգ մ' հրապուրիչ
Վար կը կանչեն սարին վրա նստող կովարծը կտրին.

Դուք տեսած եք մարդագեղ անձայրածիր արոտներ,
Ուր գառնուկներ կարածին թիթեռներու առընթեր,

Ուր կը սահի արեւու միահեծան փառքին տակ

Գետակ մը ջինջ՝ կաթի պես և եղկ անոր հանգունակ...—

Դուք տեսած եք փոթորկեն վերջ (երբ փայլակը հեռուն)
Դեռ կը խաղա՝ ցույց տալով մերթ արեն ծոցն ամպերուն

Նստած հովիվն իրիկվան դեմ փարախին քով անհոգ՝
Կը շորցնե շանթահար կաղնիին դեմ հրաբորբոք

Իր թաղիքն տառատոկն անձրեսին տակ ծանրացած,

Կամ կը հյուսե տրեխներ մացառներեն քճքճած.

Դուք տեսած եք կամ ինչպես ան կը մորթե այծ մը հույր
(Որուն արյունը կ'հոսի ձար մորուքեն մամոաբույր)

Եվ շամփրելով դայն կրակին վրա կը դարձնե, իբրև ճաշ,
Թողլով որ քաղցր հոտն ընե շուրջի գայլերն հալումաշ.

Կամ տեսած եք կեռակտուց անդղ մ' ահեղ, որ խլած
Մորթը քերված նույն այծին՝ կելե երկինք վերասլաց,

Ահավասիկ այս բոլորն, այս պատկերները խուժդուժ
Իր հեքիաթներն էին նախ՝ երգված սրտին մեջ անուշ

(ԴՎԲ, 190):

Այս հատվածը, մի պարբերությ է: Անդամների մեծ
ծանրաբեռնվածությունը որոշ շափով դանդաղեցնում է հնչե-
րանգային հաջորդական լարվածությունը, ուստի թվում է թե

անդամներն անջատ միավորներ են, բայց որովհետև միշտ առկա է Հարակրկնությունը (դուք, կամ) և մանավանդ այդ ամենը ընդհանրացնող («ահավասիկ այս բոլորն...») եղբափակիլիչ մասը, այս ընդարձակ հատվածը դառնում է իսկական պարբերույթ:

Երկրորդ մասը կարող են կազմել նաև Երկրորդական նախադասություններից առաջացած դերբայական դարձվածներ, եթե վերջում դրանք հնչերանգով անջատվում են առաջին մասից և կազմում են Հակադիր կամ զուգադիր մաս. օրինակ՝

Գրոհ է տալիս ու մրրկում բյուրավոր զոհեր տալով՝
1 խորտակելու բոլոր պարիսպներն ու բանտերը բռնության,
2 խորտակելու բոլոր բուրդերն ու բերդերը դրամապետության,
3 խորտակելու համար բոլոր լուծերն ու շղթաները աղքատության և ստրկության, — ստեղծելու համար աղատության իրավունքի, մարդավայել աշխատանքի և արդար վայելքի լուսակերտ աշխարհը դարավոր Շանգ-Շենգի փլատակների վրա (Ահեֆ, III, 253):

Այս պարբերույթի առաջին մասի միավորյալ անդամներն սկսվում են խորտակելու ձեի Հարակրկնությամբ, որոնք կախված են «զրոհ է տալիս ու մրրկում» նախադասությունից. իսկ Երկրորդ մասը սկսվում է «ստեղծելու համար...», որ Հակադրվում է նախորդին իմաստով և հնչերանգային անկախությամբ: Եթե առաջին մասի միավորյալ անդամները արտահայտվեին ամբողջական նախադասություններով, ապա նրկրորդ մասը կդառնար լոկ նպատակի պարագա և ոչ թե պարբերույթի մաս: Բայց քանի որ քերականական ձեսվորվածությամբ նրանք միևնույն աստիճանի վրա են գտնվում, իսկ իմաստով ու հնչերանգով Հակադիր ու անկախ են, ապա միասին կազմում են մի պարբերույթ:

Պարբերույթի երկրորդ մասը երբեմն ձեսվորվում է առաջին մասի սկզբի որևէ նախադասությամբ կամ բառակապակցությամբ, որը տվյալ դեպքում կարեռ է առաջին մասի համար. սա առաջին մասի իմաստային կենտրոն է

լաղմում։ Այդպիսի նախադասությամբ կամ բառակապակցությամբ սկսվող երկրորդ մասը ավելի սերտ է կապվում առաջին մասի հետ, և ամբողջացման ըմբռնումը առավել որոշակի է։ Կրկնվող այդ նախադասությունը կամ բառակապակցությունը առաջին մասը օղակածե շրջանակում է և սկսում է երկրորդ մասը. օրինակ՝

Այն ափերում, ուր դու, օ, տարիներ առաջ,
թափառելով՝ սիրո երգեր էիր զրում
եվ գուրգուրում, իբրև սերունդների երադ,
Այն, որ թաղված մնաց քո դրքերում, —

Այն ափերում հիմա մի բարբարոս հովիվ,
երաղելով քեզ պես կնոջ դդվանք ու սեր,
Ռւնկնդրում է միայն շշուկներին հովի
եվ, երգերի տեղ քո, երգում անբառ մի շեր)
(ԵԶԸ, 252):

Հոս կը ննջես, քեզ կը պատե լոռությունն.
Օվկիան մ' ես՝ զոր կը ծածկե այդ պատանք.
Կարմիր հրդիք մ' որ մոխրի տակ կ' առնե քուն.
Դու կը ննջես, ինչուս հրատն ամպի տակ
(ԴՎԲ, 115):

Պարբերույթի երկրորդ մասը կարող է բարդանալ տարբեր լրացուցիչ նախադասություններով, նույնիսկ ինքն իր հերթին կարող է դառնալ պարբերույթային մի կաղմություն, ըստ կառուցվածքի նմանվել պարբերույթի, սակայն քանի որ այն ինքնուրույն սկիզբ չունի (կառուցվածքով և հնշերանդով կապված է առաջին մասի հետ), ապա այն անկախ պարբերույթ չի կարող համարվել։ Դա պարբերույթի երկրորդ մաս է, միայն արտահայտվում է բաղմաբարդ ձևով. օրինակ՝
Ես կարծում եմ ոչ հոր եղեռնական մահը, ոչ մոր շուտափույթ ամուսնությունը, ոչ հորեղբոր աղքալիլծ վարմունքը, ոչ օֆելիայի թեթևամտությունը, ոչ Պոլոնիուսի պալատական նենդավորությունը, — ոչինչ, ոչինչ էնքան վիրավորական

շպետք է լինեն դժբախտ Համլետի՝ էն առաջին ինտելիգենտի հոգու աղնվության, արքայաղնի վեհության, փիլիսոփայի խորության, հանձարեղ նրբամտության ու վշտի ծանրության համար, որքան հայ դերասանի անճաշակ լալկանությունը, վախեռտ հայացքները դես ու դեն, անմիտ վազվղելը պատից պատ, անտեղի աղաղակներն ու լաց ու կոծը կամ ոռու դերասանի հիստերիկ հեկեկոցներն ու հոհոցները, հիվանդագին գալարումները, անդադար ծամածությունները ու գոռում զոշումները (ՀՅԵԺ, IV, 114):

Ուր սուր ծերպերով ահեղ ցիր ու ցան,
Լեռներն են բազմած բնության արձան,
Ուր մութ ամպեր են գունդագունդ դինվում,
Փայլակ կայծակով իրար հետ կովում՝
Զարնելով միմյանց երկիր ու եթեր,
Թոշկոտում են հուր կայծակի շանթեր,
Խաղում են, գոռում ճայթյուն որոտով,
Ծեծում լեռներին, ծաղրում կարկուտով,—
Այնտեղ զիշերվա խավարի միջին
Մի խարույկ վառվեց կալվարի լանջին.
Զորերի քաջեր որսի են եկել,
Կրակի շուրջը կարգով նստոտել.
Ոմանք շտկում են շողշողուն զենքեր,
Կարմիր բոցերից փայլում են դեմքեր,
Ոմանք խորովում եղնիկ կամ վարագ
Երկար ձողերը շեղներին շարած,—
Եվ լուռ նստոտած յափնջի տակին
Շարունակ լարված լսում են մեկին (ՎՄՂ, 38):

Պարբերութի երկրորդ մասը առաջինի հետ կարակցվում է շաղկապներով, շաղկապակին ու ընդհանուրացնող բառերով և կամ առանց դրանց: Շաղկապներով կառակցվող մասերը առաւերնապես հեշտությամբ դատվում են միշտուցից. օրինակ՝

Հրաշը սիրում էր եղբորը, եղբայրը նրա օրորոցն էր օրորել, տարել էր պարտեղները ման էր ածել, պատանեկության իր պատասխանառվությամբ նրան այդիներ էր տարել, դասն էր սովորեցրել, փողոցի թշնամի տղաներից պաշտպանել, ինչ որ տնից թոցքել էր, նրան էր տվել, նրա համար թոռոցիկ էր շինել, լողալ էր սովորեցրել, — բայց Վերոնիկայի մազի մի թելը մոռացրեց այդ բոլորը և հանկարծ մի օր Հրաշը դադարեց Վահրամի հետ խռանելուց (ՎԹԵ, 79):

Ես լուռ կթաղեմ իմ ցավը միակ,
Զվարթ կժպտամ բախտավորի պես,
Երբեք շեմ բանա սրտիս մութը փակ,
Երբեք շեմ հայտնի իմ տանջանքը քեզ, —
Որ պայծառ ժպտաս կյանքի երեսին,
Որ ոչ մի տրտունջ սիրտդ շնուզի,
Որ շմտորես իմ ցավի մասին,
Որ քո թունավոր խոսքը շկասե (ՎՏԵ, I, 22):

Երկրորդ մասը կարող է առաջին մասի հետ կապակցվել առանց շաղկապի. այս դեպքում մասերի տարրերման համար հիմք են ծառայում քերականական կառուցվածքի զանազանությունը, բարձրացող և իջնող հնչերանգները, իմաստային հակադրությունը, զուզադրությունը, փոփոխությունը. օրինակ՝

Աստղ ու նկար շորեր հագած՝ դեմս ելար երազի պես,
Էշխող կրակ սիրտս էրեց անհասնելի մուրազի պես,
Անուշ հոտով սիրտս լցրիր վարդաստանի, Շիրազի պես, —
Ինչ էլ ըլի էշխող, զյողալ, երզս ուրախ պիտի ասեմ
(ԵԶԲԵ, 159):

Երած խորված ման իմ զալի, մե տիղ չը կա մար ունենամ
Լեզվով շիմ կանացի ասի, թեղուղ խոսկըս փար ունենամ.
Ափսուսալու հազար ափսուս, յիս էս դադա դար ունենամ, —
Էշխեն ուշի ու միտելս կապած, ինձ ջըրի տարած զիտենար
(ՄԵ, 75):

Երկրորդ մասը առաջինի հետ կապակցվում է նաև միջնորդական կապերով, այսինքն՝ առաջին մասի որևէ անդամ կամ հատած կրկնվում է երկրորդ մասի սկզբում և դառնում է երկու մասերի կապակցման միջնորդ: Սա տարբերվում է օղակաձև կառուցվածքից նրանով, որ վերցվում է ոչ թե սկզբի անդամը, այլ առաջին մասի որևէ անդամ կամ հատած, որ տվյալ գեղքում էական է առաջին մասի և թե մասերի ամբողջացման տեսանկյունից. օրինակ՝

Իրիկնալույսին ծիրանի ծովուն մեջ կղզիացած արտասվող ուսիներու շուրջին տակ, հովիտիին խորը, ահավասիկ իմ երգս, արոտներուն շունչովը լեցուն. ահավասիկ իմ երգս, ավելի անուխին ու ռեհանին խունկովը օծուն. ահավասիկ իմ երգս, հնձված արտերուն ու հերկված հողերուն բույրովը, արևեփ խաղողներուն ու մեղրացած թուղերուն անուշույքովը ակաղձուն, — իմ երգս՝ իղձի մը, արցունքի մը պես պարզ ու վճիռ, որ իրիկվան ոսկի հրեշտակին հետ թև առած կը թոշի սարերն ի վեր, կապույտն ի վեր (**ՍՄԵԺ 211**):

Մինչև այստեղ մենք խոսեցինք բարձրացող հնչերանդ ունեցող պարբերույթի մասին, այսինքն՝ այն պարբերույթի մասին, որի թվարկվող անդամները իրենց բարձրացող հնչերանդով գտնվում են առաջին մասում, իսկ երկրորդ մասը միայն իջնող հնչերանդ ունի:

Սակայն լինում են նաև այնպիսի պարբերույթներ, որոնց թվարկվող անդամները իրենց բարձրացող հնչերանդով տեղադրվում են երկրորդ մասում: Այս դեպքում առաջին մասում կարող է լինել մի զլխավոր նախադասություն, իսկ երկրորդ մասը երկրորդական նույնասեռ նախադասությունների շարք, որոնք թվարկվում են բարձրացող հնչերանդով. օրինակ՝

Եվ այդ պիտի անե ոչ թե նրա համար, որ հանդիսավոր խոստացել է ընկեր ուսանողներին, ոչ, այլ (պիտի անե) որովհետեւ ինքն այդ կամենում է սրտանց, որովհետեւ ամեն անդամ երբ խոսք է եղել այդ ազգակիցների մասին, յուր սիրտը թունդ է առել և թոել դեպի նրանց, որովհետեւ ինքը միշտ

մի առանձին սեր, մի թաքուն գորով է տածել դեպի այդ հեռավոր եղբայրները։ Կամ հետևյալ օրինակները. Եվ թեպետ անձամբ չէ տեսել նրանց, քայց միշտ լսել ու կարդացել է, թե բարի մարդիկ են, աղնիվ և աշխատասեր, թե սեփական շահի համար ոչ ոքի չեն վնասում, այլ ապրում են իրենց ճակատի արդար քրտինքով։ Ոչ ոք այլևս չեր մտածում։ Թե շահը դեռևս հյուր է Ազուլիսում, թե ամեն ոք պարտավոր է լուսավորել յուր տունը, կտուրն ու սարավույթը, թե պետք է բակերում խարույկներ բորբոքել և ընկեր, հարևան դրանց շուրջը ժողոված մինչև կես գիշեր խրախություններ անել։ Թե ժողովուրդը խմբերով փողոցները պիտի պտտեր և փողերով, թմբուկներով օդը թնդացներ, թե միով բանիվ ամեն ոք պարտավոր էր մասնակցել որևէ հրապարակական զվարճության (տե՛ս Մուշացան, V, էջ 13, 303):

Բերված օրինակներից առաջինը ունի պատճառի թվարկվող երկրորդական նախադասություններ, իսկ երկրորդը և երրորդը ունեն իննդիր նախադասություններ։ Վերջին օրինակը լիովին բավարարում է պարբերույթի պահանջները, որովհետև թվարկվող շարքի վերջին անդամը ընդհանրացնում և փակում է թվարկվող շարքը։

Համեմատիր նաև հետևյալ օրինակը, որ գլխավոր նախադասությանը հաջորդում է ժամանակի երկրորդական նախադասության շարքը։

Ինձ թաղեք, երբ տխուր մթնաշաղն է իջնում,
Երբ լուս են օրվա աղմուկները զվարթ,
Երբ շողերն են մեռնում, ծաղիկները՝ ննջում,
Երբ մթնում կորչում են լեռ ու արտ (ՎՃԵԺ, I, 18):

Առաջին մասում կարող է լինել մի համադասական նախադասություն, իսկ երկրորդ մասը նույնպիսի նախադասությունների թվարկվող շարք. օրինակ՝

Համաշխարհային աղետալի պատերազմի ընթացքում շատ տոներ եկան ու անցան շտոնված, — քայց էս մի տոնը պետք է տոնի ամբողջ կուլտուրական աշխարհը պահետք է տո-

նեն և պատերազմից հեռու կանգնած ժողովուրդներն իրենց խաղաղ քաղաքներում, և կովող ազգերը իրենց խրամատներում, և անգլիացին, որ Շեքսպիր է ծնել, և գերմանացին, որ Շեքսպիր է սիրել ու որդեգրել, և ուսը, և ֆրանսիացին և իտալացին, և ավստրոհունգարացին, ամենքը, ամենքը մինչև ուր հասել է Դոնքիշոտի աղնիվ խելառության համբավը, մինչև ուր հասնում է Շեքսպիրի աստվածային բոնակալությունը, որ մարդկային հոգին աղատագրելով ամեն տեսակ բոնակալություններից՝ միայն ստեղծագործական ոգու իշխանությանն է ենթարկում (ՀԹԵԺ, IV, 333—334):

Եվ չէ՞ որ գրական հոբելյաններին չեն գալիս տնհաջող գործերն ու սխալները թմկահարելու, — այլ հանդես դնելու այն, ինչ որ թանկ է մի ժողովրդի համար, այն, ինչ որ մի հեղինակ ավելացրել է իր մայրենի գրականությանը, այն ընչի համար որ գալիս են նրան պսակելու (նույն տեղում, 172):

Որ բաժանվեցավ ու աղոթարանը բաց էլավ, — քանաքըոցիք քնից վեր կացան, տան երթիկները բաց արին, երեսները լվացին, մեկ երկու խաչ հանեցին, բարի լիս ասացին իրար, երեխնքը ծածկեցին ու ամեն մարդ սկսեց գնալ իր բանը (ԽԱՎՀ, 10):

Այս կարգի պարբերույթները, որ սակավ ին և առանձնապես չեն նշվում, ունեն այլ տիպի հնչերանգ. առաջին մասը եթե բաղմանդամ չէ, արտաբերվում է իշնող հնչերանգով, իսկ երկրորդ մասը թվարկվում է մինչև վերջին եղբափակող անդամը բարձրացումով. եղբափակող անդամը արտաբերվում է թեթև իշնող և փակող հնչերանգով: Պետք է շեշտել նաև, որ եթե թվարկումը չի ընդհանրացվում կամ փակվում որևէ ձեռվ, այդպիսի կառուցվածքները պարբերույթ չեն, որովհետև պարբերույթի հիմնական պայմաններից մեկն էլ փակվածությունը՝ ավարտունությունն է: Երբ թվարկումը վերցում առկախ և բաց է մնում, այսինքն՝ որևէ ձեռվ չի մատնանշվում թվարկվող շարքի տվարտը, բարձրացող հնչերանգը կարվում է առանց իշեցման և արտահայտությունը մնում է անավարտ, չի կլորացվում, ուստի և պարբերույթ չի

Կազմում, թվարկվող շարքի ավարտուն լինելը նշվում է ոչ միայն ընդհանրացնող, եղրափակող բառերով, այլև շաղկապներով ու բովանդակությամբ։ Վերևում բերված Մուրացանի օրինակը ընդհանրացվում է միուլ բանիվ կապակցությամբ, Թումանյանինը ամենքը, ամենինը ընդհանրացնող կրկնությամբ, իսկ Աբովյանի օրինակի մեջ վերջին անդամը հարակցվում է ու շաղկապով։

Եատ ուսումնասիրողներ այս կարգի պարբերույթները համարում են պարբերույթային կառուցվածք։ ընդ որում եթե վերջին մասի թվարկվող անդամները այս կամ այն ձևով չեն մատնանշում ավարտը, կոչվում են բաց պարբերույթային կառուցվածք։ Նշելով նաև այս կարգի կառուցվածքներից շատերի պարբերույթային կազմությունը, մենք նույնպես հակված ենք կարծելու, որ պարբերույթի բաղմանդամության ծանրության կենտրոնը վերջ ի վերջո ընկնում է առաջին մասի վրա և բուն պարբերույթները բնութագրվում ու պայմանավորվում են այդ առաջին մասի բաղադրականությամբ։ Երկրորդ մասի միավորականությունը, կառուցիկ համաշափությունը, անդամների ներդաշնակ ու կշռույթավոր թվարկումը էական շեն պարբերույթի համար։ Երկրորդ մասը էտկան է այնքանով, որքանով այն ընդհանրացնում, եղրափակում ու փակում է առաջին մասի թվարկվող շարքը միանգամայն այլ քերականական կառուցվածքով ու հնչերանգով։ Առաջին մասը հարում է երկրորդ մասին խմաստով, քերականորեն և հնչերանգով, այդպիսով ստացվում է մի ավարտուն ամբողջականություն։ Երբեմն այնպես է պատահում, որ առաջին մասի թվարկվող շարքը ամբողջացվում , է՝ երկրորդ մասի թվարկվող շարքով, որով առաջանում է՝ մասերի հակադիր համամասնություն։ այսպիսի կառուցվածքը աչքի է ընկնում իր շափակցությամբ, կշռույթային դուգահեռուկանությամբ, ուստի զուտ հնչերանգային ու ոճաբանական արժեք ունի. քերականական տեսանկյունով դա պարբերույթի մեջ է ան փոփոխություն չի առաջացնում։ Համեմատիր հետայալ օրինակները.

Սարերի սառը բուքը, ձորերի դառնաշունչ քամին՝ էնպիս-էր՝ մեյդան բաց արել՝ փոռում, փշում, հոսան անում, ձնի թեփը իրար դլխով տալիս, — որ ճամփորթի քիթ ու պոռունգը կալցնում, ճաքացնում, երեսը պատում, գլխին, երեսին հա-ղար անդամ խփում, աշք ու բերանը լցնում, շատին կամ ձորերն էր քցում, խեղդում, կամ ձնումը թաղում, շունչը կտրում, կամ ոտ ու գլուխ փետացրած՝ ճամփից խոկում, սար ու շոլ դցում, խեղդում կամ քարեքար տալիս (ԽԱՎՀ, 10):

Այս օրինակի մեջ առաջին մասը լրիվ բավարարում է պարբերույթի պահանջները. հինգանդամանի է և կտզմված միավորյալ նախադասություններից, որոնք գլխավոր են. իսկ երկրորդ մասը հետեւանքի երկրորդական միտվորյալ բաղ-մանդամ նախադասությունների մի մեծ շարք է: Համամաս-նությունը լրիվ չի պահպանված, որովհետև երկրորդ մասը քանակով գերազանցում է: Հետեւյալ օրինակի մեջ մասերը լրիվ շափակից են և կապված են բայց շաղկապով:

Ծառի ճիւղն որ շոր լինի, ո՞վ մնայ թէ իսկի ծաղկի,
Սպիտակ մազն որ սև ներկեն, ո՞վ ասէ թէ իսկի թափի, —
Բայց մարդ մեղավոր ու սև դիտեմ, որ կու սպիտակի,
Աստուած մեկ բանիկ կուզէ, որ «մեղայ» ասէ ու քափի
(Հ. Երզնկացի, 150):

Համեմատիր այս քառատողի հետ Ռ. Պատկանյանի «Հա-յերուս թուքը» բանաստեղծությունը, որի յուրաքանչյուր տու-նը գրեթե երկանդամանի պարբերույթ է՝ շափակից մասերով-օրինակ՝

Դոմ խելոք, հաշվով վաճառական ես,
Մյուլք, փող ու ապրանք, կասեն, շատ ոմես, —
Բայց թե փողեղ շահ շունի Հայաստան,
Թքել ենք քու ալ, փողիդ ալ վրան:
Քաջ ես, լսել ենք, ինքդ մեծավոր,
Անուն հաղթողի ունիս փառավոր, —

Բայց թե թրեղ շահ չունի Հայաստան,
Թքել ևնք քու ալ, թրիդ ալ վրան (ՌՊԵ, 151):

Ութ ամբողջ տներ այսպիսի հակադրական ու շափակից
պարբերույթներով են գրված: Համեմատիր վերը բերված բա-
նաստեղծության հետ նաև նույն հեղինակի «Օրորոցի երդ»
բանաստեղծությունը.

Արի, իմ սոխակ, թող պարտեզ մերին,
Տաղերով քուն բեր տղիս աշերին,—
Բայց նա լալիս է. դու սոխակ, մի դալ,
Իմ որդին զուղէ տիրացու դառնալ

(Նույն տեղում, 184):

Ուրեմն՝ պարբերույթը շարահյուսական այնպիսի ամբող-
ջական միավոր է, որը կազմված է հրկու հակադիր մասերից,
իսկ այս մասերը քերականորեն, տրամաբանորեն և հնչերան-
գով սերտորեն կապակցվում են միմյանց և կտզմում են մի
միասնություն: Ծնորհիվ քերականական, տրամաբանական և
հնչերանգային միասնական կապերի պարբերույթը հեշտու-
թյամբ ընկալվում է ընթերցողի կողմից իր առանձին մասե-
րով, անդամներով ու հատածներով իբրև շարահյուսական
վերջացած ու փակված ամբողջություն: Այս ամբողջությունը
ունի այն բոլոր հատկանիշները, որոնք հատուկ են սովորա-
կան նախադասություններին, սակայն պարբերույթը նախա-
դասությանը հատուկ այդ հատկանիշներից բացի ունի իր
սեփական յուրահատկությունները, որոնք ոչ մի նախադա-
սություն չունի: Այդ հատկանիշներն են՝ անդամահատման
միանմանությունը, քերականական կառուցվածքի սերտ
միասնությունը, շարահյուսական փակ կառուցվածքը, հնչե-
րանգային ձևավորվածությունը, հատկապես առաջին մասի
բաղադրականությունը և այդ բաղադրիշների քերականական
համասեռությունը, դրանց հնչերանգային աստիճանական
բարձրացումը, շարադասման որոշ կայունությունը, ապա
առաջին մասին հաջորդող դադարը և երկրորդ մասի եղրա-
փակումն ու իջնող հնչերանգը:

Այս հատկանիշները պարբերույթը դարձնում են բովանդակությամբ մի վերջացած, ավարտուն արտահայտություն, ուր տրվում են փաստարկները և դրանց հիմնավորումը, որով ստացվում է նշված իմաստային միասնությունը։ Մասնակի առանձին մտքերը թվարկվում են իրեն համասեռ, միմյանց հետ կապված մտքեր համապատասխան ու ներդաշնակ ձևավորումներով, որոնք ներքին կապերով շղթայվում են գլխավոր մտքին և ենթարկվելով նրան՝ միասնաբար կազմում են բազմազան մտքերի մի ամբողջություն, մինչդեռ սրան հակադիր կտրտված խոսքը բազմազան մտքերը հաղորդում է միմյանցից անկախ, առանձին-առանձին, առանց ներքին տրամաբանական կապերի, միասնական հնչերանգի։

Արդ՝ այս ամենից հետո եթե սահմանենք, դուրս կդա, որ պարբերույթը է կոչվում այն բարդ կամ բարդացված ու ծավալուն ամբողջական արտահայտությունը, որ բնուրագրվում է հնչերանգային երկու հակադիր մասերով, մասերից մեկի (հատկապես առաջին) համասեռ անդամների բազմազանությամբ, սրանց շարադասման որոշ կայունությամբ, կշռույթային կանոնավորությամբ, ներդաշնակ թվարկումով, արտաքերման անընդհատ լարված ու բարձրացող հնչերանգով և սպա դադարով, որի հաջորդող երկրորդ մասը անկախ իւ անդամների ժանակից իշնող հնչերանգով եզրափակում և ժերականական, տրամաբանական ու հնչերանգային մի միասնության է վերածում հաղորդումը։

ՊԱՐՔԵՐՈՒՅԹԻ ԴԱՍԱԿԱՐԳՈՒՄԸ

Կան պարբերույթի դասակարգման մի քանի եղանակներ։ Զանազան ուսումնասիրողներ տարբեր մոտեցում են հանդես բերել պարբերույթի դասակարգման հարցը քննելիս. այդ մոտեցումների տարբերությունները արդյունք են մի կողմից առանձին ուսումնասիրողների այլեայլ ըմբռնումների, մյուս կողմից ուսումնասիրվող նյութի բաղմածեության ու բարդության։ Ոմանք պարբերույթը դիտում են իրեն զուտ տրամաբանական համակարգ և ըստ այդմ դասակարգում են՝ հաշվի առնելով նրա բովանդակությունը. իսկ ոմանք ուշադրություն են դարձնում նրա կառուցվածքի ձեական առանձնահատկությունների վրա և դասակարգում են ըստ այդ ձեական զանազանակերպությունների։ Հստ իմաստային հարաբերությունների դրսնորման պարբերույթները դասակարգվել են երկու խմբի։

1. Ընդհանրացվող պարբերույթներ և պարբերույթային կազմություններ։

2. Աշ-ընդհանրացվող պարբերույթներ և այդպիսի պարբերույթային կազմություններ։

Ընդհանրացվող պարբերույթների երկո՛ւ մասերի միջնառաջանում են ընդհանրացման հարաբերություններ. ըստ այդմ պարբերույթի առաջին մասում տրվում են թվարկվող փաստարկներ, առարկաներ, երևույթներ, իսկ երկրորդ մասը դասում է այդ առանձին թվարկվող երեսույթների ընդհանրացում. օրինակ՝

Առավոտից լսվող առանձին ձայներ, և մի անհանգիստ շան հաշոց, քաղաք մտնող նախիրի բառաշը, կքարավանների զողանչը, ֆերսես բեյի հաղը՝ խանութների բացվող դռների աղմուկը, վերչապես այն ձայները, որ հետզհետե բարձրանում են դարբնոցներից և թիթեղագործների արհեստանոցներից, Այդ ամենը դեռևս անախորժ աղմուկ են, նման այն աղմուկին, որ արձակում է նվազախումբը վարագույրից առաջ (ԱԲԵ, 328): Այս տիպի պարբերույթը կոչվում է իսկական ընդհանրացվող պարբերույթ: Իսկ այն պարբերույթները, որոնց երկու մասերի միջև առաջանում են ժամանակային, հակադրական, որոշիչային, զիջական, բաղդատության և այս կարգի այլ հարաբերություններ, կոչվում են ոչ-ընդհանրացվող կամ ավելի ճիշտ անհսկական ընդհանրացվող պարբերույթներ, որովհետև վերջի վերջո անուղղակի կերպով այստեղ ևս ընդհանրացումը առկա է իրրե ավարտվածության, ամփոփման արտահայտություն:

Այսպիսի ընդհանուր դասակարգումով շի կարելի բավարպել, որովհետև եթե առաջին տիպը այս կամ այն շափով կարելի է ընդունել իրրե մի համակարգի արտահայտություն, երկրորդը արդեն այդպես չէ. այնտեղ գործում են բազմազան հարաբերություններ և դրանք բոլորը մի ցուցանիշի տակ շի կարելի դնել: Ենելով հենց այդ անպատեհությունից՝ այդպիսի դասակարգման հեղինակները առաջարկում են վերջին տիպի համար նոր դասակարգում, այսինքն՝ ժամանակի, սկատճառի, զուգադրության, հակադրության և այլ պարբերույթներ: Ճիշտ է, ըստ իմաստների այդպիսի դասակարգումը որևէ ելք նշում է, սակայն շպետք է մոռանաք, որ պարբերույթը միայն բովանդակություն չէ, այն նաև ձեւ է, որը տվյալ դեպքում ուսումնասիրության համար նույնքան նշանակություն ունի, որքան բովանդակությունը: Ելակետ ունենալով հենց այս հանգամանքը՝ պետք է այս վերջին տիպի դասակարգման մեջ նշենք նաև ձևական սահմանանիշներ, որոնք անխուսափելիորեն կանգնում են ուսումնասիրողի առջև:

Նկատի առնելով հենց այս ձևական կարելոր հանգաման-

քը կատարված է դասակարգման նաև հետեւյալ հինգ տիպը:
Առաջին տիպի մեջ մտնում են այն պարբերույթները, որոնց
առաջին մասը կազմված է միասեռ երկրորդական նախադա-
սություններից, իսկ երկրորդ եղբափակող մասը գլխավոր
նախադասություն է. այս տիպը իր կառուցվածքով նմանվում
է բարդ ստորադասական նախադասության, միայն այն տար-
բերությամբ, որ պարբերույթի պահանջով երկրորդական նա-
խադասությունները մեկից ավելի են. օրինակ՝

Դնայած նիհար, ուկրոտ ու տկար մարմինը հենել էր դա-
հի թիկնակին շնայած մաշված մագաղաթյա դիմքն արտա-
հայտում էր մեծ հոգնածություն, բայց նրա սև ու տակավին
խոշոր աշքերը վառվում էին առանձին հրով. միշտ հետա-
քըրքիր ու լարված (ՍԶՊԹ, 315).

Այս ընդհանուր տիպի տակ իբրև ենթատեսակ նկատի են
առնվում տեղի, ժամանակի, պայմանի, վիճական, բաղդա-
տական և այլ պարբերույթներ:

Երկրորդ տիպի տակ դրվում են այնպիսի պարբերույթ-
ները, որոնց առաջին մասը կազմված է գլխավոր նախադա-
սությունների շարքից, իսկ երկրորդ եղբափակող մասը երկ-
րորդական նախադասություն է. օրինակ՝

Եւ արդ զի՞նչ գործեսցես, անձն իմ կորուսեալ, կամ ո՞ւր
թաքիցես, կամ զիարդ ապրեսցիս, կամ որպէս հլցես ի մեղաց
բանտէ, քանզի բազում են պարտիքդ և անթիւ հատուց-
մունքն (ԳՆՄՌ, 8):

Այս ընդհանուր տեսակի մեջ առնվում են որոշիչ, հետե-
վանքի, պատճառի, նպատակի և այնպիսի՝ պարբերույթները,
որոնց գլխավոր նախադասությունների շարքը առաջադաս է:

Ինչպես տեսնում ենք, փաստորեն դասակարգման հիմ-
քում ընկած է շարադասության տարբերությունը, մի հանգա-
մանք, որ շատ խախուտ է, որովհետև թի առաջին տիպի
մեջ կիրառվող երկրորդական նախադասությունները և թի երկ-
րորդ տիպի գլխավորները նույնպես կարող են ետադաս կի-
րառվել:

Այս նույն դասակարգման երրորդ խմբի մեջ մտնում են համադասական պարբերույթները, որոնք լինում են հակադրական, զուղադրական, տրոհական և այլն. օրինակ՝ Անցան մի քանի ժամեր՝ օրհասական կոփիվն ու հուսահատ ընդդիմությունը վերջացավ, ամրոցն ամբողջապիս ողողվեցավ արյունով, միողոցներն ու տները լցվեցան դիտկներով, սրբան զորք ու ժողովուրդ կար ամրոցում, ամենքը գրթե նահատակվեցան Արայց կրկին շափով հագարացիներ ջնջվեցան, որովհետև ամեն մի հայ զինվոր մեռնելուց առաջ սատակում էր մի քանիսին (ՄԳՄ, 245):

Զորրորդ տիպը կազմում են այնպիսի պարբերույթներ, որոնց առաջին մասը միասեռ սնդամներից է բաղկացած, իսկ երկրորդ եղբափակող մասը սկսվում է ընդհանրացնող մի բառով կամ արտահայտությամբ և այսպիսով ավարտվում և ամբողջանում է պարբերույթը։ Այդպիսի պարբերույթը կոչվում է ընդհանրացվող և նույնպես ըստ առաջին մասի անդամների բնույթի բազմազան է. օրինակ՝

Ձ Ձրվորների,
Սարվորների ուրախ կանչը,
Չ Առվի հիմար բլրոցը,
Ճ Ճրագների պլալոցը,
Հ Հովի հունչը,
Թ Թոնրի շունչը,
Մ Մերժված սրտի խուլ մրմունջը,
Յ Յրազների ու ծաղկունքի փսփսուկը,
Հ Հղբասացի կոծն ու սուզը, Արտասուքը,

Ո Ո ծնվելով վառ ցավի մեջ՝
Դուրս չի պոռթկում,
Ա Ա կաթում է սրտի խորքում,
Ի Ի նշպես մթին անձավի մեջ,
Յ Յ Ել այդ ահեղ կաթկթոցը
Մ Մ ինչև անզամ քար է ծակում,

Դկեսշոր ու թաց փայտի նման
Վառվող հույսի ճթճթոցը,
Որ վառ ցրտի դեմ-հանդիման
Ինչքան շինի դուռ է փակում.

10 Չարաճճի քամու առաջ
Տերեների սրսփումը՝
Աշնան վառած անհուր բոցում.

11 Նոր մայրացած ստինքների
Միմյանց հետ լուռ շփումը՝
Այգու նման բուրող ծոցում.

12 Զրի ճամփին. աղջիկների քշփլոցը,
13 Մինուճարին հեռու ճամփող
Մոր խելազար պաշազլոցը,

14 Տաք հնձանի կպշուն դռան
Ճիլ ճռինչը,

15 Անգղ տեսած թուխսի սարսափին ու կոխնչը,
16 Նորածինի աղդարարիշ—հրամայող բարտկ

ճիշը,—

Ամեն, ամեն, ամեն ինչը
Ալիք տալիս,
Գալիս-գալիս

Ծովանում էր այդ ականջում (ՊՍԱԶ, 61—62):

Հինդերորդ խմբի մեջ են դրվում այնպիսի պարբերույթները, որոնց առաջին մասը բարդ կամ բարդացված նախադասություն է, որ զուգահեռ կամ համասեռ անդամներից չի կազմված. այսպիսի կազմությունը շատերը իսկական պարբերույթ չեն համարում, այլ կոչուած են պարբերույթոյին կտուցիածք. օրինակ՝

Եվ ահա ուրախության, խրախնանքի, ճակատամարտներու և հաղթանակներու հպարտ հիշողության ժամուն, այն պահուն, և երբ ժողովրդական խաղերու և նվազածության աղմուկը կբարձրանար արքային պալատին առջև, իւր անհամար և այլաղան մանկլավիկներ կցատկտեին, յըմբիշներ կգոտե-

մարտեին, զինվորականներ մարդանքներ կընեին սպանելու ճարտարության մեջ իրարու հետ մրցելով, թիմուրի մարդոց խելահեղ ցնծության այդ ժամուն հանկարծ աղմուկին ու ժխորին մեջեն ճիշ մը լսվեցավ. սուլթան Պայազիտի հաղթականին ականջին հասալ կնոջ ճիշ մը, ձայն մը ծանոթ ու մտերիմ իր վշտահար հոգիին, որ դառնացած էր մահեն և այդ խել պատճառով խիստ էր մարդոց ու կյանքին հանդեպ (ՌԶՅ, 372):

Ոմանք էլ այս բոլոր պարբերութները բաժանում են երեք մեծ խմբի. առաջին խմբի մեջ դնում են այն պարբերութները, որոնց առաջին մասը կազմված է միասեռ բառակալարություններից, դերբայական դարձվածներից, իսկ երկրորդ մասը եղբափակող, ընդհանրացնող, ամփոփոխ մի նախադասություն է. օրինակ՝

Անձրեկ անընդհատ տեղալը՝ սառն ու խոնավ ցուրտը,
մառախլապատ եղանակի երկարելը, յօրերի ճանձրալի միօրինակությունը, այս ամենը առանձին-առանձին ազդում են մարդու տրամադրության վրա և զրկում նրան աշխատունակությունից:

Երկրորդ խումբը կազմվում է միասեռ համադասական նախադասություններից՝ տարբեր բնույթի կասլակցություններով ու հարաբերություններով, իսկ երրորդ խումբը երկրորդական ու գլխավոր նախադասություններից է բաղկանում, ըստ որում թե երկրորդականների շարքը կարող է պարբերութի առաջին մասը կազմել, թե գլխավորների:

Հստ ձեական առանձնահատկության պարբերութների մի այլ դասակարգում ելակետ է ընդունում նրա ծավալը: Առասարակ պարբերութը շի կարող համառոտ լինել, բայց ըստ իրենց ծավալի պարբերութները զանազանվում են. պատահում են պարզ բաղկացուցիչ անդամներով և կամ խիստ բարդ: Հստ այսմ նկատվում է պարբերութների երկու խումբ՝ բարդացված և ոչ բարդացված:

Բարդացված պարբերութի մասերը կամ առաջին մասի անդամները ունենում են լրացուցիչ բեռնվածություն, որ կա-

բող են լինել լրացուցիչ երկրորդական նախադասություններ, դերբայական դարձվածային լրացումներ, կամ ամբողջ մասը լինում է բարդ նախադասություն և այլն։ Երբեմն այդպիսի պարբերույթների հենց այդ լրացուցիչ անդամներն իրենց զուգահեռներով թվարկվում են և ստվերի մեջ թողնելով լրացվող անդամները, կարծեք հենց իրենք են դառնում պարբերույթի հենարանը՝ ընթերցողի ուշադրությունը հրավիրելով իրենց վրա, և այնպես են ծավալվում, որ բոնում են ամբողջ պարբերույթյուններ. օրինակ՝

Դուք կարող եք ազնիվ ու գեղեցիկ անվանել ձեր մեջքի շափազանց բարակությունը և էդ գեղեցկության համար միշտ տառապել ձեր շոր կորսետների մեջ սեղմված, գեղեցիկ ու ազնիվ համարել ձեր բարձր կրոմկներն ու դողդողալ նրա վրա, գեղեցիկ ու ազնիվ համարել ձեր խեղդուկ ու փակ սալոնները, ձեր դեմքի դալկությունն ու արենպակասությունը, ձեր շինծու լեզուն, որ լեզու է կոչվում միայն էն պատճառով, որ բառեր տամի իր մեջ, այսինքն՝ ամենաքիշը ինչ որ կարող է ունենալ լիզուն, և բառերի մի շարան էմի տեր ողորմյա, ու էն էլ հաճախ սուտ ու սխալ բառերի, բայց ազնիվն ու գեղեցիկը ընդարձակ տարածությունն է, ազնիվն ու գեղեցիկը աղատ, մաքուր օդն է, ազնիվն ու գեղեցիկը առողջությունն է, կայտառ, էլաստիկ ու պլաստիկ ձևերն են, ազատ զարգացած մարմինն է, ազնիվն ու գեղեցիկը կենդանի ժողովրդի կենդանի լեզուն է, որ հազար ու մի ոճերով ու ձևերով է խոսում, որ հաղարավոր տարիների ընթացքում հավաքել է հազարավոր գանձարաններից ու պահել, զարգացրել, ճոխացրել, գեղեցկացրել, որ ամբողջովին հոգի է ու հոգեբանություն, պատկեր ու (տրամադրություն), շունչ է ու զգացմունք (ՀԹԵԺ, 6-րդ, 167):

Իսկ ոչ-բարդացված պարբերույթը զերծ է այդպիսի ծավալումից և լրացուցիչ անդամների խճողումից. օրինակ՝

Սխում էր Դվինը, ծխում էր Արտաշատը, ծխում էր Էջմիածնի վանքը, և թանձր ծուխը նսեմացնում էր Արարատյան դաշտի լուսապայծառ գեղեցկությունը (ԲԵԺ, 7-րդ, 439):

Դասակարգման իմաստային և ձեւական վերոհիշյալ մոտեցումները չի կարելի հաշվի շառնել, ինչպես ցույց են տալիս բերված փաստերը, դրանք այս կամ այն շափով ամուր հենարան ունեն պարբերութիւն բաղմածնության ու նրա բովանդակության մեջ։ Վերջի վերջո ինչ էլ որ լինի պարբերութը, քերականական համակարգ է և իր կառուցվածքով մոտենում է նախադասության։ Մեր մոտեցումը դասակարգման հարցում ելակետ պետք է ունենա նախադասության դասակարգումը, մի բան, որ իր մեջ ներառնում է-թե՛ ձեւական և թե իմաստային առնչություններն ու կապերը։ Մենք շենք կարող բավարարվել միայն մի մոտեցումով, մի մոտեցումը չի կարող սպառել պարբերութիւն բարդ ու բազմազան ձեւական, իմաստային կապակցություններն ու դրսեռոված հարաբերությունները։ Պետք է ընդունենք դասակարգման տարբեր ելակետներ և ըստ այդմ ուսումնասիրենք նյութը, որպեսզի դասակարգման մեջ լրիվ դրսեռովեն պարբերութիւն բոլոր տեսակներն ու կապակցման ձևերը, իմաստային առնչություններն ու հարաբերությունները։

Պարբերութիւն դասակարգումը կատարում ենք ըստ եղանակավորման, ըստ կառուցվածքի, ըստ քերականական կապակցության, ըստ ոճավորման և փամաստի։

Ըստ եղանակավորման պարբերությները լինում են՝ պատմողական, հարցական, բացականշական։

Պարբերությները հիմնականում պատմողական բնույթի արտահայտություններ են, որովհետեւ պարբերությները մեզ շրջապատող իրականության որևէ երեսույթի, առարկայի մասին հաղորդում են քերականորեն և իմաստով միմյանց հետ շատ սերտ առնչվող մտքերի ամբողջություն, ուր հաստատվում կամ ժխտվում են խոսողին ու գրողին հայտնի փաստերն ու փաստարկումները. օրինակ՝

Գեր ձիերը, նրանց նոր սարքը, արծաթ կոճակները, որ շարված էին սարքի կաշիների վրա, ձիերի վզից կախած գունավոր փնջերն ու զանգուլակները, որ ավելի զորեղ էին հնչում, երբ ձիերը ուժ էին անում ֆուրդոնը քաշելու, զվերջա-

պես ֆուրդոնների տեսքը, նրանց վրա դարսած իրերը, որոնք ֆուրդոնի նման նոր էին՝ առաջից գնացող ձիավորները, — այս ամենը մայիսյան արևի տակ փայլվում էին, շլացնում և հաղթական երթի նմանություն տալիս (ԱԲԵ, 516).

Պարբերույթի ծավալունությունը, երկմասնյա բնույթը, հնչերանգային յուրահատուկ ձևավորվածությունը սկզբ է բացառեին հարցական պարբերույթի գոյությունը, և իսկապես էլ հենց այդպես է։ Հարցականությունը պարբերույթի համար իրական հարց ու պատասխանի բնույթ չունի, այն զուտ ձևական է և ըստ էության ճարտասանական արժեք ունի։ Խոսքը ասվում է ոչ թե պատասխան ստանալու համար, այլ պարզապես դա մի հաղորդում է իրեւ իրողության հոստատում, կամ ժխտում, որ խոսողը կամ գրողը օժտում է հարցական հնչերանգով, որպեսզի իր խոսքը ոճաբանորին աշխույժ, կենդանի բնավորություն ստանա և ըստ էության հուզիչ ու արտահայտիչ դառնա։ Սովորական հարց ու պատասխանը կտրատված, մասնաւում խոսք է, որ հակադիր է պարբերույթի էության, նրա ամբողջականության և հնչերանգային ընդհանուր լարվածության։ իսկ ճարտասանական հարցական խոսքը իսկապես հաղորդում է։ Եթե այն կազմված է համասեռ անդամներից և ունի ամփոփոխ, եղրափակող ավարտուն մաս, ապա այդպիսի կազմությունը իսկական պարբերույթ է. օրինակ՝

1 հնչու տակավին
Զես պատժում շարին,
2 Ույժդ է պակասում,
3 Թե՛ շենք աղերսում.
4 Ինչու շես գալիս,
5 Ուր ես, եթե կաս,
6 Թե՛ դու շես տալիս
Խեղճին պատուհաս.
7 Թե՛ շարագործին
Դու շես տվել սուր,

Որ խաղաղ հոգին
 Սարսափի իզուր.
 8 Թե՞ դու շգիտես,
 Որ այստեղ երկրում
 Մարդը ժպտերես
 Մարդ է գիշատում
 Դե արի ու տես,
 Զարկիր ու շանթիր,
 Եթե աստված ես
 Դու վրեժինդիր (ՀԹԵԺ, 1-ին, 63):

Ճարտասանական հարցական բնույթ ունի նաև այնպիսի
 պարբերույթը, ուր խոսողը կամ գրողը ինքն է գնում հարցե-
 րը և ինքը պատասխանում. օրինակ՝

1 ի՞նչ էր հայ կինը որպես ամուսին՝ ի՞նչ էր նա որպես
 մայր՝ ի՞նչ դեր է խաղում որպես ընտանիքի և հաստրակու-
 թյան անդամ, այդ մենք շգիտենք (ԹԵԺ, 7-րդ, 6):

Ճարտասանական հարցական պարբերույթ է կազմում,
 այսպես կոչված, ժխտական համեմատությունը, հարցակա-
 նով առաջ են բերվում մի շարք իրար հետ կապված մտքեր
 միևնույն քերականական ձեւակերպումով, ապա դրանք
 ժխվում են զուգահեռ հակադիր մտքերով և դարձյալ համա-
 սեռ նախադասություններով. օրինակ՝

1 Էն բարձր ժեռուտ սարի դագաթին բազա՞ է նստած,
 2 Թե՞ էծը վայրի ջղոտ ոտներով է էնտեղ հասած.
 3 Ամպի կտո՞ր է կպել երկնամերձ էղ սարի ծայրին,
 4 Թե՞ ծառ կամ մացառ բանում, աճում են անբնակ վայ-
 րին, —

Ոչ ծառ և ոչ բույս, ոչ հավ թևավոր և ոչ անասուն
 կարող են հասնել ոտով կամ թևով էղ սարի գլխուն.
 Էղ սարի օդեն մենակ մեկ մարդու դոշն է ծծել,
 Էղ սարի գլխուն մենակ մեկ մարդու ոտն է կոխել,—
 Սրբնթաց մաշտի ոտքն էղ սարում ճամփա է բացել,
 Ու Ռաշտի նալը նրա կշտերից կրակ է հանել (ՌՊԵ, 80):

Հաճախ այս տիպի հարցական պարբերույթների նրկրորդ մասը ժխտականով չի տրվում, այլ հարցականով հաղորդումները անուղղակիորեն ժխտվում են դրական այլ կտրդի հաղորդումով, կամ հաղորդումներով, որոնք՝ զուգահեռաբար հակադրվում են նախորդ մասին. օրինակ՝

Արդյոք նորից երազնե՞րն են թափառում,
Սիրո անուշ նվազնե՞րն են ինձ կանչում,—
Դալուկ աշնան տխուր շողերն են մարում:
Սարից իջնող աղբյուրներն են կարկաշում (ՎՏԵԺ,
1-ին, 26):

Փաստորեն առաջին մասի այսպիսի հարցումները ժխտական նշանակություն ունեն, ինչպես որ տիսանք Պատկանյանից բերված օրինակում. Համեմատիր Տերյանի օրինակը հետևյալի հետ, որի առաջին մասը ժխտական է, իսկ բովանդակությամբ բոլորովին չի տարբերվում նախորդ հարցականից:

Դա ոչ թե քամին էր փողոցում շաշում,
եվ ոչ էլ հրթիռը հրդեհում խավարը,—
Իր խմբի տղերանց հետ դա հյուրանոցում
Խմում, աղմկում է խմբալիտ Շավարշը (ԵԶԸԵ,
127):

Կարող է լինել նաև հորդորական պարբերույթ, որ գրեթե նույնն է, ինչ որ հրամայականը: Այսպիսի պարբերույթի մեջ խոսողը դիմում է խոսակցին՝ հորդորելով նրան մի բան անել կամ շանել, տալիս է խորհուրդներ, ցուցմունք, հանձնարարություն և այլն. օրինակ՝

Արի, իմ սոխակ, թող պարտեղ մերին,
Տաղերով քուն բեր տղիս աշքերին,—
Բայց նա լալիս է. դու, սոխակ, մի գալ,
Իմ որդին շուզե տիրացու դառնալ:
Եկ, աբեղածագ, թող արտ ու արոտ,

Օրորեւ տղիս քնի է կարուտ, —
Բայց նա լալիս է. դու, ձագուկ, մի դալ,
Իմ որդին շուզե աբեղա դառնալ (ՌՊԵ (184)):

Հստ անդամների համամասնության պարբերույթը երկու
խմբավորման ենք բաժանում՝ շափակից և անշափակից: Զա-
փակից պարբերույթների մեջ առաջին մասի անդամները կա-
ռուցվում են հավասարաշափության սկզբունքով, ունենում են
կայուն շարադասություն, այսինքն՝ անդամների համապա-
տասխան խոսքի մասերը միևնույն դիրքավորման մեջ են քաշ-
վում, որի սլատճառով առաջին մասի անդամները կազմում
են կանոնավոր կշռույթային շարքեր և հավասար ամանակ:
Պետք է նկատել սակայն, որ անդամների այդպիսի համա-
մասնության ճշտագույն հաշվառում չի պահանջվում: Այդ
կարող է լինել շափածո պարբերույթների մեջ՝ այն էլ ոչ միշտ:
Համեմատիր.

Էյ, զան-հայրենիք, ինչքա՞ն սիրուն ես,
Սարերդ կորած երկնի մովի մեջ՝
Ջրերդ անուշ, հովերդ անուշ,—
Մենակ բալեքդ արուն ծովի մեջ (հսահակյան):

Այս պարբերույթի առաջին մասի անդամների այդպիսի
ճշտագույն հաշվառում չի կատարված, մինչդեռ Զարենցի
հետևյալ քառատող պարբերույթի մեջ առավել զգալի է
առաջին մասի անդամների ներդաշնակ կառուցումը.

ՆԱշխարհը մե բաղ է, դողալ, նստել ես դու բաղի մեջը,
Հկարդ ես բացված առավոտվա դրախտային շաղի մեջը,
Դժամ ես դարձել տեսքով քո սուրբ՝ Հավլաբարի թաղի
մեջը, —
Սրտիս անուշ արտասուքին երկնային շաղ պիտի ասեմ
(ԵԶԸԵ, 159):

Կամ՝

Սիրտը փորումը թուլացավ անդալներու դախ անելեն,
Ռւշկ ու միտկը խառնըվեցավ խուռն-խուռն խաղ
հանելեն,

Աշկեմես ջուհարըն գնաց յարեն կարոտ ախ անելեն, —)
էլ ապրելու ումիկ չունիմ, իմ օրըս կերած գիտենաք
(Մն, 75):

Չափակցությունը ավելի կատարյալ է, երբ պարբերույթի
երկու մասերը միմյանց հավասար են ու ներդաշնակ կառուց-
ված, և երբեմն նույնիսկ այդ տարբեր մասերի անդամները
զուգադրվում են. օրինակ՝

Այսունյաց բարձր լեռներում այդ շանթե՞րն են բոցկլտում,
Հանդ ու ձորեր թնդում են տրոտալից շաշյունով, — /
Դավիթ Բեկի քաջերի վառ թրերն են կայծակում,
Ամեն մի սիրտ թնդում է նժույդների դոփյունով (Ահե,
1-ին, 372):

ԱԱրդեն կտրել ես, արդեն անցել
Դու երկար, երկար մի ճանապարհ,
Հել բարձունքներ ես դու ունեցել
Յել անկումներ ես ունեցել հար, —]
Բայց դու սրբել հս հոգիդ միշտ էլ
Ճամփեքի մաքուր, վսեմ հրով,
— Ել միշտ պայծառ է հոգիդ եղել
— Ել սիրադ լիքն է եղել սիրով (ԵԶԸԻ, 176):

Իսկ եթե առաջին մասի անդամների դույգ մասերի միջև
շկան այդպիսի հավասար համամասնություն ու շտփակցու-
թյուն, և անդամների համասեռությունը պայմանավորված է
քերականական գործոններով, այսինքն՝ նույնատիպ նախա-
դասություննեղ են, սկսվում են միևնույն կապակցական բա-
ռերով, կամ հարակրկնություններով, ապա այդպիսի՝ պարբե-
րույթը անշափակից է. այս դեսկում կշռույթը և ամանակը
լրիվ շեն հաշվառված, երբեմն մի անդամը բարդացված է այլ
լրացուցիչ հատածներով, իսկ մյուսը շունի այդպիսի լրացում-
ներ և այլն. օրինակ՝

Ճեվ որտեղ էլ լիներ՝ կնունքի նստած, թե հարսանքատանը,
եկեղեցու գավթում՝ պատի տակ շար ընկած, թե բոլոր—քարի

մոտ, որ գյուղի հրապարակն էր համարվում և ուր այժմ էլ հավաքվում են գյուղացիք, — Որտեղ էլ լիներ, Տեր-Նորընծան աշքերը պիտի խոժոռեր, ունքերն իրար տար և երեսը դարձներ Ավան ամու կողմը (Աթե, 446):

Պարբերույթը բատ կառուցվածքի լինում է պարզ և բարդ: Պարզ կոչվում է այնպիսի պարբերույթը, որ կազմված է սի նախադասությունից: Այսպիսի պարբերույթը կառուցվում է հետևյալ ձևով. սկզբում թվարկվում են նախադասության միևնույն միավորյալ անդամները, իսկ հետո որևէ ընդհանուրացնող բառով կամ կապակցությամբ այդ թվարկվող միավորյալ անդամները միացվում են նախադասության մյուս անդամների հետ, որոնք թվարկումից դուրս են մնացած, օրինակ:

Վրացու անմիջական և սրտաբաց բնավորությունը, Նրա սրտի ազնվությունը՝ շրնական մաքրությունն ու անարատությունը, Կաղատության ու գեղեցկության սերը՝ այս բոլորը ամեն կողմից լուսավորված կյանքի սիրով և սուրբ վշտով առհավատշյա են¹ վրաց բանաստեղծության մեծ տպագույի (Հթեժ, 424):

Բերված օրինակը բազմակի և նթականերով միւսվորված մի պարզ նախադասություն է, ուակայն կառուցված է իրեն պարբերույթ, այսինքն՝ հնչերանգային երկու մասի է բաժանված՝ բարձրացող և իջնող, որոնք հակադրվում են միմյանց: Եթե հանենք «այս բոլորը... վշտով», ապա կվերանա հնչերանգային երկմասնությունը, և պարբերույթը կդառնա սովորական նախադասություն:

Վիրոհիշյալ պարզ պարբերույթը կարող է բարդացվել լրացուցիչ նախադասություններով, որոնք սակայն պարզ պարբերույթի բնույթը չեն փոխում. այդպիսիք դարձյալ մնում են իրեն պարզ պարբերույթ, բայց բարդացվում են զանազան լրացուցիչներով. օրինակ՝

Դործիշների մեջ գուցե ամենակարևորն ու ազնիվը, և լընտանիքի համար, որ զավակներ է կրթում, և հասարակու-

¹ Այս վերջին մասը տալիս ենք որոշ փոփոխությամբ:

Հյան համար, որ դիտակից անդամներ է պատրաստում, և պետության համար, որ ազնիվ քաղաքացիներ է հասցնում և աշխարհի համար, որ լուսավոր մարդիկ է տալինա՝ ուսուցիչը ունեցել է գրեթե ամենավատթար վիճակը՝ մեջ (նույն տեղում, 130):

Այստեղ էլ առաջին մասը իբրև պարբերույթի մաս հենվում է կողմնակի պարագայական լրացումների թվարկման վրա, որոնցից յուրաքանչյուրի հետ կապակցվում է մի երկրորդական լրացուցիչ նախադասություն, որոնք սակայն, ինչպես ասացինք, պարզ պարբերույթը բարդ շեն դարձնում, այդտեղ բարդացումը ձեւական է և ոչ թե բնութագրական: Բարդ պարբերույթը նույնպես կարող է այդ եղանակով բարդանալ: Եթե նույնիսկ այդ թվարկվող անդամների շարքում նրանց համահավասար թվարկվող նախադասություն իսկ լինի, դարձյալ պարբերույթը պարզ է մնում. օրինակ՝

Դերիտասարդ օրերի բուռն ցանկությունը՝ իմանալու, թե որտեղ է վերջանում աշխարհը՝ նրա հետ պատահած դժբախտությունը, ջաղացը, և այն բաղմաթիվ մարդիկ, որոնք դալիս էին, գնում, որպեսզի մի օր էլ նրանցից մեկնումեկը շգա և մյուս եկողները ջաղացպանին պատմեն, թե ինչից նա մեռավ, ծեր ընկուղինիները, որ ամեն գարնան տերեւակալում էին, պտղակալում և ուշ աշնանը դողալով տերեւաթափ լինում, Մարցա ջուրը, որ գարնանը ուռչում էր, ափերից դուրս գալի, իսկ տմառը բարակում այնքան, որ հորթերն էլ էին անցնում՝ այս ամենը մի խորհուրդ ունեին, մի ներքին իմաստ, որ ոչ միայն վաղուց ծանոթ էր նրան, այլև ինքը մերսել էր այդ իմաստի հետ (Աթե, 455—456):

Այստեղ պարբերույթի համար հենարան են՝ թե որտեղ է վերջանում աշխարհը, նրա հետ պատահած դժբախտությունը, ջաղացը, և այն բաղմաթիվ մարդիկ, ծեր ընկուղենիները, Մարցա ջուրը, որոնցից առաջինը նախադասություն է, իսկ մնացածը բառեր և կապակցություններ են, բայց իբրև թվարկվող անդամներ միմյանց հավասար են և գրեթե բոլորն էլ բարդացած են երկրորդական նախադասություններով,

բայց շեն փոխում պարբերույթի բնույթը, այսինքն՝ այդ պարբերույթը նույնպես պարզ է:

Բարդ պարբերույթի երկու մասերն էլ կազմվում են նախադասություններից, որոնք պարբերույթի մեջ կապակցվում են կամ ստորադասովեան և կամ համադասական հարաբերությամբ. օրինակ՝

Ետեսիցդ որ սար կրղավի՝ տարան, ձոր կրղավի՝ տարան, քար կրղավի՝ տարան, Համա դու իսկի ետ թամաշ շանես (ՀԺՀ, 1, 311):

Ով Հայաստանու սուրբ աշխարհ մհծությունը, նրա դրախտանման դաշտերի հոտն ու համը, էն ծաղկափթիթ ձորերը, էն անմահական աղբյուրների ջուրը, ու Հայոց անմեղ աղգիք հագուստը, ուրախությունը, խաղը, բարեպաշտությունն ու աստվածասիրությունը կամենում էր տեսնի, նրա գառը որդոց աղիզ երեսին նայի, մուրազն առնի, էստեղ պետք է գար (ԽԱՅԼԺ, 4-րդ, 4):

Առաջինը պայմանա-զիջական հարաբերությամբ բարդ ստորադասական կապակցություն է, իսկ երկրորդը նույնպես ստորադասական կապակցություն է, բայց առաջին մասը երերոդի համար ենթակա է:

Ահա պարբերույթի մի այլ օրինակ, որը բարդ է և կառուցված է համադասական հարաբերությամբ, որտեղ երկու մասերը իսկ շաղկապով զուգադրված են. օրինակ՝

Բուսականությունը ավելի առատ էր դարձել և ճոխացել. վայրենի շուշանները ծաղկել էին իրանց լայն ու լեղվածեատերենների մեջ. վարդենին սպիտակ վարդերով պճնվել, դեղին ծաղիկների փնջերը երկարացել՝ դեպի մեղ էին կռանում; երիցուկները անհամար քանակությամբ, խոշոր և պարարտ, զրավել էին խորշեր ու ծերպեր, իսկ երեք-չորս նոր ջրվիժներ ոստյուններով գահավիժում էին ժայռերն ի վար, պայթում քարերի վրա, ջրի փոշի ցանում ամեն ուղղությամբ. (ՎՓԸԵ, 192):

Ինչպես արդեն նշեցինք, բարդ պարբերույթը նույնպես

կարող է բարդացվել. այդ բարդացումը կատարվում է երի-
րորդական նախադասությունների լրացումներով, որոնք այս
կամ այն ստորադասական հարաբերությամբ կապակցվում
են պարբերույթի թվարկվող անդամների հետ: Եթե այդպիսի
լրացուցիչ նախադասությունները կուտակվում են անդամների
վրա, ապա պարբերույթը խճողվում է, որը ոճաբանորեն ան-
գնդունելի է. օրինակ՝

Նա մերթ հիշում էր Դոմբերգը, ուր եղել էր ցերեկը և
առանձնության մեջ արտասվել էր մի անառիթ տխրությամբ,
որ երբեմն պատում էր նրան և նրան մղում էր դեպի թլուր-
ները և անտառը և էմբախի լուռ գետեզրը, Մերթ ականջին
հնչում էր ձայնը այն հիվանդ լեռնցու, որին ցերնկով այցելել
էր մերթ զգում էր մի քաղցր ջերմություն, և ուշում էր կուրծ-
քը, թվում էր իրենն է ամբողջ աշխարհը, և ինքն աշխարհի
ամենաերջանիկ մարդն է, բայց մի ուրիշ հույզ, ինչպես
մշուշ, ծածկում էր գարնան պարզ երկինքը, և ոչինչ չէր երեսում
և միայն ծնոտի վրա զգում էր նույն ձեռքի ջերմությունը
(ԱԲԵ, 608):

Այստեղ, ինչպես նկատելի է, բարդացումը այնպես է
խճողված, որ պարբերույթի առաջին մասի թվարկվող ան-
դամները աղոտ կերպով են նշմարվում: Եթե բարդացումը
շափակոր է և մանավանդ հաշվի է առնված նաև մասների հա-
մամասնությունը թվարկվող անդամների վրա բաժանելիս,
ոճաբանորեն գեղիցիկ է բացի ընդհանուր պարբերույթային
ընթացքից լսողի կամ կարդացողի ուշադրությունը հրավիր-
վում է նաև կողմնակի մանրամասնությունների վրա, և բո-
վանդակության կողմից պարբերույթը ավելի լրիվ ու կատար-
յալ է լինում, իսկ շափազանց բարդացումը մթագնում է հիմ-
նական միտքը և ընկալումը դժվարանում է լսողի կամ ընթեր-
ցողի համար: Բակունցից բերված վերջին պարբերույթի առա-
ջին մասի առաջին անդամը ծանրաբեռնված է երկու որոշից
երկրորդական նախադասությամբ, սրանցից վերջինը լրաց-
ված է երկու այլ բավական ընդարձակ որոշիչ երկրորդական
նախադասություններով, որոնք խիստ ընդհատում են պար-

բերույթի ընդհանուր շղթան թե ըստ մտքի և թե ըստ հնչերանդային ընդհանուր գծի:

Բարդ սկարբերույթը ըստ կապակցման բնույթի և արտահայտած հարսիբերությունների բաժանվում է երեք խմբի՝ համադասական, ստորադասական և շարահարական:

ՀԱՄԱԴԱՍԱԿԱՆ ՊԱՐՔԵՐՈՒՅԹ

Համադասական պարբերույթներ կազմվում են այն բոլոր շաղկապներով, որոնցով կապակցվում են բարդ համադասական նախադատությունները։ Այստեղ մեր նպատակը չէ քննել, թե ինչ շաղկապներ են դրանք. բարդ համադասական նախադատությունը ուսումնասիրելիս մենք դրանք մանրամասն քննել ենք¹:

Այս պարագայում մեզ հետաքրքրում են այն կապակցական հարաբերություններն ու դրսեորման ձևերը, որոնք էությունն են կազմում համադասական պարբերույթի և բնութագրական են նրա համար։

Համադասական պարբերույթը արտահայտում է հակառական, զուգադրական, հարակցական հարաբերություններ։ Այս հարաբերություններից՝ պարբերույթի համար ամենից հաճախ օգտագործվում է հակառական հարաբերությունը, այդ է պատճառը, որ պարբերույթի հին ուսումնասիրողները պարբերույթ էին համարում լեզվական այն երկմասնյա վերջացած արտահայտությունը, որ կառուցվում էր հակառության սկզբունքով։ Հակառական հարաբերությունը՝ աշքի է ընկնում իր շեշտված հնշերանգով, արտաքերական մեծ լարվածությամբ, որ արտահայտվում է պարբերույթի առաջին մասի ուժգին բարձրացումով, երկրորդ մասի սուր անկումով, խոր դադարով և հակառվող մասի բառերի շեշտվածությամբ։

1 Ա. Առաքելյան, Հայերենի շարահյուսություն, հատ. 2, էջ 291—292.

Առհասարակ սրանք պարբերույթի բնորոշ հատկանիշներն են, բայց հակադրական պարբերույթի մեջ առավել ցայտուն են դրսնորմում:

Հակադրական պարբերույթի երկու մասերը արտահայտում են տարբեր երևույթների, դեպքերի, առարկաների հակադրություն, ընդ որում առաջին մասում թվարկվում են դրանք, իսկ երկրորդ մասը առաջ է քաշում դրանց հակադիր դեպքեր, դատողություններ, առարկաներ՝ ստեղծելով երկու մասերի մեջ սուր լնդհարումներ և հենց սրանով էլ երկու մասերի բարձրացման ու իշեցման լարվածությունը հասցնում է ամենաբարձր աստիճանին։ Հակադրական պարբերույթները կապակցվում են բայց, սակայն, իսկ, և շաղկապներով։ օրինակ՝

↑ Երաժշտուի և դեռ պիտի
Հորդաբխուն երաժշտեր,
յ Վիշտ երգելով՝ ցրեր վշտեր,
Հույս երգելով հավատ շեշտեր,
Սուտը հերքած՝ ճիշտը ճշտեր, ↓
Բայց մի ահեղ գիշերվա մեջ
Արյուն հագան կանաչ դաշտեր,
Եվ հույս, հավատ, կյանք ու անուրջ,
Օր ցերեկով ողջը դարձավ մի վատ երազ,
Սկիզբ առավ աշխարհակու մի պատերազմ
(ՊՍԱԶ, 183):

Հաճախ հակադրականությունը արտահայտում է անհամապատասխանություն, այսինքն պարբերույթի առաջին և երկրորդ մասերն իրենց բովանդակությամբ չեն համապատասխանում. երկրորդ մասի բովանդակությունը հակադրում է ոչ թե առաջին մասի բովանդակությանը, այլ այնպիսի երեսւյթների, որոնք կլինեին բնական, օրինաշափական ու անհրաժեշտ առաջին մասում հաղորդվածի պայմաններում. օրինակ՝

Մեկ ձեր շուրջը նայեք. ծաղիկ, արև, ծով. արտույտները ահա վերևում ճախրում են և երգում, անտառում հանկուցիշ ստվերներ են մեղ կանչում, մեր շորս կողմը լի է դայլայներով, ձեզ մոտ նստել է խաղ, ծիծաղ. երգ և միմիայն սեր, միայն սեր որոնող երիտասարդություն, — և դուք հնադարյան մղձավանջներ եք պատկերացնում՝ մեր առաջ (ՎՓԾԵ, 391):

Երբ շրջապատում ուրախություն, ծաղիկ, սեր, բնության գեղեցկությունն է թաղավորում, ապա երկրորդ եղրում պետք է դրանց համապատասխան արտահայտվեր իբրև հակադրության անապատ, ատելություն, ախուր ու մռայլ երիտասարդություն և այլն, որպեսզի ստացվեր իսկական հակադրություն, մինչդեռ հակադրությունը այս վերջինների հետ կապված կամ ավելի ճիշտ նրանցից բխող կամ նրանց հետ անուղղակի առնչվող բոլորովին այլ բովանդակություն ունի: Մի այլ օրինակ՝

Հու բարձրացել ես մաքառումով
Դեպի ահռելի բարձրություններ,
Եղել ես հաճախ արևին մոտ
Տեսել զադաթներ լուսաձյունե
Ել ճանապարհին ինչքան ես դու
Քո բորիկ ոտներն արյունոտել, —
Բայց քայլել ես միշտ, քայլել անդու,
Տքնել անդադար ու կարոտել (ԵԶԾԵ, 176):

Այստեղ էլ առաջին մասում հաղորդվածի օրինաշափական հակադրությունը կլիներ, երբ ասվեր. թե զու արդեն հոգնել ես, իշել ես բարձրություններից և հանդստացել. սակայն երկրորդ մասը հենց հակադրություն է սրանց համար:

Հակադրությունը երբեմն ուղեկցվում է զիջտկան հարաբերությամբ, այսինքն՝ պարբերույթի երկրորդ մասը ունենում է այնպիսի բովանդակություն, որ չեր կարող սոլասվել առաջին մասի բովանդակությունից. օրինակ՝

Եվ ուներ նա սիրտ սիրելու համար,
Մի սիրտ գերվելով տիրելու համար,
Մի սիրտ՝ սեր համակ,
Մի սիրտ՝ սիրո ծով,—
Իսկ ինքը սիրուց հավիտյան ցամաք,
Ինքը սիրուց սով (ՊՍԱԶ, 159):

Եղիր վերջին դու, եղիր հետին,
Թող լինի ուղիդ օրհասական, —
Քո ճանապարհը երբեք սակայն
Չխառնես նրանց արահետին (ԵԶԸԵ, 177):

Հակադրական պարբերույթը երբեմն արտահայտում է բացառում, ժխտում, այսինքն՝ ինչ որ ասվում է առաջին մասում, երկրորդ մասով բացառվում կամ ժխտվում է. օրինակ՝

Եվ սիրտդ լիքն է եղել հաճախ
Ցասման թույնով ու ատելությամբ,
Եվ կասկածը սև, կասկածը շոր
Քեզ ճնշել է մերթ իր ծանրությամբ, —
Բայց դու սրբել ես հոգիդ միշտ էլ
Ճամփեքի մաքուր, վսեմ հրով,
Եվ միշտ պայծառ է հոգիդ եղել,
Եվ սիրտդ լիքն է եղել սիրով (նույն տեղում, 176):

Համադասական պարբերույթի երկու մասերը միննույն հակադրական շաղկապների միջոցով կապակցվում են նաև իրեւ զուգադիր մասեր, այստեղ արդեն ուշադրությունը բեկում է ոչ թե պարբերույթի երկու բնեուների հակադրության վրա, այլ նշվում է նրանց տարբերությունը, որն արտահայտվում է հատկապես զործողությունների միջոցով։ Զուգադրության մեջ արտարերական լարվածությունը, հնչերանգը, դադարը համեմատաբար թույլ են արտահայտվում. օրինակ՝ Բուսականությունը ավելի առատ էր դարձել և ձոխացել,

վայրենի շուշանները ծաղկել էին իրենց լայն ու լիզվածեն տերևների մեջ՝ վարդենին սպիտակ վարդերով պճնվել, դեղին ծաղիկների փնջերը երկարացել դեպի մեղ էին կռանում, 5 երիցուկները անհամար քանակությամբ, խոշոր և պարարտ՝ գրավել էին խորշեր ու ծերպեր, ժիսկ երեք-չորս նոր ջրվեժներ ոստյուններով դահավիժում էին ժայռերն ի վար պայման քարերի վրա, զրի փոշի ցանում ամեն ուղղությամբ (ՎՓԸԵ, 192):

Մեր լիզուն ճկուն է ու բարբարոս,
Առնական է, կոպիտ, բայց միևնույն պահին
Պայծառ է նա, որպես մշտաբորբոք փարոս,
Վառված հրով անշեշ դարերում հին (ԵԶԸԵ, 250):

Համադասական պարբերութը արտահայտում է նաև հարակցական հարաբերություն: Առաջին մասում հաղորդվում են այլնարդերենութներ, գործողություններ, իսկ երկրորդ մասը դրանց համար լրացուցիչ հաղորդում է, որ բխում է նրանցից կամ հաղորդվում է նրանց առիթով: Այդպիսի հարբերություն արտահայտող պարբերութները կապակցվում են և, ու, բայց, սակայն, իսկ շաղկապներով՝ այս կամ այն լրացուցիչ նրբերանգներով, որոնք ուղեկցում են գրեթե բոլոր համագուստական կապակցություններին. օրինակ՝

Այն ժամանակ լուրեր էին պատվում, թե Զորեկից կորել է մի երինջ, կորել է Բաղիրենց կովը, դիշերով մարդ է մտել Տեր զի բազումի մեղվանոցը, — և ձմեռն ինչպիսի լուրեր շէին տարածում. Դորիս քաղաքում (ԱԲԵ, 346):

«Տեր» են կանչում մի-մի բերան,
Մի-մի ծանր աղոթք անում,
Մատաղացուի ոտ ու վղից
Արձակում են կապ ու պարան,—
Ուր գավիթի սալարկը պաղ
Զոհի արյամբ է տաքանում (ՊՍԱԶ, 104):

Խեղճը էսպես լեզուն ածավ,
Շատ հույս սովավ, շատ խոստացավ,
Շատ սուտ ասավ պարտքատերին,
Շատ սպասեց իր ընկերին,—
Բայց ընկերը չկա, չկա (ՀԹԾԺ, 1-ին 270):

Հակադրական հարաբերություն արտահայտող համադասական պարբերություն իմաստով մոտ է հավելական հարաբերություն դրսեորող պարբերությը, ուր առաջին մասի թվարկվող անդամներին նաև, այլև շաղկապներով ավելացվում է նոր անդամ, որ կարծեք նախորդ թվարկումների շարունակությունը լինի, որը, սակայն, առանձնանում է իրեն պարբերութիւն երկրորդ մաս, ըստ որում առաջին մասում ոչ միայն շաղկապները և երկրորդ մասի նաև, այլև շաղկապները ձևավորում են այդ երկմասնությունը իրեն հնչերանգային և քերականական տարբեր միավորներ, որոնք միասնանում են մի ամբողջի մեջ. օրինակ՝

Վրեժի զգացումով էր լցված ոչ միայն ծեր իշխանը, որի թագուհի դստերը Շապուհը տարել էր դերի, վրեժի զգացումներով էր տուգորված ոչ միայն Պապը, որի թագավոր հորը բանտարկել էր Շապուհը Անհուշ բերդում, իսկ թագուհի մորը մատնել գերության անարդանքին, վրեժով լցված էր ոչ միայն Մուշեղ սպարապետը, որի մորթաղերծ հոր ուրվականը ստիպում էր նրան մորթաղերծ անել իր ծեռքն ընկած յուրաքանչյուր պարսիկ զորավարի և, խոտ լցնելով ցուցադրել, վրեժով էին լցված նաև Պապի ուսման և օտարության ընկերները՝ Երեմիա Ամատումին և Բաթ Սահառունին ոչ միայն իրենց հայրերի համար, որ ընկել էին Արտագերսի պաշտպանության ժամանակ, այլև ավերված քաղաքների ու գյուղերի և անարդված, սրատված հայրենակիցների համար (ՍԶՊԹ, 75):

ՍՏՈՐԱԴԱՍԱԿԱՆ ՊԱՐԲԵՐՈՒՅԹ

Ստորադասական կապակցությամբ պարբերույթները ավելի շատ են և կապակցության ձևերը բազմազան։ Դրանք խմբավորվում են իրոք որոշիչային, ժամանակի, տեղի, պայմանի, զիջական, պատճառի, նպատակի, բաղդատության և այլն։

Որոշիչային պարբերույթը երկու տեսակ է լինում։ մեկը այն է, որի բարձրացող մասը ունենում է մի գոյական կամ գոյականաբար գործածվող որևէ բառ՝ որոշիչ երկրորդական նախադասությունների թվարկությամբ հանդերձ։ որոշիչ նախադասությունների այս թվարկվող շարքն էլ հենց ձևավորում է պարբերույթի առաջին մասը։ Երկրորդ իշնող մասը նախադասություն է, որ որևէ առնչությամբ կապվում է առաջին մասում հանդես եկող գոյականի կամ գոյականաբար գործածվող բառի հետ։ օրինակ՝

Նա, որ քիչ առաջ
Ամենից սիրելի ձեր առարկան էր,
Եվ գովեստների ձեր բնաբանը,
Եվ բալասանը ձեր զառամության,
Ամենից լավը, ամենից սիրելին,—
Ինչպիսի հրեշտավոր մի հանցանք գործեց
Մի ակնթարթում, որ այդպես զրկվեց
Այնքան ծալեծալ ձեր շնորհներից (Շեքս., 1-ին,
292):

Նա, որ դեռ երեկ
իրրի մի ձայնեղ երդիշ-տիրացու,
Երդախմբի մեջ վսեմ մեներգ էր միայն տարածում
Ու լսարանում հեղ պատասխանում սերտումի դասը,—
Հիմա դարձել էր խմբավար վանքի,
Դարձել էր հիմա երդի դասատու (*ՊՍԱԶ*, 49):

Երբեմն առաջին մասում հանդես եկող լրացյալ բառը
կարող է ամեն մի որոշիչ նախադասության սկզբում կրկնվել.
այս դեպքում թվարկվող երկրորդական նախադասություն-
ները առավել ներդաշնակ ու շափակից շարք են կազմում.
օրինակ՝

Նա, որ սպանեց իմ թագավորիս,
Նա, որ իմ մորս պոռնիկ դարձրեց,
Նա, որ ներս խոթվեց իմ ընտրությանս և հույսերիս
մեջ
Եվ կարթը ձգեց, որ կյանքս էլ որսա,
Այն էլ այնպիսի շարանենգությամբ,—
Չէ որ կատարյալ խելամտություն է,
Որ այս բաղուկով վարձը ձեռքը տամ (*Շեքս.*,
I-ին, 103):

Սերտ միասնություն է ստիղծվում այն պարագայում,
երբ լրացյալ բառը կրկնվում է երկրորդ մասի սկզբում. այս
դեպքում պարբերույթային օղակ է կազմվում, և մասիրը թե՛
ձեւականորեն և թե՛ բովանդակությամբ կուռ ամբողջություն
են դառնում. օրինակ՝

Այս քաղաքում, ուր ցով արքաներ են ապրել,
Ուր շաշել է մտրակը ստրուկների վղին
Որպես վերին պարգևն՝ ուր հյուսիսի
Մառախուղի նման այս անտարբեր
իշխաններն են դարեր առևանգել, հարբել,
Կախաղաններ կանդնել հարյուրներով,—

Այս ժաղաքում հիմա եռում է կյանք մի նոր,
Զարմանալի մի կյանք (ԵԶԸ, 183):

Որոշիչային պարբերույթի մյուս տեսակը այն է, որի
առաջին մասում թվարկվում են համասիռ նախադասություն-
ներ, իսկ դրանք լրացվում են մի որոշիչ երկրորդական նա-
խադասությամբ, որ լրացում է ոչ թե շարքի որևէ նախադա-
սության, այլ ամբողջ շարքի համար. Հենց այս երկրորդական
որոշիչ նախադասությունը կազմում է պարբերույթի երկրորդ՝
իշնող մասը. օրինակ՝

Եվ իրոք այնքան ձգողական մի զորություն ուներ նա որ-
պես կին և բանաստեղծուհի, այնքան կանացի հրապույրնե-
րով էր պարուրված նրա թեկ կարճ, բայց փարթամ անձը,
նրա թեկ անբարբառ, սակայն ամեն ինչ խոսող աշքերը այն-
քան լեզվանի էին և գաղտնախորհուրդ կանացիությամբ լի,-
որին, ինչպես բարձուագույն իմացականության մի կծիկի,
քանդել փորձողն անմիջապես կխճճվեր այդ կապանքների
մեջ առաջին իսկ փորձին (ՎՓՍՊ, 66):

Երբեմն առաջին մասի թվարկվող նախադասությունների
շարքը ամփոփվում, ընդհանրացվում է մի բառով և ապա
երկրորդ մասը իրեն որոշիչ նախադասություն հաջորդում է
դրան և այդ ամբողջի լրացում դառնում. օրինակ՝

ԴՊատմությունս հետաքրքրական ընելու ջանքով և անկից
քանի մը հարյուր օրինակ ավելի ծախելու համար շըսի, թե
նույն օրն սաստիկ հով մը կարդ թե տեղատարափ անձրև կու-
գար, թե խուռն բազմություն մը հետաքրքրությամբ դեպի
Ղալաթիո հրապարակը կը վաղեր, թե սատիկանությունն աղ-
ջիկ մը ձերբակալած էր և այլն խոսքեր, որովք վխառան-
ներն կսկսին միշտ իրենց վեպերը (ՀՊ, 1-ին, 377):

Ժամանակի սլարբերույթը արտահայտում է երկու մասե-
րում նշվող գործողությունների, դեսպերի, երեսույթների փոխ-
հարաբերություն ժամանակի մեջ: Հիմնականում պարբերույ-
թի առաջին մասը կազմում է ժամանակի երկրորդական նա-
խադասությունների շարքը, իսկ երկրորդ մասը դլխավոր

նախադասություն է, որ ամբողջացնում և փակում է հիշյալ շարքը. օրինակ՝

Եվ երբ հուշ դառնա այսօրվա ներկան,
Ու դարը այս մեծ փոխվի երազի,
Եվ դու, իմ հեռու, գալիք բարեկամ,
Կարդալու լինես իմ կյանքի մասին,
Իմանցիր, որ մեր օրերի խորքում
Ես էլ եմ եղել կրքերին գերի (ԵԶԸ, 187):

Հաճախ յուրաքանչյուր նախադասության սկզբում կը ը-
կընվում է ժամանակի շաղկապը իրու հարակրկնություն, որ
դառնում է պարբերույթի համար ոչ միայն կապակցման,
այլև անդամահատման միջոց և կարգավորում է շարադասու-
թյունն ու կշռույթը. օրինակ՝

Երբոր բացվին դռներն հուսո,
Երբ մեր երկրեն փախ տա ձմեռ,
Զքնաղ երկիր մեր Արմենիո,
Երբ փայլեն յուր քաղցրիկ օրեր,
Երբոր ծիծառն իր բույն դառնա,
Երբոր ծառերն հագնին տերն, —
Ցանկամ տեսնել զիմ Կիլիկիա
Աշխարհն, որ ինձ ետուր արև (Ռուսինյան):

Պարագաղիր չէ, որ կրկնության դեպքում բոլոր նախադա-
սությունները սկսվեն շաղկապով. Երբեմն բանաստեղծության
մի քառատողն է միայն սկսվում շաղկապով և կրկնվում է
միայն հաջորդ քառատողում. օրինակ՝

Երբ խոր զիշերով ցուրտ անկողնիս մեջ
Քոմը իմ աշքից հեռու է փախչում,
Եվ հոգուս վերա սև հյուղերն անվերջ
Երկանի նման ծանրանում տրտում,
Երբ մելամաղձոտ աշնան երկնքի
Պղտոր լուսնյակն էլ մարում է իսպառ,

Ու պատերը մութ իմ խեղճ սենեկին
Գրկում ինձ ինչպես մի շիրիմ խավար, —
Թվում է ինձ թև հեռու, մենավոր
Գերեզմանի մեջ դիակ եմ անշունչ (Հ. Հովհաննիս-
յան):

Կրկնվող շաղկապը կարող է իր տեղը փոխել, թեև օրի-
նաշափականը այն է, որ նախադասությունը սկսվի նրանով.
օրինակ՝

Դաշնակահար պոկտն երբ որ
է շզրի դաշնակներ,
Սիրտը մեռնի վշտակոտոր,
Պատեն գլուխն ալիքներ,

Ծ Յրբ մոռանա հիշել պեսպես
Անուն ու սերն ամենքի, —
Գիտցեք, որ գեռ հիշում է ձեզ
Եվ այս օրերն իր կյանքի (Հթեժ, 1-ին, 466):

Երբեմն այնպիս է լինում, որ երկրորդ մաս հանդիսա-
ցող պլիավոր նախադասության որևէ հարաբերյալ բառ կի-
րառվում է առաջին մասի սկզբում. դա չի վնասում պարբե-
րուցի ամրուցականությանը, — հնչերանդային Երկմասնու-
թյանն ու լարվածությանը, ընդհակառակն, ամրացնում է պար-
բերուցի սերտությունը, մանավանդ այն դեպքում, երբ դա
կրկնվում է երկրորդ մասում. օրինակ՝

Հիմա, երբ ողջը անցած է թվում,
Երբ առաջվա պիս դու ինձ շես թովում,
Երբ երեալդ, քայլվածքդ խոսուն
Բնձնից շեն խլում իմ հարտար լիդուն,
Երբ ես կարող եմ քեզ հանդիստ նայել,
Սրանտելով ժայիտդ շահել,
Կատակով ասել այն, ինչ որ անցավ,
Այն, ինչ ես ասել շկարողացա

Ոշ խոսքով, ոշ էլ մի հատիկ երգով, —
Հիմա կքել եմ տողերիս ներքո (ՊՍՍԾ, 130):

Այս օրինակը օղակային պարբերույթ է, որ հասուկ է ընդհանրական պարբերույթին. առաջին մասը երկրորդ մասի ողևէ բառով սկսվում է և նույնի կրկնությամբ օղակվում է բոլորսին նոր հնչերանգային լիցքով։ Համեմատիր նաև հետևյալ օրինակը.

Ամեն անգամ քո տվածից երբ մի բան ես դու տանում,

Ամեն անգամ երբ նայում եմ, թե ինչքան է դեռ մնում,

Զարմանում եմ, թե ով շոայլ, ինչքան շատ ես տվել ինձ,
ինչքան շատ եմ դեռ քեզ տալու, որ միանանք մենք նորից

(ՀԹԵԺ, 1-ին, 214):

Ասացինք, որ ժամանակի պարբերույթների առաջին մասը հիմնականում կաղմվում է ժամանակի երկրորդական նախադասությունների շարքից. այդ էլ ապացուցում են վերևում բերված օրինակները. սակայն չի բացառվում նաև այն, որ ժամանակային պարբերույթի առաջին մասը կաղմված լինի գլխավոր նախադասությունների շարքից, իսկ երկրորդ մաս դառնա ժամանակի երկրորդական նախադասությունը. օրինակ՝

Նոր էր պրծել հայ շարդը նոր՝

Աղանայի,

Ու երեսուն հազար դիակ հող էր մտել,

Բայց չէր փտել.

Ելդըդ-քյոշքի տերն արնախում ու սկանուն

Սալոնիկում իր ձեռքերն էր դեռ լվանում՝

Գահը զիջած զավակներին իր արժանի,

Որ նորածե եվրոպական տարադի տակ

Առժամանակ ծածկում էին ճանկ ու ժանիք.

Գրավաճառ խանութների ցուցափեղկում

Բուրում էին դեռ հեթանոս արրշիո բույրեր՝

Կախարդ ձեռքով ամենազոր Վարուժանի

Խառնվելով Գողգոթայի ծաղիկների հոտին անթով.
Դեռ հրահան իր մատներով Սիամանթոն
Շանթագրել էր կամենում Կարմիր լուրեր,
Ու թեքեցանն էր հղանում
Մի հարություն հրաշալի,—
Երբ Կոմիտասն այստեղ եկավ (ՊՍԱԶ, 170):

Ժամանակի պարբերույթի երկու մասերի միջև արտահայտվում են միաժամանակության և ժամանակների հաջորդության հարաբերություններ: Այն բոլոր շաղկապները, որոնցով կապակցվում են ժամանակի երկրորդական նախադասությունները գլխավորների հետ, կարող են ծառայել նաև պարբերույթի համար իբրև կապակցման միջոց*: Նշենք նաև, որ պարբերույթի երկրորդ մասը (գլխավոր նախադասությունը) կարող է ունենալ այն ժամանակ, ապա շաղկապական բառերը:

Պայմանի պարբերույթի առաջին մասը կազմվում է պայմանի երկրորդական նախադասություններից, իսկ գլխավորը հաջորդում է դրանց իբրև երկրորդ մաս, որի գործողության կատարումը պայմանավորվում է առաջին մասի թվարկվող շարքով: Սովորաբար պայմանի նախադասությունների շաղեկանվում է ամեն նախադասության սկզբում, եթե նախադասությունները չեն կապակցված միավորիշ շաղկասներով. օրինակ՝

Եթե կործանվեցան քաղաքներ և Հրդեհվեցան մեծաշեն ավաններ, եթե գերի առնվեցան բազմաթիվ բնակիչներ և արյունով ներկվեցան հայրենի երկրի դաշտերն ու անդաստանները, չէ որ այդ բոլոր շարիքները չգործվեցան լոկ շարագործության համար (ԲԵԺ, 7-րդ, 448):

Եթե պայմանի պարբերույթի մեջ առաջին մասը կտղմվում է գլխավոր նախադասությունների շարքից, իսկ դրանք փակվում են մի պայմանի երկրորդական նախադասությամբ, ապա նույնպես պարբերույթ է ստացվում. օրինակ՝

* Վ. Առաքելյան. Հայերենի շարահյուսություն, հատ. 2, էջ 175—201:

թող կործանե ինձ աստված՝ թող քրիստոնյան ինձ Հռւ-
դա և հայը Վասակ անվանե, — Եթե ես երբեք դրժիմ իմ ուխ-
տին ու երդմանը (ՄԳՄ, 254): Այսպիսի պարբերույթները
մնում են բաց, այսինքն՝ շեն նմբողջացվում ու կլորացվում.
իսկ երբ երկրորդական նախադասությունների շարքը թվարկ-
վում է երկրորդ մասում, իսկ գլխավորը նախադաս է, ասդա-
այդպիսի կառուցվածքը չի ամբողջանում ու ավարտվում,
ուստի և պարբերույթ չի կազմում: Այսպիսի կառուցվածքնե-
րը՝ ներառյալ նաև մյուս տեսակի երկրորդական նախադասու-
թյունները, կոչվում են բաց պարբերույթային՝ կառուցվածք-
ներ. օրինակ՝

Ես ի՞նչ կանեի, ի՞թե Ալիներ հողն այս մի պատառ,
Թե ճամփիս վրա շխշշար բարդին այս բարձրակատար,
Թե շշնշեի բույրը այս հողի, ուրցի, փշատի,
Թե աշնան քամին թոնրի հոտն առած դեմս շվազեր,
Թե ավերակն այս քարե լոռությամբ
Ինձ նախնիներիս պատգամը շասեր (Վ. Դավթյան):

Երբեմն պայմանի պարբերույթը համատեղում է նաև
ժամանակային հարաբերություն. օրինակ՝

Եթե հայ խաղի ու տաղի հանդեպ
Խլացել էին մեղնից շատերը,
Չեթե մերային խեղճ ու վատերը,
Մեր արդար հացն ու պանիրը թողած
Աչք էին տնկում օտար փախլավին, —
Ապա օտարը ամենայն սիրով,
Ապա օտարը
Խոսքերով, գրով
Բաքուն, բացահայտ
Մեղ էր բանսարկում (ՊՍԱԶ, 70):

ԶԻՉԱԿԱՆ ՊԱՐԲԵՐՈՒՅԹ

Զիջական պարբերույթի առաջին մասը կազմվում է զիջա-
կան համասեռ երկրորդական նախադասություններից, որոնք

Էլ թվարկվում են կամ զիջական շաղկապներով և կամ զիջական շաղկապը առաջին նախադասության հետ է կիրառվում, իսկ մյուսները ենթարկվում են այդ միևնույն շաղկապին - օրինակ՝

Թեկուզ հողմերը սանձարձակ անեք,
Եվ մարտնչել տաք տաճարների դեմ,
Թեկուզ կոհակը կործանե կուլ տա նավարկությունը,
Թեկուզ ցորենը ցրիվ դա հասկից և ծառերն ընկնեն,
Թեկուզ բուրգերը և պալատները
Գլուխները ծռեն մինչև հիմքերը,
Թեկուզ բնության սերմերի դանձը թափալդրոր թափվի
Մինչև այն աստիճան, որ կործանումն էլ ուժասպառ
դառնա, —

Պատասխան տվեք իմ հարցումներին (Շեք., 1-ին,
257):

Այս օրինակի մեջ պարբերույթի առաջին մասի բոլոր անդամները զրեթե սկսվում են թեկուզ շաղկապով. առանց շաղկապի հն մնում միայն այնպիսիները, որոնք միավորից շաղկապով կապված են նախորդի հետ:

Հետեւալ օրինակում զիջական շաղկապը կիրառված է միայն թվարկվող շառքի սկզբում:

Զնայած որ Թեոդորոս սարկավագն ու Սոլոմոն ճգնավորը սրերը ձեռքներին զորքի առաջն անցան, ահավոր ձայնով խրախույս կարդացին և յսկան կովել ներս խուժողների դեմ, — այսուամենայնիվ նրանց ընդդիմությունը շկարողացակը ընկնել թշնամու զորությունը, որ զնալով աճում և ամեն տեղ գրավում էր (ՄԳՄ, 245):

Զափածո խոսքերի մեջ շաղկապի կիրառությունը կարող է ենթարկվել տնատման կամ տողատման օրենքներին՝ այս դեպքում շաղկապը ենթարկվում է բանաստեղծական կշռութին և ոչ թե քերականական օրենքներին. օրինակ՝

↑ Թեպետե բախտը մեղ շատ հարվածեց
Երկար դարերով, ահեղ հարվածով,

թիպետև էսպէս ցրվեց, տարածեց,
Զզեց հողեհող, փոեց ծովեծով,—
Վկա է սակայն բովանդակ երկիր,
Որ մենք կարեվեր ապրում ենք կրկին,
Եվ ուր հասնում է հայի գիրքն ու գիր,
Կենդանի է դեռ հայության ոգին (ՀՅԵ, 1-ին,

170):

Զիջական պարբերույթները ըստ իրենց նշանակության, բաժանվում են Երկու խմբի. առաջին խումբը արտահայտում է սովորական պնդում, թե չնայած արգելքների այն շարանին, որ թվարկվում է պարբերույթի առաջին մասում, այնուամենայնիվ դրանք չեն խանգարում պարբերույթի երկրորդ մասի գործողության կատարմանը. օրինակ՝

Թեև առաջին անգամ աղքատ կնիկը մի փոքր վախեցավ գողությունը բացվելուց, մի փոքր էլ դժոխքի արհավիրը հեռվից սպառնացավ նրան՝ մի փոքր էլ խղճմտանքի ձայնը կամացուկ ծվաց նրա մեջ, փարատվեցավ նրա սրտեն (ԾՊԵ, 498):

Երկրորդ խմբի զիջական պարբերույթների մեջ զիջական երկրորդական նախադասությունները արտահայտում են բնդՀանրացում, այսինքն՝ արգելքների այն ծայրադույն սահմանն ու ամփոփումը, որ պետք է խանգարեր պարբերույթի երկրորդ մասի գործողության կատարմանը, և սակայն այդ ևս արգելք չի դառնում. օրինակ՝

Թող փշե քամին պաղ-պաղ երեսիս,
Վերեն, ամպերեն սաստիկ ձյուն թող զա,
Յորքան որ կուզի թող փշե հյուսիս,—
Հուսով եմ վաղ-ուշ զարունը պիտ զա (ԾՊԵ, 178):

Որտեղ էլ մահը քեզ հասնի մի օր,
Որ լուսնի տակ էլ հանձնեն քեզ հողին,
Հայրենի դաշտում, թե մի հեռավոր
Անհայտ հողի տակ քեզ ծածկեն լոին,—

Քո գերեղմանը շի կորչի խռով,
Առանց շիրմաքար շի մնա երկրում (Շիրաղ):

Համեմատիր/ Եւ որ ոք լնթերցցի զայս աղերս ձայնի,
մաղթանաց գոշման, աղօթից հայցման, ծերոյ և տղայոյ, կու-
սի և երիտասարդի և ներէ աղախնաց ոք պաղատեսցի աս-
տուածսիրաբար, Հաւասարապէս անաշառութեամբ ընկալ-
ցին ի քէն մասն երանութեան, պարտուց աղատութեան, հաս-
տեալ վերստին յանարատութիւն նորոգ մաքրութեան
(Գն, Ղ, 5):

Զիջական պարբերուցթների առաջին մասը բաղկանում է
թվարկվող երկրորդական նախադասությունների շարքից, իսկ
նպատակի պարբերուցթների, որոն հակառակ, առաջին մասը
կազմում են գլխավոր նախադասություններից, որոնք փակ-
վում են նպատակի երկրորդական նախադասությամբ, ընդ
որում, երբ այս երկրորդական նախադասությունը վերաբերի
ամբողջ առաջին մասի շարքին, ապա պարբերուցթը ավելի
ամբողջական ու լրիվ է լինում, քան այն դեպքում, երբ նպա-
տակի երկրորդական նախադասությունը առնչվում է թվարկ-
վող նախադասություններից մեկին (վերջինին): Համեմատիր.

Ոչ հնախօսութիւնք եղնալ մերոյ աշխարհիս և ոչ ընդ
ամենայն յունականսն անցանել ատակեալ սակա կարճութեան
ժամանակին. նա և ոչ մատենագրութիւնք Դիոդորի ի հուալ առ
մեզ են,— զի ի նմա պահելով զակն՝ անմոռաց անցանէաք
ընդ բնաւն, զի մի՛ ի մէնջ մնասցէ ի գլխատրացն և ի պիտա-
նեացն, և արժանի յիշատակի մերոց շարագրութեանց (ՄԽՊՀ,
Յ-րդ, Ա):

Բան մը շէր պահանջէր իր սիրոյն փոխարեն, ոչ իսկ իմ
սերս. իր բոլոր ուղածը թույլտվություն մըն էր հավիտյան
զիս շրջապատելու իր անհուն խանդաղատանքովը, հսկելու
վրաս, թող շտալով որ հիվանդանամ, իր խնամքներեն շին-
ված տեսակ մը խանձարուրի մեջ ամփոփելով իմ բոլոր
կյանքս ու շարժումներս, որպեսզի ցավ մը կամ վիշտ մը շու-
նենամ երբեք (ԳԶԵՓ, 1-ին, 36):

Առաջին օրինակում նպատակի նախադասությունը առնչվում է պարբերութիւնի առաջին մասի վերջին նախադասության հետ, իսկ երկրորդ օրինակում առաջին մասը ձևավորվում է լրացուցիչ համասեռ անդամների թվարկությամբ, իսկ երկրորդ մասը կապվում է հենց այդ թվարկվող բոլոր անդամների հետ:

Ավելի կատարյալ նպատակի պարբերությունիր են կազմվում, երբ գլխավոր նախադասությունները համասեռ են և շեն միջնորդված հնչերանդացին ընդհանուր գիծը բեկող կողմնակի անդամներով. օրինակ՝

1 Ու դաշտ են ելնում հարս ու աղջիկներ,
Որը՝ սիրեխի, որը դանդուրի.
2 Մերթ ցվրվում են
3 Ու մերթ կուտակվում,
4 Մերթ կուանում են
Ու մերթ շիտակվում,
Մերթ ուրախ ճիշով
Ասես կարուտով
Իրար են պարզում
Լխտիկ թևերը,
Ցուցադրում են
Կարծես թե դիտմամբ
Փակ մարմինների բոլոր ձևերը, —
Որ աբեղային անհուր խորովեն,
Որ աստված ու նա կովեն, խոռովեն (ՊՍԱԶ, 35):

Արդ՝ ելից ի մտաց երիվարն և յարմարեցից զասպարէղն հանճարոյ, զուղղեցից զնպատակն խորհրդոյ և թափտաց ուժիքազկօքս և ձգտեցից ի կորովս գրշի մատանցս և լեզուաւաղիորհուրդս յուղեցից, և շրթունքս ի շնչել իմաստունս կարասցեն և կարգել հաստատական յեղեղուկ հոլովել զանիւպատմութան բանիցս զի կամակարագոյնս նաւիցեմք զալիօք ժամանակագրական ծովուս (Ազաթանգեղոս, 18):

Հաճախ պատահում է նաև, որ պարբերութիւնի առաջին

մասը կազմվում է նպատակի երկրորդական նախադասություններից։ Այսպիսի կառուցվածքը համարվում է շարադասկան շրջում, որ կիրառվում է ոճավորված խոսքի կամ բանաստեղծության մեջ։ օրինակ՝

Քեզ հարվածողին որպեսզի դարկես
Եվ տնեցվածքդ ու կյանքդ փրկես,—
Պիտի զարկողին իր զարկից զրկես (ՊՍԱԶ, 71):

Պատճառի պարբերույթների առաջին մասը կազմվում է համասնունախադասությունների շարքից, որոնք արտահայտում են գործողություններ, իսկ երկրորդ մասը ցույց է տալիս այն պատճառը, որով հիմնավորվում են առաջին մասում հաղորդված բոլոր երևույթները։ Ուրեմն պատճառի պարբերույթների առաջին մասը դիմավոր նախադասությունների շարք է, իսկ երկրորդը պատճառի շաղկապներով կապակցվող երկրորդական նախադասություն կամ այդպիսի նախադասությունների շարք։ օրինակ՝

Ես այդ նորընտիր կաթողիկոսին շատ ու մեծամեծ սխրագործություններ չեմ պահանջում. չեմ պահանջում նուն նորամեն ռշայոց եկեղեցին կերպարանափոխությունը ու.եց մինչև գլուխաց, չեմ պահանջում անուն անմահացնող և հոշակի փայլ տվող կոթողներ, արձաններ և արձանագրություններ—այդ ամենը չեմ պահանջում նրանից, վասնզի նրանց մեջ ողգիս համար մեկ առանձին օգուտ չեմ տեսնում (ՌՊԵ, 508)։

Այսպես ուրեմն՝ բախտը թող շտվավ, որ Ֆելիկյանը խնդա՞ օր մը Գում Գարու երթալու տեղ սխալմամբ Ֆերիզեղ կերթա, օր մը իրիկվան դեմ հելվածին հարյուր տրամ հելվա տոնելու կերթա ու հելվային տեղ հելվածիին լապտերը կառնե տուն կդառնա, օր մը փողոցին դացած միջոցին կույրի մը կդարնվի, կիյնա ոտքը կցավցնե, որովհետև գիշերները մտատանջութենեն շկրնալով քնանալ, ցերեկները բալած ատենը կը քնանա (ՀՊԲ, 1-ին, 370)։

Եթե պատճառի պարբերույթի առաջին մասը սկսվում է դիմավոր նախադասություններով, ապա պարբերույթը ունի

ինքնուրույն սկիզբ, իսկ երբ առաջին մասը համասեռ երկրորդական նախաղասությունների շարք է, ապա այդպիսի պարբերույթը ինքնուրույն սկզբից զրկվում է. մեծ մասամբ այդպիսի երկրորդական նախաղասությունները իրենց բովանդակությամբ առնչվում են խոսքի նախորդ մասերի հետ. օրինակ՝

Նկատելով որ Ռուսաստանի մեջ կուսինյան մը կա, որ նամակով ինձի կիմացունե թե ես իրեն եղբոր որդին եմ. նկատելով որ բոլոր եղբայրներս կուսինյան մականունը կը գործածեն. նկատելով որ Հարազատ եղբայրներու մեջ տարբեր մականուններ գործածելն անտեղի է,— ես ալ որոշեցի, որ այսուհետեւ կուսինյան գործածեմ (ՀՊԸԵ, 1-ին, 196).

Պատճառի պարբերույթի մյուս տեսակը այն է, երբ առաջին մասում թվարկվում են զլիսավոր նախաղասությունները, իսկ երկրորդ մասը իրու պատճառի երկրորդական նախաղասություն հիմնայուրում է առաջին մասի ամբողջ թվարկվող շարքը միասնաբար. օրինակ՝

Եվ քանի որ ես ինքս ինձ անձամբ մատնեցի մտհվան
իմ ինքնագրությամբ,

Ու շկանցնեցի երբեք ինչպիս մարդ՝ ոտքի,
Ու ոչ էլ ստացա սիրտ բանականի, զրքի համածայն,
Չթողի նախկին մեղանշումներն իմ ու շփոխվեցի,
Չընթացա ուղիղ ճանապարհով ես,—

Ինչու խավարի հետքերը խոտոր ցուց շտամ ես այս
խոսքի սկզբում (ԳՆՄՌ, 86):

Համեմատիր միևնույն հեղինակից բերված հետեւյալ օրինակը.

Հնար շի լինի ոչ խոսքով արդարանալ, ոչ վերարկուի
տակ պահվել,

Ոչ դիմակավոր կեղծել և ոչ երեսպաշտ խոսքերով մոտենալ,
Ոչ շինծու ձևերով խաբել, ոչ կցկառու բառերով ստել,
Ոչ արագոտն փախչել, ոչ թիկունք դարձնել,
Ոչ երեսն ի վար՝ դիմքն հողին քսել
Եվ ոչ երկրի խորքերում թաքնվել,—

**Քանդի ծածկվածները բաց են քեզ համար և աներեւյթները
հրապարակված (նույն տեղում, 16):**

Որպեսդի կիսատ խռոքի տպավորություն շստացվի, պատ-
ճառի երկրորդական նախադասություններով սկսվող պարբե-
րույթները հաճախ ունենում են սեփական սկիզբ, որը հան-
դես է գալիս որևէ դրույթի ձևով, և որին հետեւում են երկրոր-
դական նախադասությունները իրեւ այդ դրույթի պատճառա-
բանություն, իսկ պարբերույթի երկրորդ մասը գլխավոր նա-
խադասություն է, որ կամ մի տեսակ կրկնություն է պարբե-
րույթի սկզբում դրված դրույթը և կամ այլ բովանդակության
նախադասություն է. այս վերջին դեպքում պարբերույթի
սկզբում առաջ քաշված դրույթը զուտ ներքին բովանդակու-
թյան կապակցման հենարան է՝ ամբողջականություն և ա-
վարտվածություն ստեղծելու համար. օրինակ՝

❖ Եվրոպական և ուստական թերթիրի էջերը մեծ մասամբ
բռնված են քաղաքական հարցերով. ինչո՞ւ, որովհետև այդ
ժողովուրդները ապրում են քաղաքական մեծ պայքարներով,
❖ Երկիրներ ու ազգեր տիրելու և կառավարելու ծրագիրներ
ունեն՝ առևտուրի մեծ շուկաներ ու ազգեցությունների ասպա-
րեզներ ձեռք բերելու խնդիրներ ունեն, միլիարդներով փոխա-
ռություն անելու, դաշնակցություններ կապելու հոգսեր ունեն,
❖ Խաղում են իրենց ահոելի ուժերով, աշխարհներ ու ազգեր
են շարժում և արթուն, ուշի-ուշով հետեւում են ամեն մեկը
մյուսի կամ ամբողջ աշխարհի քաղաքական կյանքի ընթաց-
քին մանրամասն հաշվի են առնում դիմացինի այս կամ այն
շարժումը նավերի թիվն ու զորաբանուկը, աշխատում են
գուշակել մեկը մյուսի տեսակցությունն ու խոսակցությունը,
❖ Դրադվում են դրանցով, խորհրդածություններ են անում և այդ
պատճառով իրենց թերթերն ու հողվածներն էլ նվիրում են
դրանց (ՀԹԵԺ, 4-րդ, 149—150):

Ճիշտ է, այդպիսի պարագայում պարբերույթի երկմաս-
նությունը որոշ շափով խախտվում է, բայց բովանդակության
տեսակետով այն ավելի ամբողջական է և ավարտված:

❖ Պատճառի պարբերույթները կապակցվում են այն բոլոր
պատճառական շաղկապներով, որոնք քննված են մեր «Հայե-

րենի շարահյուսություն» աշխատության մեջ (տե՛ս Հ. II, էջ 208—216):

Տեղի պարբերույթը երկու ձևով է արտահայտվում. տեղի պարագայական նախադասությունները թվարկվում են նախադասության սկզբում և կազմում են պարբերույթի առաջին մասը, իսկ երկրորդ մասը գլխավոր նախադասությունն է, որ սկսվում է այնտեղ բառով. օրինակ՝

ՀՈՒՐ ՍՈՒՐ ԺԵՐԱՊԵՐՈՎ ԱՀԵՂ ՑԻՐ Ու ցան,
ԼԵՌՆԵՐՆ ԵՆ ԲԱՂՄԱԾ ԲՆՈՒԹՅԱՆ ԱՐՃԱՆ,
ՉՈՒՐ ՄՈՒԹ ԱՄՎԵՐՆ ԵՆ ԳՈՒՆԴԱԳՈՒՄԴ ՎԻՆՎՈՎ,
ՀՓԱՋԼԱԿ ԿԱՅՃԱԿՈՎ ԻՐԱՐ ՀԵՄ ԿՈՎՈՎ՝
ԶԱՐՆԵԼՈՎ ՄԻՋՅԱՆԳ ԵՐԿԻՐ Ու ԵԹԵՐ,
ՄԻՌԱՋԻՌՈՏՈՎ ԵՆ ՀԱՐ ԿԱՅՃԱԿԻ ՉԱՆԹԵՐ,
ՀԽԱՂՈՎ ԵՆ, ԳՈՌՈՎ ճԱՅԹՅՈՒՆ ՈՐՈՏՈՎ,
ԴԵՋՈՎ ԼԵՌՆԵՐԻՆ, ԺԱՂՐՈՎ ԿԱՐՈՏՈՎ,—
ՄԵՋՆՏԵՂ ԳԻՉԵՐՎԱ ԽԱՎԱՐԻ ՄԻՉԻՆ
ՄԻ ԽԱՐՈՎԵԼ ՎԱՌՎԵԾ ԼԱՎԼԱՐԻ ԼԱՆՉԻՆ (ՎՄՂՈ, 38):

Եթե ուր հարաբերականով կապակցվող որոշիչ երկրորդական նախադասությունները թվարկվելով դառնում են պարբերույթի առաջին մաս, իսկ դրանց հաջորդող գլխավոր նախադասությունը սկսվում է տեղ ցուց տվող որևէ բառով, ապա այդպիսի կապակցությունը դադարում է որոշիչային լինելուց. այստեղ արդեն հարաբերությունը տարածական բնույթ ունի. Այսպիսի կառուցվածքները նմանվում են նախորդին և նույնպիս կազմում են տեղի պարբերույթներ՝ օրինակ՝

ՀՈՒՐ ԱՊՈՎԱԿՆԵՐԸ ՄԱՅՆՊԵԼ ԿԱՐԿԱՉՈՎ
ԴԻՄՈՎ ԵՆ ՃՈՐԵՐ, ԼԵՆՈՎ ՀԱՊԱՉՈՎ,
ՀԺԱՅՊԵՐԻԳ ԺԱՅՊԵՐ ԹԱՓ Առած ՈՒԺՈՎ
ԹՆԴՈՒՆ ՄՐՈՏՈՎ ՓԻՐՓՐՈՎ Է ԶՐՎԵԺ,
ՄՈՒՐԵՐ ԿԻՄԱՅ ՀԻՆ ԱՊԱՊԱԺՈՎ
ԶԱՐԴՎԵԼՈՎ անհույս, ԵՐԳՈՎ Է ՎՐԵԺ.

Ուր զեփյուռ մեղմիկ ցրվելով բռւյրը,
 Սուզում է սիրտը վայելքի ծովում,
 Հսկ թարմ շուրթերի կույսի համբույրը
 Ծաղիկների հետ անմեղ բարեռում.
 Ուր զգացումն է բռնկում հուժկու,
 Աղավնուցը հեղ, արծվից ահարկու
 Որսի հրաթափ գնդակի թոփ,
 8 Զրվեժի վայրի երգը ձորերում,
 Ամեն մի հնչյուն անուշիկ թովիչ
 Անցնում է սիրտը՝ նրանով փարուսում,—
 Այն կամարի տակ՝ անսահման կապույտ
 Լալվարն է ղարթնում հարսի պես անփույթ

(ՎՄՂՌ, 41):

Մյուս ձեր այն պարբերույթն է, որի առաջին մասը
 սկսվում է այնտեղ ձևական բառով, ապա նրան հաջորդում
 է տեղի պարտգայական նախադասությունների շարքը, և առաջ
 հաջորդում է գլխավորը իրեւ պարբերույթի երկրորդ մաս՝
 սկսվելով դարձյալ այնտեղ բառով։ Այսպիսով պարբերույթի
 առաջին մասը օղակաձև շրջանակում է այնտեղ բառով.
 օրինակ՝

Այնտեղ, ուր լեռները խրոխտ դեպի երկինք են խոյանում,
 2 ուր արծիվները սավառնում են երկնային բարձրություննե-
 րում՝ իրմին ակնդետ, ուր եղերուներն են թոշում ծերպից
 ծերպ, — այնտեղ իմ կարոտ սիրտն է թափառում։

Սրա հետ համեմատիր որոշիշալին հարաբերություն ար-
 տահայտող հետեւյալ պարբերույթը։

Այն ափերում, ուր վու, օ՛, տարիներ առաջ,
 թափառելով սիրո երգեր էիր գրում
 Եվ գուրգուրում իրեւ սերունդների երազ
 Այն, որ թաղված մնաց քո գրքերում, —
 Այն ափերում հիմա մի բարբարոս հովիսվ,
 երաղելով քեզ պես կնոջ ղղվանք ու սեր,

Ունկնդրում է միայն շշուկներին հովի
եվ երգերի տեղ քո, երգում անբառ մի շեր
(ԵԶԸ, 252):

Չափութեան ալարբերույթները սկսվում են չափութեան ալարբերույթների նախադասությունների թվարկվող շարքով, որ դառնում է պարբերույթի առաջին մաս, իսկ սրան հաջորդում է դիխավոր նախադասությունը կամ նախադասությունների շարքը՝ այնքան շաղկապական բառով. օրինակ՝

Որքան դաշտեր որ կան,
Որքան որ կան լեռներ,
Որքան գյուղեր, հյուղեր
Ու քաղաքներ հսկա,—
Կուղեմ ողջույն այնքան
Հողուս խորքից թևեր,
Կուղեմ ամեն ժխոր
Հողիս ապրի, զգա (ԵԶԸ, 137):

) Ու մեր աշքի առջև հետղծետե քանի ժողովրդասիրական ղգացմունքներն ուժեղացան, քանի դեմոկրատական ուսմունքներն ու հայացքները խորացան, ծավալ առան, քանի տառապղ հայրենի երկիրն ու բնիկ ժողովուրդը ուշադրություն դրավիցին, էնքան ավելի ու ավելի երեան եկան, ճանաշվիցին ու սիրվեցին հայ ժողովրդի ազգային ստեղծագործությունները, նրանց թվում նաև լեզուն և ամենից առաջ լեզուն (ՀԹԵԺ, 4-րդ, 378):

Ինչպիս երեսում է բերված օրինակներից, ըստ նշանակության չափութեան ալարբերույթները երկու բնույթ ունեն. մեկը արտահայտում է իսկական չափութեան ալարբերույթը մասը կազմում է մատնանշում:

Բաղդատության պարբերույթի առաջին մասը կազմում էն բաղդատության երկրորդական նախադասությունները, որոնք համեմատության միջոցով պարզում են այն, ինչ որ

ասվում է Երկրորդ մաս Հանդիսացող գլխավոր նախադատության կամ նախադասությունների մեջ. օրինակ՝

Հնչպես որ աշնան արևը աղոտ
Չէր սթափիցնելու մեռնող տերեներ,
Հնչպես արհեստը ծաղկանցը անհոտ
Կորուսած բույրը էլ հետ տալու շէր,—

Նույնպես քո սերը նորից բորբոքված
Իմ մարած հոգուն հարություն շի տա,
Քեզ համար, հոգյակ, իմ սիրոց մաշված
Այլնս շունի նույն սերն, հավատա (ՀՀՀ, 16):

Պարբերույթի առաջին մաս կարող են կազմել նաև ենթակա Երկրորդական նախադասությունները, երբ թվարկվում են սկզբում, իսկ սրանց հաջորդում է գլխավոր նախադատությունը իբրև պարբերույթի երկրորդ մաս. օրինակ՝

Ասում են ով որ միշտ վառ հավատով
Գալիս է Լալվար որևէ ուխտով,
Խնդրում, աղերսում քաջ Սուրբ-Սարդսին,—]
Հասնում է անշուշտ սրտի մուրազին
(ՎՄՂՌ, 42):

Ստորադասական կապակցությամբ արտահայտվող պարբերույթը արտահայտում է Հետևանքային հարաբերություն ևս: Առաջին մասում թվարկվում են մի շարք փաստեր ու երեվույթներ, որոնք իրենց ամբողջության մեջ հիմք են դառնում մի Հետևանքային գործողության. օրինակ՝

Այդ օրը նա այնքան էր վազել, այնքան էր սրան-նրան դիմել, շայնքան էր նվաստացել իրենից ցած կանգնած մարդկանց առաջ, որ հոգնել և կորցրել էր ախորժակը:

ՇԱՐԱՀԱՐԱԿԱՆ ՊԱՐԲԵՐՈՒՅԹ

Պարբերույթները կառուցվում և ամբողջանում են ոչ միայն այլեայլ շաղկապներով ու կապակցական բառերով, այլև առանց շաղկապների, զուտ շարահարական եղանակով։ Այս դեպում պարբերույթի երկու մասերի հարաբերությունը պայմանավորվում է այդ մասերի նշանակությունների փոխադարձ կապով և նրանց կառուցվածքով։ Իբրև կապակցման միջոց առանձին նշանակություն հն ստանում կշռույթը և հնչերանգը, որոնցով հենց որոշվում են պարբերույթի մասերի սահմանները։

Շարահարական պարբերույթների մեջ ցայտուն կերպով է դրսեւրվում հակադրական հարաբերությունը. առաջին մասում թվարկվում են գործողություններ, առարկաներ, երեւույթներ, իսկ երկրորդ մասը հակադրվում է դրանց։ Առաջին մասը երկրորդից տարբերվում է իր թվարկվող բարձրացող հնչերանգով, հակադիր նշանակությամբ. երկրորդ մասը ունենում է իջնող հնչերանգ, մատնանշում է հակադիր դրծողություն, երևույթ, առարկա, և անպայման փոփոխվում է ենթական. օրինակ՝

Մահու պես դաժան ձմեռն է իջել,
Մարել են մեռել երգ, ձաղիկ ու բույր, —
Գու քար ցրտում էլ, ձյուների մեջ էլ,
Հավետ կենդանի, կարկաշուն աղբյուր
(ՎՃ, I-ին, 87):

Եյ, բարով դնաս, սիրելի թոշուն,
 Դարուն կբացվի, ևտ կուգաս կրկին,
 Զուգով-ընկերով կուգաս դեպի տուն՝
 Քո բունը հերվան չինարու գլխին,—
 Ախ, ես բնավեր, ընկած սարե-սար,
 Ու քաշ եմ դալի, ու քաշ եմ դալի,
 Անքուն ջրի պես դիպչում քարե-քար,
 Անշուն քարին էլ երնեկ եմ տալի

(ՀԹԵԺ, 1-ին, 124):

Շարահարական պարբերույթը հակադրության հետ արտահայտում է նաև զուգադրական հարաբերություն. օրինակ՝

Կոռնկն երկնքում ճամփա կհանի,
 Կըռ, կըռ, ձեն կուտաւ էն խավար ամպում,—
 Ղարիբ մոլորել՝ շիտե ինչ անի
 Անգութ աշխարհքում, անծանոթ ճամփում

(Թումանյան):

Թուլիշ քնքշությամբ հանգող աշխարհում
 Երեկոն վառեց լույսեր դժգունակ.
 Մութը հյուսում է տրտմության մանյակ,
 Մաղիկներն անուշ բույր են բուրվառում,—
 Իմ սիրալ տրտում, իմ սիրտը մենակ

(ՎՏ, 1-ին, 44):

Հակադրական ու զուգադրական պարբերույթներ երբեմն կազմում են մեր ժողովրդական երգերի որոշ քառատներ, ուր առաջին մասում թվարկվում են բնության երեսույթներ, իսկ երկրորդ մասը հակադրվում կամ զուգադրվում է դրանց՝իրեն հողերանական երեսույթ, իրրև սիրո, մտերմության, տիսրության արտահայտություն. օրինակ՝

Ամպել ա, ձուն շի գալի
 Մթննլ ա, ստան շի գալի,—
 Էս անտեր տեղի միջին
 Առանց յաշ քուն շի գուլի:

Համեմատիր սրա հետ Տերյանի հետեւյալ քառատողը, որ ժողովրդական երգի հետևողությամբ է ստեղծագործված.

Լույսն է մեռնում, օրը մթնում,
Մութը տնից տուն է մտնում,—
Ես տեսա քեզ իմ ձամփի մոտ,
Իմ մտերիմ, իմ անծանոթ

(ՎՏ, 1-ին, 4):

Սողում են դանդաղ օրերը անծիր,
Կորած է մթնում մոլոր իմ ուղին,—
Քնքուշ խոսքերով թախիծս ցրիր,
Անխոս ամոքիր ցաված իմ հոգին
(Նույն տեղում, 27):

Շարահարական պարբերույթները հակադրություն կտև ղուգադրություն են արտահայտում նաև անուղղակի կերպով. բուն հակադրվող երկրորդ եղրի բովանդակությունը արտահայտվում է կողմնակիորեն:

Գիշեր է իշել, լուել են բոլոր
Աղմուկները շար, խոսքերը պատիր,
Զրերը մեղմիկ երգում են օրոր,—
Սիրտ իմ, հանդարտիր
(ՎՏ. 1-ին, 115):

Խսկական հակադրություն կլիներ, եթե ասվեր՝ իմ սիրար անհանգիստ է և բողոքում..., բայց հենց այն նշանակությունը կողմնակիորեն է հուշվում, այսինքն՝ հանդարտել բայի հրամայականով իմանում ենք, որ այն անհանգիստ է:

Շարահարական պարբերույթները արտահայտում են հետևանքի, եղրափակման հարաբերություն. առաջին մասը կազմում է նախադասությունների կամ դարձվածների ու բուռակապակցությունների թվարկվող շարք, իսկ երկրորդ մասը այդ թվարկման եղրափակումն է՝ իբրև նրանից բխող հաղորդում: Պետք է նշել, որ այս դեպքում լարվածությունը բավա-

կանալափի ուժեղ է, հնշերանգային շրջադարձը կտրուկ է և նկատելիորեն ընդհատվող. օրինակ՝

Նեվ ահա խառնեալ զանմաքուրս բան ընդ նախագրեալ երջանկացն փառատրական աղերսարկութիւն, որ վասն իմ գոշին քեզ ի հաճութիւն, և նույն ընդ նոսին իբր դառնութիւն եղեալ ընդ քաղցու կամ տատասկ ընդ ողորկութեան, տղեղութիւն ընդ վայելլութեան և տիղմ ընդ գեղեցկութեան մարդարտի, կամ հող ընդ յստակութեան ուկոյ և կամ քարինս անարգս ընդ պայծառութեան արծաթոյ, բացասութիւն ընդ ճշմարտութեան կամ աւազ ինչ ատամնառու ընդ կակղութեան զանգուածոյ հացի, արդ լուր, հզօր, հնարաւոր, գովեալ, զնոցայն վասն իմ և զիմս ընդ նոսին ի նոցին գովեստ, ի փրկութիւն իմ ի փառս քո, ամենագութ բարերար, օրհնեալ, երկայնամիտ, կարող, անքնին, անճառ, անեղծ և անստեղծ (Գն, ԶԲ, 5):

Մենք այստեղ փաստորեն քննեցինք պարբերույթների երեք հիմնական տեսակներ՝ համադասական, ստորադասական և շարահարական: Այսպիսի քննությունը Հիմնված է պարբերույթի քերականական առնչությունների վրա, այսինքն՝ այսպիսի բաժանումը զուտ քերականական է. բայց քերականական բաժանումը զուտ ձևական բնույթ չունի, տարբեր կապակցությունների քննության հետ բացահայտվեցին այդ կապակցությունների իմաստային հարաբերությունները:

Անկախ այս կապակցություններից նշվում է պարբերույթի մի այլ ձև, որով կարող են կազմավորվել վերոհիշյալ երեք կապակցությաններին ենթակա պարբերույթները. այսպիսի պարբերույթը կոչվում է ընդհանրական. սրա առաջին մասում թվարկվում են գործողություններ, առարկաներ, երևոյթներ, իսկ երկրորդ մասը մի ընդհանրացնող պնդում է, որ վերաբերում է ամբողջ առաջին մասի թվարկված շարքին. օրինակ՝

Թե երկրագործն է հորովել կանչում,
Թե մայրը որդուն օրորք է ատում,

Թե հովիվն իրան սրինգը հնչում, —
Մի հուսակտոր հառաշքն եմ լսում
(ՀԹԵԺ, 1-ին, 30):

Ընդհանրական պարբերույթները շատ ավելի ցայտուն ու որոշակի են, երբ երկրորդ մասը սկսվում է ընդհանրացնող որևէ բառով կամ բառակապակցությամբ. օրինակ՝

Իր բոլոր ջանքին հակառակ իմ սենյակս միայն չկարողացավ կարգի կանոնի բերել. օրը տասն անգամ կը շտկեր ու տասն անգամ կ'ավրոշտկեի իր բոլոր տանտիկինի խնամքին արդյունքը. զգեստներս հոս կնետեի ու ճերմակեղեններս հոն, դիրքերս ցիրուցան բաղմոցին վրա կամ գետինը անկյուն մը ձգված, — և այս բոլորը հարյուր անգամ իր տեղը կդրվեր, ժամ մը վերջը առաջի վիճակին վերադառնալու համար (ԳԶԵԺ, 1-ին, 31):

Ամեն օր խանութը փակելուց հետո գրանները լցրած տուն էր գնում. Ներբեմն տանում էր բրինձ, ներբեմն շամիչ, իշտ անգամ կաղին և ընկույզը ուրիշ անգամ զանազան բաներ, ներբեմն էլ շայ ու շաքար, մեկ խոսքով նրա այրի մոր համար ապրուստի հորդահոս աղբյուր էր բացվել (ՌՊԵ, 498):

Դ Փակել թատրոնը ցրել խումբը մի ամբողջ տարվա իմ աշխատանքը համարել շնորհած իմ ծննդավայրում հայաշունչ թատրոն ստեղծելու իմ ոսկի երազը լոկ բանդագուշանք, — ահա թե ինչը չէի կարող հանդուրժել (ՎՓՀՀ, 1-ին, 285):

Երբեմն պարբերույթի առաջին մասը սկսվում է ընդհանրացնող բառով, ապա թվարկվում են դրա բովանդակության մեջ մտնող առանձին երևույթները, իսկ երկրորդ մասում կրկնվում է այդ ընդհանրացնող բառը կամ բառակապակցությունը. օրինակ՝

Բոլոր շարշարանքները՝ թե կրթություն ստանալու ջանքերը, թե տուն ու ընտանիք ստեղծելու համար կատարած գոհողությունները՝ թե որևէ հարմար կին գտնելու փորձերը, բոլորը, բոլորը բզուր անցան:

Եյսպիսի պարբերույթները յուրահատուկ օղակ են կաղմում և ունեն այն ոճաբանական նշանակությունը, որ կար-

ծես ամբողջ կառուցվածքը սկսվում և վերջանում է միևնույն որակի հնչարտաբերական հնարավորություններով. սակայն իրականում այդպես չէ. մենք արդեն տեսանք, որ պարբերույթի առաջին մասը այլ բարձրության հնչերանգ ունի, իսկ երկրորդը բոլորովին հակադիր է: Բացի այս, օդակի երկու եղրերը տարբեր տրամադրություններով ու հուզարտահայտշական լիցքով են հնչվում. երբ նոր ենք սկսում, դեռևս անհաղորդող ենք խոսքի իմաստային ու ոճական ամբողջությանը, ուստի օդակը առաջին եղրում դեռևս անարտահայտիչ է հնչվում, իսկ երբ արդեն զգում ենք բանաստեղծությունը և տարվում նրա հուզարտահայտշական հարստությամբ, կը բերնվող մասը ստանում է նոր գոնավորում և հնչարտաբերական նոր լիցք:

Պարբերույթի մի առանձին տեսակ է համարվում հենց այսպիսի օդակային ձեւը՝ Ընդհանրական օդակային պարբերույթի մեջ երկրորդ մասը այնուամենայնիվ ունենում է բառական այլ թեմա իր ինքնուրույն ձեւավորվածությամբ, որ կազմում է պարբերույթի, երկրորդ մասը՝ օդակային տարրի կրկնությամբ. սակայն բուն օդակային պարբերույթի մեջ երկրորդ մաս է կազմում առաջին մասի սկզբի արտահայտությունը նույնությամբ կամ որոշ փոփոխությամբ. օրինակ՝

Առաջին անգամ, առաջին անգամ
Աստ Վեհարանի հին պատերի մեջ,
Սրբազնութեն թուրք երգ է մխում
Աստ՝ հայոց հոտի այս սուրբ փարախում,
Հովվապետն ինքը ականջ է կախում
Ինչ-որ մի մանկան անօրեն երգի,
Աստ՝ ուր հնչել են մեղեղիք ոսկի՝
«Հայր մեր», «Տէր կեցո», «Արեգակն արդար»,
«Բարեխօսութեամբ» կամ «Խորհուրդ խորին»,
Ուր գրաբարն է հնչել դարեղար,
Եվ շարականն է հուզել բոլորին,—

Աստ՝ Վեհարանի հին պատերի մեջ

Առաջին անդամ, առաջին անդամ
Սրբապղծության մանանեխն ընկալ (ՊՍԱԶ, 20):

Մաքուր օղակի օրինակ է Տերյանի հետեւյալ
պարբերությը.

Երանի նրան, ում մի մայր գթոտ
Օրորում է իր երգով հնամյա,
Ում չի սարսեցնում մի ահ անծանոթ,
Ով հայրենական տուն ունի հրմա,
Ով պարզ է ժայռում արևոտ օրվան.
Ով խաղաղ սրտով մտնում է շիրիմ,
Հազար բյուր անդամ երանի նրան

(ՎՏ, 2-րդ, 56):

Այս ձեւական օղակին հար և նման է իմաստային կամ
ավելի ճիշտ կառուցվածքային օղակը. պարբերութի առաջին
մասը սկսվում է գլխավոր նախադասության մի մասով, սրան
հաջորդում է երկրորդական նախադասությունների շարքը, "որ
փակվում է գլխավոր նախադասության մյուս մասով. օրինակ՝
իմ առարկությունը, որ օրիորդը առնվազն տասնհինգ տա-
րով մեծ էր ինձնից՝ որ ուսուցչուհիս էր եղել, որ վերջապես
կարիք չէի զգում ամուսնության ընդհանրապես և այդ ամուս-
նությանը մասնավորապես, } համոզիչ շեղավ ճկութեալ, 1-ին,
286):

ՊԱՐՔԵՐՈՒՅԹԻ ՈՃԱԲԱՆԱԿԱՆ ԲՆՈՒԹԱԳԻՐԸ

Ինչպես արդեն ասվել է, պարբերույթը երկու մասից է՝ կազմված, որոնք որևէ առնշությամբ հակադիր են միմյանց։ Պարբերույթի առաջին մասին հատուկ է բարձր և աստիճանաբար բարձրացող Հնշերանդ, իսկ երկրորդը, հակադիր նախորդ մասին, ունի ցածր և անընդհատ ցածրացող Հնշերանդ։ Պարբերույթի առաջին մասը գտնվելով Հնշերանդային շարունակ բարձրացող ընթացքի մեջ մշտապես, համապատասխան բարձրացմանը, սրվում է ու լարվում։ Որքան մասի մեջ տեղավորված անդամները անընդհատ արտաքերվում են բարձրացող Հնշերանդով, նույն շափով էլ լարման աստիճանը մեծանում է, և ընթերցողն ու լսողը դրվում են սպասողական վիճակի մեջ։ Հնշերանդային լարմանը զուգընթաց զարգանում է նաև իմաստային կողմի լարումն ու հարստացումը, այս բանը առավել նկատելի է մանավանդ այն ժամանակ, երբ գրողը կամ խոսողը առաջին մասի թվարկվող անդամները շարադասում է այնպես, որ նշանակություններով ոչ հարուստ անդամներին աստիճանաբար հաջորդում են լիցքավորված, նշանակություններով առավել ցայտուն անդամներ, որոնք իմաստային և ոճաբանական արտահայտչությամբ բարձրացնում ու մեծացնում են մասի լարման աստիճանը։ Եվ Հնշերանդային բնական բարձրացման ու լարման զուղակցվում է նշանակությունների տճավորման նպատակային լարվածությունը, որը պարբերույթային բնագրի մեջ յուրահատուկ հնշեղություն է հաղորդում։ Ահա մի օրինակ այդպիսի պարբերույթի, որտեղ

առաջին մասը կառուցված է աստիճանի (կլիմաքս) ոճաբար-
նական հնարներով և պարզ ու բացորոշ ցուցադրում է վերո-
հիշյալ մեկնարանությունը.

Առյուծի զարթելից մի փոքր առաջ Սահարա անապատի լոռւ-
թյունը՝ հորանից հետո առյուծի քանի-քանի անգամ ամպրո-
պաձայն մոնշելը՝ հետո ավելի և ավելի սաստկացնելը յուր ահեղ
մանշունը՝ հետո արյունառուշտ հարձակման պատրաստությու-
նը, հետո սպառազինված որսորդների հանդիպելը, հետո կատա-
ղի պատերազմը երկուստեք, հետո հրացանների ճայթմունքը
խառն առյուծի մոնշելուն, հետո վիրավորված և հոգեվարք գա-
ղանի ոռնալը և վերջապես որսորդների հաղթության երգը, —
այս ամենը պատկերացան լսողի երևակայության մեջ Սուան-
նայի ճարտար և խոսուն մատերի գորությամբ (ԽՊԵ, 405):

Որքան շատ են առաջին մասի թվարկվող անդամները,
այնքան լարվածությունը ուժեղ է. լարվածության ուժգնու-
թյունը կախված է նաև անդամների բեռնվածության աստի-
ճանից: Համառոտ և հատու արտահայտությունները նույն
ուժգնությամբ չեն արտարերվում, ինչպիսի ուժգնությամբ ար-
տարերվում են ընդարձակ և լրացումներով օժտված անդամ-
ները: Այս վերջինները իրենց հիմնական հնշերանգային
գծին միացնում են լրացումների արտարերական յուրահա-
տուկ հնշերանգային նրբությունները, հարստացնում և ուժե-
ղացնում են հիմնական հնշերանգային շղթայի լարվածությու-
նը, ճիշտ է, մասամբ այդ հիմնական շղթան մի տեսակ դա-
դարներ է տալիս, բայց այդ դադարները ընդհատումներ շեն-
լրացումներից առաջ ընդհանուր շղթայի արտարերական լար-
վածությունը մնում է իր ուժի և բարձրության մեջ, մինչև որ
հաջորդում է շարունակությունը՝ զորացած լրացումների հնշե-
րանգային տարրերակներով:

Առաջին մասը վերջանում է ամենաբարձր հնշերանգային
կետում, որին հաջորդում է դադարը: Որքան մեծ է առաջին
մասի լարվածությունը, այնքան էլ տեսական է դադարը: Ան-
կումը բարձր կետից ավելի ուժեղ է: Դադարի ժամանակ ար-
տարբերական ընդհանուր շղթան ընդհատվում է, այսինքն՝

պարբերույթի առաջին մասը վերջանում է, սակայն լարվածությունն ու սպասողականությունը շեն թուլանում, որովհետև գեռես անհրաժեշտ լուծումը չի կատարվել: Ընթերցողը կամ լսողը անհամբեր սպասում են խոսքի ամբողջացմանը, բնական (Հնչերանգային առումով) և տրամաբանական ավարտին: Ոչ մի խոսք չի կարող ավարտված համարվել արտաբերական բարձր կետում, այդ կետից հետո պետք է տեղի ունենալ Հնչերանգային աստիճանական իջեցումը և դրան համապատասխան թվարկումներին հաջորդող տրամաբանական ու քերականական ավարտն ու եզրահանգումը:

Հնում պարբերույթը՝ օգտագործվում էր հոետորական խոսքի մեջ, լսողին կամ ընթերցողին համոզելու համար թվարկվում էին փաստերն ու պատճառաբանությունները, ապա դրանց հաջորդում էր կուռ տրամաբանական եզրահանգումը: Հետագայում դա ընդհանրացավ. նույնիսկ պարբերույթը հաջողությամբ կիրառվում է բանաստեղծության մեջ: Ինչպես արդեն ասվել է, պարբերույթի առաջին մասը կազմվում է համասեռ լեզվական միավորների շարքից (միավորյալ նախադասություններ, բառակապակցություններ և այլն), այս շարքի անդամները երբեմն այնպիսի շափակցության ու համաշփության են հասնում, այնպես ներդաշնակ ու դուզահեռ են դասավորվում; որ պարբերույթի առաջին մասը դառնում է կշռույթավոր միավորների գեղեցիկ մի հորինվածք, որ թե՛ արտարերողի և թե՛ լսողի համար հաճելի ու գեղեցիկ տպավորություն է առաջ բերում. օրինակ՝

Այս անտառին մեջ գարունը գեղեցիկ պիտի ըլլալ մտաղ բարդիի, ուտենիի ոստերե խրճիթ մը պիտի շինեմ կաղնիի տերևներով ծածկված, յամեն առավոտ ծառերուն երգովը ու թոշուններուն դայլայլովը պիտի արթննանք, իսկայական մայրիներու խիտ գագաթեն արևի ճառագայթները դուրսլով՝ տերևի ստվերի ծակ-ծակ պատկերով մը մեզ պիտի ծածկեն, — ու դուն այդ պատկերի մեջ ավելի գեղեցիկ պիտի նրեվաս (ՈՉՅ, 196):

Ուրեմն պարբերույթը ավելի կամ պակաս շափում կշռույ-

թալոր ու շափակից լեզվական միավորների այնպիսի միասնություն է, որ խոսքի մյուս տեսակի կապակցությունների միջավայրում ձեռք է բերում յուրահատուկ հնչեղություն:

Պարբերույթի որ տեսակն էլ վերցնենք, նրա երկու մասերի միջև կա այս կամ այն տեսակի հակադրություն. եթե նույնիսկ իմաստային հակադրություն չկա, հնչերանգային ու քերականական հակադրությունները ուղեկցում են նրան ամեն սկարագայում իբրև պարբերույթի համար էական նշանակություն ունեցող հատկանիշներ, իբրև նրա բնույթին հատուկ օրինաշափություն: Եթե պարբերույթի առաջին մասը կազմված է երկրորդական նախադասություններից իրենց հատուկ հնչերանգային ձևավորվածությամբ, ապա երկրորդ մասը գլխավոր նախադասություն է, ուր փոխվում են ենթակաները, ստորոգյալի ժամանակները, եղանակները և դրանց ուղեկցող հնչերանգը, կշռույթը և այլն, որոնցով էլ իրականանում է քերականական հակադրությունը: Իսկ եթե սրանց միանում է նաև նշանակությունների հակադրությունը, այս դեպքում պարբերույթը լրիվ դառնում է միմյանց ընդհարվող երկու մասերի հակադրամիասնություն, ուր ընդգծվում են առանձին մասերի նշանակությունները, այդ մասերը բացահայտում են միմյանց և մեր ողջ ուշադրությունը գրավում իրենց հակադիր ու տարբեր դրսերումներով:

Պարբերույթի միջոցով երևույթները, դեպքերը, իրողությունները նկարագրվում են այնպես, որ դրանք միմյանց հետ առնշվում են քերականական, հնչերանգային և իմաստային փոխադարձ կապերով, ընկալվում են իբրև միասնական մի ամբողջություն, իբրև զանազան մտքերի սերտ միասնություն: Ընթերցողը կամ լսողը այդ միասնությանը վերահասու է դառնում նրա սկսման, ձևավորման և ամբողջացման ընթացքում և, շնորհիվ պարբերույթի կառուցման այն հատկանիշի, որ նրա սկզբի ու վերջի անդամները իմաստային, քերականական ու հնչերանգային սերտ կապի մեջ են, այդ տարբեր մտքերը միասնաբար մեխավում են նրա հիշողության մեջ:

Պարբերույթին հատուկ է ծավալունություն, մեծափառ

Հանդիսավորություն, սպասիլ լրիվություն, ընթացքի որոշակի շափակորություն, սկսման ու ավարտման որոշակիություն, որոնք յուրահատուկ ոճաբանական գույն ու բնույթ են տալիս նրան՝ ի տարբերություն խոսքի կառուցվածքի մյուս ձևերի։ Եթե իրացի կերպով արտահայտելու լինենք, կտրտված խոսքը նման է շղթայի քանդված օղակներին, որոնք մտքի հատուկ ջանքով պետք է շղթայակցենք իրար, որպեսզի բոլոր օղակները ընկալենք. իսկ պարբերույթը այդ օղակներից կազմված պատրաստի շղթան է իր հատուկ ձևավորվածությամբ, օղակների համաշափ տեղաբաշխումով, միանման անդամների զուգահեռականությամբ, կշռույթի և հնչերանդային երևույթների մշակումով, և այս ամենի հետ նրան հատուկ է նաև ընդհանրացումը։

Երբեմն պատումը բացվում է պարբերույթով, այսինքն՝ հեղինակը իր երկի մատուցումը սկսում է պարբերույթով, որդառնում է մի տեսակ մուտք, նախապատրաստություն, հետագա շարադրանքի համար հենարան, Զարենցը իր «Յոթը խորհուրդ գալիքի սերմնացաններին» բանաստեղծությունը սկսում է այսպես.

Ով գալիքի սերմնացաններ, որ լիաբուռ
Նետելու եք ձեր սերմը մեր ձեռքներով հերկած
Այս դաշտերում, բերրի այս հերկերում՝
Մեր քրտինքով, երգով ու արյունով ներկած,
Չով, որ դալու եք դվարթ ու թեթևաքայլ,
Արեի ու ոգու ծնծղաներով ձեր լուրթ, —
Ահավասիկ դրում եմ, որպես հեռու նղբայր,
Զեր ընթացքի համար յոթը խորհուրդ (ԵԶԸ, 264):

Այս պարբերույթի հաջորդ մասը գրված է քառատողերով և նախորդին կցվում է հետևյալ ձևով։

Եվ առաջին խորհուրդս, որ հղում եմ...

Այսպիսով պարբերույթը դառնում է հետագա շարադրանքի համար նաև թեմային նյութ և իմաստային շղթա-

յակցման հենարան, որով բացվում է խոսքը և առաջ տարվում:

Պարբերույթը կարող է մտնել նաև՝ պատումի մեջ և դառնալ մասերի համար ցեմենտող տարր. այն մի ծայրով իմաստային կապի մեջ է մտնում նախորդ մասի հետ, իսկ մյուս ծայրով պարզվում է դեպի հաջորդը և այդ երկու անշատ մասերը ձգում, մոտեցնում է իրար՝ նրանց համար ստեղծելով կապակցման աղերսներ, ու այդպիսով ընթերցողին հիշեցնում է, որ դրանք միմյանց շարունակությունն են. կազմում, միևնույն նյութի տարբեր դրվագներն են. օրինակ՝

↑ Բեռնակիրներու այս հանդմությունն այնքան պարսպելի չէ, որշափ այն մարդերուն, որ խոհարարություն ուստած են և բանադատություն կընեն, կամ քիչ մը երկրաշուփության պարապած ըլլալով՝ աստղերուն շարժումներուն վրայոք կը ճառին, կամ երկու սագ և շորս կով մեծցուցած ըլլալով դաստիարակության խնդիր կը հուղեն, կամ զավակ մը ունեցած ըլլալով առաջին մարդուն որ աշխարհին մեջ ծնած ըլլալուն վրա կատենարաննեն՝ կամ վերջապիս անանկ նյութի վրա կխոսին, որ բոլորովին օտար է իրենց, — այս մարդերուն հանդմությունն ավելի է, վասն զի բանադատությունն կամ աստղագիտությունն կամ մանկատածությունն և այլն ծաղկի փողոց չէ, որ ուրիշներուն հարցնելով անմիջապիս սորվի մարդ (ՀՊԲ, 383):

Ընթերցողը պարբերույթի մեջ նկատելով նախորդ նյութի որևէ տարր, որևէ հիշեցում, անմիջապիս անդրադառնում է նրան, մտքով վերադառնում է ընդհատվածին, իսկ հաջորդ թեմայի տարրերը նրան նախապատրաստում են հետագա շարադրանքը ընկալելու և նախորդին կապակցելու համար: Այսպիսով իրականության տարբեր երեսույթներ պատումնացին մի շղթայի մեջ են դրվում և շարադրանքը տարվում է հետևողական ու տրամարանական ընթածիրով:

Պարբերույթը երբեմն դառնում է երկի մի գլխի, մասի կամ ամբողջի եղբափակող, ընդհանրացնող, ամփոփող միջոց, իբրև ավարտի խոսք, որ մի անգամ էլ հիշեցնում է ընթերցողին ողջ պատումը և ազդարարում է վերջը: Զարենցի «Դանթեական առասպելը» վերջանում է հետևյալ ձևով.

Առ պետք է քայլել ու քայլել համառ՝
 Ապրելու հսկա տենչը բեռ արած,
 Չ քայլել անիմաստ մի կյանքի համար,
 Մարել ու վառել աստղերը մարած,—
 Իր տիեզերքի զառանցանքը մառ
 Զյոնդի երբեք ու մնա երազ (ԵԶԸԵ, 12):

Ամբողջ Դանթեական զարհուրանքը հատվածական խոռքերով նկարագրելուց հետո բանաստեղծը վերջում իբրև եղբափակում պարբերույթով նշում է, թե այնուամենայնիվ պետք է ապրել, թե տիեզերքի զառանցանքը շպետք է ցնդի, նա պետք է երազ մնա իբրև անհրաժեշտություն:

Այսպիսով պարբերույթը բնագրի որ մասում էլ լինի, հանդես է գալիս ինքնուրույն ոճաբանական դերով ու նշանակությամբ, դրանք տարածում է նաև խոսքի մյուս հատվածների վրա:

Պարբերույթը ունի այն հարմարությունը, որ գրողին հնարավորություն է ընձեռում ծավալվելու. ունենալով մեծ տարածականություն, շատ երևույթներ մի միասնական ամբողջի մեջ ներկայացնելու կարողություն, միաժամանակ միշոց է տալիս հակադրության, ընդհանրացման, ամփոփման, եղբափակման և այլն, իսկ սրանց հիման վրա ստեղծվում են հանդիսավոր արաւահայտչություն, բարձր ու խոր ապրումներ դրսնորելու հնարավորություն, ծանրակշիռ լրջություն, արտասանական վառ հնշեղություն ու կշռույթ՝ որ սկատումին տալիս են հուզարտսհայտչական մեծ լարվածություն: Նրա հատուկ ձևավորվածությունը, որ երբեմն դառնում է ՚շափակից տարրերի մի միասնական ամբողջություն, օժտվում է որոշ երաժշտականությամբ և խոսքին հաղորդում է քնարական շունչ, բանաստեղծական տրամադրություն:

Պարբերույթը, ինչպես երևում է օրինակներից, հաձախ կիրառվում է շափածո խոսքի մեջ. շնորհիվ այն ըան՛, որ պարբերույթը երբեմն շափակցված ու կշռույթավոր անդամների միահյուսումն է մի ամբողջի մեջ, ինքնին արդին

ունի շափածոյի սկզբունքային առանձնահատկություններ։ Զափածո խոսքի այս սկզբունքային տուանձնահատկությունների համընկումը պարբերուցթային խոսքի նման հատկանիշների հետ, բանաստեղծին հնարավորություն է տալիս երբեմն պարբերուցթը օգտագործելու իրրև իր մտահղացումն արտահայտելու միջոց։ Եթե այդ մտահղացումը մի ամփոփ թեմա է, ապա նրա առանձին մտքերը միահյուսում են շղթայակից մի ամբողջի մեջ՝ շարադրելով ոչ միայն թեման, այլև նրա զարգացման ընթացքը, հիմնավորումը, և եղրակացությունը. օրինակ՝

Երբ որ նոր դարուն այս տարի հասնի,
Սարերը հագվին և դաշտերն ըլլան
Զերթ քղանցքն անոնց զգեստին հարսի.
Երբ որ դրախտեն ընելով թալան
Արեւ բուռ-բուռ ծաղիկներ բերե
Եվ սփռե ամբողջ աշխարհի վրա,
Զեփյուրը անցնի ամեն մարգերե
Եվ դեռափիթիթ խոտի հետ խաղա,
Թոշուններն երգել սկսին նորեն,
Գառները մային և բյուր ճճիներ
Հողի վրա անվերջ երթեւեկ ընեն,
Երբ որ վերջապես այս ձմեռը ծեր
Մեռնի և թաղվի դալարի նիրքե,
Երբ ձյունասպիտակ թիթեռներ թեթև
Չմոան դամբանին վրա բռնեն պար,
Հորդառատ առուն բարձունքներեն վար
Երբ հոսի հստակ ու խոխոջածայն,
Փափկաթույր ամպեր կապույտ երկնքեն
Առագաստաբաց երբ անցնին երթան,
Ծորենները երբ հարություն առնեն
Եվ մեզ կերակրել նորեն խոստանան,
Երբ շարժի, թոի, խնդա ամեն բան, —
Ինչպես հոգիս ալ թուժ ժրաթե

Պիտի վերըմակ հրճվանք ու արև,
Եվ իր գարունին փարած ուժգնապես
Պիտի վայելե զայն խենթերու պես (ՎԹԵՔ, 112):

Ամբողջ ընդարձակ բանաստեղծությունը այստեղ շարադրված է մի պարբերութի մեջ. սկզբում մի երկար շղթայի վրա շարված են բնության մեջ կատարվող գործողություններ, որպեսզի զգացվի, որ դրանք միմյանց հետ կապակցված են. մեջընդմեջ կիրառվում է երբ որ կամ երբ շաղկապը, որ սերտ է դարձնում այդ առանձին թվարկումների կապն ու շղթայակցումը: Այս թվարկումները բոլորն էլ ժամանակի երկրորդական նախադասություններ են, որոնցով բանաստեղծը զարգացնում է գլխավոր նախադասություններով, որ այլ թեմատիկ նյութ են և նախորդի հետ կապակցվում են «Հիմունքով»:

Այսպիսի մեծ ծավալի բանաստեղծությունների պարբերութային շարահյուսումը կարող է ծանրաբեռնվել և խճողվել միանման անդամների միատոնությամբ: Հաճելի տպավորություն է գործում, երբ պարբերութով են գրվում փոքր ծավալի ոտանավորները. Համեմատիր թումանյանի հետևյալ ոտանավորը, որ նույնպես գրված է պարբերութով:

Քույրիկ, այդքան որ սիրում ես
Հայի հնչյուն, հայի տաղ,
Որ սրտալի մեծարում ես
Ազգիդ երդիկն դեռ մատաղ,
Ներշնչում ես նրա հոգուն
Հոգոր թոփշք և եռանդ,
Եվ հիշում է նա յուր մտքում
Ցուր պաշտոնը երկնավանդ,—
Այս հարազատ ներշնչանքի
Փոխարենը ընկունիր
Նորա սիրո և տանջանքի
Անվարժ սողերն ինքնագիր (ՀԹԵԺ,
1-ին, 518):

Պարբերույթի՝ քերականական և թեմային այս ամբողջացման առանձնահատկությունից օգտվելով՝ բանաստեղծները բառատողերը կամ զանազան շափուկ տները նույնպես երբեմն պարբերույթով են կազմում։ Դա տնատման դեղեցիկ մի միջոց է, որ յուրաքանչյուր տուն դարձնում է բովանդակությամբ ու քերականական ձևավորվածությամբ ինքնուրույն թեմատիկ միավոր. օրինակ՝

Սարի ետևում շողերը մեռան.

Անուշ դաշտերը պատեց կապույտ մեզ.

Տիրուր երեկոն զարկել է վրան. —

Միրտս կարոտով կանչում է քեզ՝ եկ։
Խորհրդավոր է երկինքն երազուն.

Վարսաթափ ուռի, դողդոջուն եղեգ.

Արծաթ խոսքերով աղբյուրն է խոսում. —

Միրտս կարոտով կանչում է քեզ՝ եկ

(ՎՃԵԺ, 1-ին, 55):

Երբ մանկությունս հավիտյան շվեց
Թիթեռների հետ իմ թիթեռ գարնան,
Երբ մանուկ կյանքին կոկոնից բացվեց
Սաղիկն իմ անհոգ պատոնեկության, —
Չգիտեմ ինչո՞ւ պատանի հոգիս.
Երանի տվեց մանուկ անցյալիս

(ՀԵՔ, 240):

Ամբողջ բանաստեղծությունը այսպիսի պարբերույթային տներով է գրված։

Զարենցի «Երգ մաքառումի» ընդարձակ բանաստեղծությունը, որ կաղմված է 13 ութնյակ տներից (շհաշված մուտքի հնգատողանոց տունը) գրված է միծ մասամբ պարբերույթներով, որոնք երբեմն միմյանցից թեմատիկ տարրեր են փոխառնում, որպեսզի բանաստեղծության միասնական սյուժեի կապը շխախտվի, շվերածվի ինչ-որ առանձին հատվածների. օրինակ՝

Արդեն կտրել ես, արդեն անցել
Դու երկար, երկար մի ճանապարհ,
Եվ բարձունքներ ես դու ունեցել
Եվ անկումներ ես ունեցել հար,—
Բայց դու սրբել ես հոգիդ միշտ էլ
Ճամփեքի մաքուր, վսեմ հրով,
Եվ միշտ պայծառ է հոգիդ եղել,
Եվ սիրտդ լիքն է եղել սիրով:

Եվ սիրտդ լիքն է եղել հաճախ
Ճասման թույնով ու ատելությամբ,
Եվ կասկածը ու, կասկածը շար
Քեզ ճնշել է մերթ իր ծանրությամբ,—
Բայց դու մաքրել ես միշտ էլ հոգիդ
Կասկածանքներից այդ խտժադուժ,
Եվ մաքառել ես, որ չշռքի
Քո սրտին երբեք հոգնության մուժ.

(ԵԶԸԵ, 176):

Պարբերութը օգտագործվում է նաև գիտական ու հրապարակախոսական գրականության մեջ:

Գիտական ու հրապարակախոսական խոսքի հիմնական խնդիրն է նշանակութայի ու տրամաբանական հետևողությամբ մըտքերը զարգացնել, սահմանել դրանց մեջ եղած խմաստային փոխադարձ կապերն ու հարաբերությունները և այդ ամենը արտահայտել համապատասխան լիզվական հնարավոր միջոցներով: Բառերի կապակցման միջոցների զեղչում ու բացթողում այս գեպքում բնավ չի նախատեսվում: Փաստարկումները, ապացույցները, եղրահանգումները, բնդհանրացումները գիտական ու հրապարակային խոսքի բովանդակության էական պայմաններն են, իսկ դրանք պահանջում են շաղկապների լրիս ու առատ կիրառություն՝ ընդհանրացնող, եղրափակող ու ամփոփող բառերի սերտ ուղեկցությամբ: Գիտական ու հրապարակախոսական խոսքի մեջ պարզ, մանավանդ

Համառոտ նախադասությունները ստկավ են. մտքերը զերադանցապես փոխադարձ՝ կապի ու պայմանավորվածության մեջ գտնվելով, պահանջում են բարդ ու ոլորուն հարաբերություններ արտահայտող կապակցումներ ու շղթայտվորումներ. Բաղադրյալ շաղկապների առատ կիրառությամբ այդպիսի խոսքը օժտվում է տրամաբանական սուր շրջադարձումներով, հնչերանգային կտրուկ փոփխություններով: Ոչ միայն... այլի, որովհետեւ... ապա ուրեմն, որպեսզի... ապա ուրեմն, շնայած որ... այնուամենայնիվ, քանի որ... ուստի, բայց քանի որ... ապա ուրեմն, ոչ այլ ինչ է, եթե ոչ, մանավանդ, որ... այդ պատճառով և այս կարգի այլ շաղկապներն են, որոնք ձեւավորվում են տրամաբանական կատերն ու հիշյալ սուր շրջադարձումները: Մրանք նպատակ ունեն տրամարանորեն ճիշտ արտահայտելու մտքերը: Զափակից անդամների հավասար տեղաբաշխումը, կշռույթը, շարադասական զուգադիր կառուցումները, հարակրկնությունները լինելով դեղորվեստական խոսքի հիմնական առանձնահատկություններ, այստեղ մղվում են ետին գծի վրա: Ուստի դիտական ու հրապարակային խոսքի պարբերույթների մեջ այդպիսի հատկություններ չպետք է որոնել: Այս դեպքում բացառվում են շարահարական պարբերույթները, որովհետեւ շաղկապների բացթողումը բնավ հատուկ չէ դիտական, հրապարակախոստեկան պարբերույթին. պարբերույթի մասերի մեջ քերականական հարաբերությունը ճշգրտված է և շաղկապները անպայմանորին առկա նն: Նույնիսկ կողմնակի լրացումները իրենց կապակցություններով ճշգրտված են լինում:

Անմագ հոգի, որ հայի բազմադարյան տառապանքով ու նրա չափ ասկագայի կարոտով լցված՝ քո տաղանդի կախարդական ուժով դուրս կանչեցիր անցյալի մութից ու ապագայի անհայտությունից հրապուրիշ պատկերներ ու հերոսական դեմքեր ու նրանցով վառեցիր, ոգնորեցիր վհատներին՝ որ տեկարներիս համարձակություն ներշնչեցիր ու զբկեցիր հզորների դեմ նահատակության արյունով լվանալու և սրբելու ստրկության արտասուքը՝ որ անհանգստություն տվիր հայ

ժողովրդի հոգուն և ուղղեցիլ նրան դեպի աղատագրության ճանապարհը, էսօր եկել ենք քո գերեզմանի վրա դնելու թարմ ծաղիկների հետ և մեր ցավերը, որ միշտ մնում են թարմ և մեր զգացմունքները, որ համակված են քո շնչով ու հիշատակով (ՀԹԵԺ, VI. 393):

Անախղիրները, որ դարերով մեծ ծառայություն բրած և միանգամայն մեծ խաղ խաղացած են հայ լեզվին մեջ, որոնց մեջ հին լեզուն մեծավ մասամբ իր ուժն ու գեղեցկությունը կառնուրծորն որչափ կարճ ու կոկ խոսելու միջոց էր, անույնշափ ավելի ճշտություն, մտադրություն ու ճաշակ կը պահանջեր, որոնց գեթ ըստ մասին խափանվելեն ետքը փափուկ և կնճիյալ գործածությունը դժվարություն մը եղավ հաջորդ դարերու գրաբար գրողներուն, այս կնճոյալ նախղիրները, կըսեմ, սկսան (կամ թե պարզագույն լեզվին մեջ արդեն սովորական էր) նախադրությանց հեշտ գործածությանը տեղի տալու (ԱԱՔԲ, 87):

Հրապարակախոսական և գրական լեզվի պարբերույթի նպատակը չէ համաշափ ու զուգահեռ կիրառվող անդամների կշռույթավոր շարահյուսում, այս դեպքում հիմնական ուշադրությունը դարձվում է պարբերույթի անգամների առարկայական ու իմաստային ճշտության, նրանց լրիվ ու տրամաբանական կապակցության վրա: Այստեղ բարդանում են շաղկապային ոլորուն կապակցությունները, հանդես են գալիս շաղկապային հին ու նոր հոմանիշներ, որոնց նպատակն է արտահայտելու բարդ ու վերադարձական հարաբերություններ ու առնչություններ: Պարբերույթը հարստանում է կողմնակի բազմաբարդ ձևերով, անհետանում է շափակցությունը և դրա փոխարեն տիրապետող է դառնում տրամարանական ու իմաստային նուրբ մշակումը: Գրողի ողջ ուշադրությունը բնեպում է խոսքի բավանդակության ճիշտ ու մանրամասն շարադրմանը, փաստարկների համոզիչ ու հետևողական զգացմանը: Լեզվական ձևերը շեն ծառայում ներդաշնակության, գեղեցկության, հնչականության, կշռույթի, պատկերավորման և գեղադիտական այլ պահանջների. հիմնականը խոս-

քի տրամաբանական ճիշտ մշակումն է և նրա հետեւղական ընթացքը, ուր խոսքը պահանջում է փաստեր ու տպացույցներ, եղրակացություններ ու ընդհանրացումներ, Գիտական և հրապարակախոսային խոսքը ծանրաբեռված է լինում բարդ կառուցվածքներով, ընդ որում և առավել ընդհանրական պարբերութներով, որոնք կառուցվում են հետեւանք, եղրակացություն, ամփոփում, մեկնաբանություն, կասկած, հավանականություն, հարցադրում, ավարտ և այլ այսպիսի նշանակություն արտահայտող բառերով, կապակցություններով ու շաղկապներով:

ՊԱՐՔԵՐՈՒՅԹԱՅԻՆ ԿԱՌՈՒՑՎԱԾՔ

Պարբերույթը հիմնականում փակ կառուցվածքի շարացյուսական ամբողջություն է. այդ նշանակում է, որ նա պետք է ունենա սեփական սկիզբ և ավարտուն վերջ. Առկայն պարբերույթի այդպիսի նեղ ըմբռնումը վերաբերում է շատ հեռավոր անցյալին. Մենք տեսանք, որ հաճախ պարբերույթը մղվելով խոսքի մեջ՝ իր մի թևով կապվում է խոսքի նախորդ մասերի հետ, իսկ մյուս թևով հիշեցնում, նախապատրաստում է անցումը հաջորդ մասին՝ դառնալով մի տեսակ միջնորդավոր կապ խոսքի առանձին մասերի միջև։ Թիրևո պատումի սկզբում կիրառվող, մուտք հանդիսացող պարբերույթները արդարեւ ունեն ինքնուրույն սկզբնավորում, սակայն դրանք էլ իրենց ամբողջության մեջ վերջիվերջո կապվում են խոսքի հետագա շարադրանքի հետ։ Խոսքի վերջում գտնվող պարբերույթները, որ գերազանցապես ամփոփում, ընդհանրացում, ավարտ են ազդարարում, նույնպես իրենց բովանդակությամբ առնչվում են ամբողջ նախորդ ասվածին։ Թիրևս խոսքի ընդհանուր շղթայից դուրս են գտնվում այնպիսի պարբերույթները, որոնք խոսքի ընդհանուր հյուսվածքի մեջ կողմնակի հաղորդում են, լրացուցիչ տեղեկատվություն, որոնք առվում են փակագծերում։ Ուրեմն պարբերույթը անկախ է միայն քերականորեն, ինչպես որ քերականորեն անկախ են շատ և շատ նախադասություններ։ Խոսքի ընդհանուր շղթայից դուրս գտնվել այն շի կարող, եթե այդպիս լինի, պարբերույթը կդառնա ինքնանպատակ մի լեզվական միավոր՝ աղքատ իր բովանդակած առնչություններով և սահմանափակ ոճաբանական դերով ու նշանակությամբ։ Այն արժեք ու նշանակություն

է ստանում խոսքի մեջ, նրա հանդիսավորությունը, լրջությունը, կշռույթը, զուգահեռ թվարկվող անդամների համաշափ շարադասումը և այլ ոճաբանական հատկանիշներ նպաստում են ընդհանուր խոսքի յուրահատուկ կազմակերպմանն ու առանձին հնչեղությանը: Ուրեմն պարբերույթը արժեք է ստանում խոսքի մեջ՝ նրա հետ կապված զանազան թելերով ու առնչություններով. նրա անկախությունը զուտ ձևական ու քերականական է. այն կարող է նույնիսկ մի առանձին պարբերություն կազմել. նրա ինքնուրույն սկիզբ և ավարտ ունենալը քերականական հատկանիշ է, որ հաճախ նույնպես խախտվում է, այսինքն՝ պարբերույթը քերականորեն նույնպես դառնում է կախյալ. օրինակ՝

Եվ հենց դրա մեջն է էն մեծ ու հաստատ մխիթարանքը, որ էդ բոլոր աղետների մեջ ոչ թե հասարակ ժողովուրդն է մեղավոր, այլ նրա իշխանավորները, և քանի շատ էդ վերջինները թուլանան, իսկ իրենք ժողովուրդները դառնան ավնակի գիտակից ու անմիջականորեն մոտենան իրար, և քանի իրավունքն ու իշխանությունը անցնի ժողովրդին, հասարակին, լնդհանուրին, աշխատողին, էնքան էլ մեղմանալու են էդ աղետները և վերջապես վերանալու (ՀԹԵԺ, IV, 223):

Այս օրինակի մեջ պարբերույթը սկսվում է և ֆանի շատ կասլակցությամբ և վերջանում է վերանալու բառով. սա շափ ու քանակի մի իսկական պարբերույթ է, բայց քերականորեն անկախ չէ, այլ համադասական բարդ նախադասության մաս է կաղմում: Այդպիսի պարբերույթները քերականորեն անկախ են, այլ բարդ նախադասության մաս են կազմում և չեն հաշեն, այլ բարդ նախադասության մասը: Մեր բերած վերտհիշյալ օրինակի մեջ պարբերույթը համադասական կապակցությամբ շղթայված է մի բարդ նախադասության հետ և կազմում է այդ նախադասության մասը: Այսպիսի պարբերույթները իրենց մաս կաղմող նախադասության հետ կոչվում են պարբերույթային կառուցվածքներ: Պարբերույթը այս դեպքում հանդես է գալիս իրեն նախադասության կառուցվածքն տարր և կորցնում է թե իմաստային և թե քերականական անկախու-

Թյունը: Մի այլ օրինակ, որտեղ պարբերույթը ամբողջովին մի գլխավոր նախադասության համար երկրորդական նախադասություն է.

Եվ ուկի ակնոցին ետեք նույն կարճամեռ՝ շքի կոսկերուն հարատես մերձեցումն է, հպումը գրեթե տրուն բաց մնացող պզտիկ անջրպետին մեջ սղմելու կաշխատիս, չփեշդ փեշիդ բերելու, պզտիկնալու փափաքներ կունենաս, ապարդյուն շանքեր կընես դիմացինիդ նայվածքը շհողնեցնելու, տեսողությունը ոյուրացնելու համար, իրբ դիպվածով դեմը գտնվիս այդ թարթափող աշքերում (ԳԶԾԺ, 1-ին, 427):

Այսպիսի պարբերույթային կառուցվածքները բաժանվում են երկու խմբի՝ բաց և փակ: Բաց պարբերույթային կառուցվածքի մեջ միավորյալ թվարկվող անդամները դասավորվում են պարբերույթային մասի վերջում և մնում են շամբողացած, իսկ փակ պարբերույթային կառուցվածքի միավորյալ անդամները շարադասվում են կառուցվածքի պարբերույթային մասի սկզբում և փակվում են գլխավոր կամ երկրորդական նախադասություններով՝ նայած թե առաջին մասի միավորյալ անդամները ինչ բնույթի են: Մեր բերած երկու օրինակներն էլ փակ պարբերույթային կառուցվածքներ են. առաջին օրինակը փակվում է գլխավոր նախադասությամբ, իսկ վերջինը՝ երկրորդական: Ահա բաց պարբերույթային կառուցվածքի օրինակ, չոնչո՞ւ չեք հայտնում աշխարհին՝ թե այդ մարդիկը հենց դուք աղմկարարներդ եք, որ հանդուն ու համարձակ ճեմում եք հրապարակում, առավել բարձրադոշ շաղակրատում անընդհատ, որ ներկայացնում եք ձեզ իբր բարոյականության վարդապետներ, լուսավորության ջահեր, պրոմեթյան կրակի մատակարարներ (ՄԵԺ, 165):

Ուրեմն իսկական քերականորեն անկախ սլարբերույթների հետ կան նաև պարբերույթային կառուցվածքներ, ուր պարբերույթը բարդ նախադասության մի եղրն է կազմում: Պարբերույթը կարող է նույնիսկ մտնել բարդ նախադասության մեջ և դառնալ տարբեր շարահյուսական միավորների կառուցվածքների միաշման միջոց:

ՀԱՄԱՌՈՏԱԳՐՈՒԹՅՈՒՆՆԵՐ

ԱԱՔՔ — Այտրնյան Ա., Թնեական քերականություն արդի հայերեն լեզվի, Վիեննա, 1886:

ԱԲԵ — Բակունց Ա., Երկեր, Երևան, 1955:

ԱԻԵԺ — Իսահակյան Ավ., Երկերի ժողովածու, 4 հատորով, Երևան, 1950:

ԴԶԵՒ — Զոհրապ Դ., Երկերի ժողովածու, Երկու հատորով, Երևան, 1962:

ԴՅԵ — Գրիգոր Նարեկացի, Գիրք աղօթից, որ կոչի Նարեկ, Վենետիկ, 1779:

ԳՆՄՈ — Գրիգոր Նարեկացի, Մատյան ողբերգության, Երևան, 1960:

ԴՎԵ — Վարուժան Դ. Երկեր, Երևան, 1955:

ԵԶԲԵ — Զարենց Ե., Ընտիր Երկեր, Երևան, 1955:

ԶԵԵ — Եսայան Զ., Երկեր, Երևան, 1959:

Ռ — Ռումանյան Հ., Երկերի ժողովածու, 6 հատորով, Երևան, 1950:

ԽԱՍԼԺ — Արովյան Խ., Երկերի լիակատար ժողովածու, Երևան, 1947:

ԽԱՎՀ — Արովյան Խ., Վերը Հայաստանի, Երևան, 1959:

ՀԺՀ — Հայ ժողովրդական հերիաթներ, Երևան, 1959:

ՀՀՀ — Հովհաննիսյան Հ., Հատընտիր, Երևան, 1953:

ՀՀՔՀ — Շիրազ Հ., Քնար Հայաստանի, Երևան, 1958:

ՀՊԲԵ — Պարոնյան Հ. Ընտիր Երկեր, Երկու հատորով, Երևան, 1954:

ՄԴՄ — Մուրացան, Գևորգ Մարգարեանի, Երևան, 1963:

ՄԽՊՀ — Մովսես Խորենացի, Պատմություն Հայոց, Վաղարշապատ, 1913:

ՄՄԵԺ — Մեծարենց Մ., Երկերի ժողովածու, Երևան, 1956:

ՎՄԷՇ — Միրարյան Վահան, Վալվարի որսը, Երևան, 1953:

ՆԵԺ — Նար-Դոս, Երկերի ժողովածու, Երկու հատորով, Երևան, 1955:

ՇԵՔՄ — տե՛ս ՎԵԼԵ:

ՊՍԱԶ — Սեակ Պ., Անլուկի Զանդակառւն, Երևան, 1959:

ՊՍՍՇ — Սեակ Պ., Սիրո ճանապարհ, Երևան, 1954:

ՌԶՑ — Զարդարյան Ռ., Ցայզալույս, Երևան, 1959:

ՌՊԵ — Պատկանյան Ռ., Երկեր, Երևան, 1955:

ՌՄԵ — Սեակ Ռ., Երկեր, Երևան, 1955:

- ԱԶԹԻ — Զորյան Ա., Պատ ինգավոր, Երեան, 1957:
- ԵՆ — Սայաթ-Նովա, Հայերեն, վրացերեն, աղբահջաներեն խաղերի ժողովածու, Երեան, 1963:
- ՎՐԵ — Բոլոնիանց վ.՝, Երկեր, Երեան, 1957:
- ՎՐԵՔ — Բերեյան վ.՝, Երկեր, Երեան, 1958:
- ՎՄԼՌ — Միքարյան վ.՝, Լալվարի սրու, Երեան, 1953:
- ՎԾԲԵ — Շերսպիր վ.՝, Բնտիր Երկեր, Երեր հատորով, Երեան, 1951:
- ՎՏԵԺ — Տերյան վ.՝, Երկերի ժողովածու, 1960:
- ՎՓԲԵ — Փափազյան վրի., Բնտիր Երկեր, Երեան, 1951:
- ՎՓՀՀ — Փափազյան վահրամ, Հետազարձ հայացք, Երեան, 1956:
- ՎՓՄՊ — Փափազյան վահրամ, Մրտիս պարտը, Երեան, 1959:
- ՔԵԺ — Շաֆֆի, Երկերի ժողովածու, 10 հատորով, Երեան, 1955:

Բ Ո Վ Ա Ն Դ Ա Կ Ո Ւ Թ Յ Ը Ն Ի Ն

Պարբերույթի ըմբռնումը անտիք աշխարհում	5
Պարբերույթի ըմբռնումը հայ ճարտասանական արվեստում	18
Պարբերույթի ժամանակակից ըմբռնումը	39
Պարբերույթի դասակարգումը	78
Համագասական տարբերույթ	96
Ստորագասական պարբերույթ	102
Զիջական պարբերույթ	109
Շարահարական պարբերույթ	121
Պարբերույթի ոճարանական բնութագիրը	128
Պարբերույթային կառուցվածք	142



Վարագ Դավիթի Առաքելյան
Վարագ Դավիտի Առաքելյան

ՀԱՅԵՐԵՆԻ ՊԱՐԲԵՐՈՒՅԹԸ

Տպագրվում է ՀՍՍՀ ԳԱ Հր. Անառյանի անվան լեզվի ինստիտուտի
գիտական խորհրդի ոռոշմամբ


Պատ. Խմբաղիր Մ. Հ. Մուրադյան
Հրատ. Խմբաղիր Ա. Հ. Շաղամյան
Կազմը Կ. Հ. Յորուջյանի
Տեխ. Խմբաղիր Մ. Ա. Կափլանյան
Սրբագրիչ Զ. Խ. Օրմանյան

ՎՅ 03311, Հրատ. 2820, ԽՀԽ 1067, պատվեր 301, տիրած 1000
Հանձնված է արտադրության 6/V 1967 թ., ստորագրված է տպագրության
19/I 1968 թ., տպագր. 9,25 մամուլ, պայմ. 7,38 մամուլ, հրատ. 5,96 մամուլ,
թուղթ № 1, 84×1081/32: Գինը 58 կ.:

Հայկական ՍՍՀ դիտությունների ակադեմիայի հրատարակության տպարան,
Բարեկամության, 24:

ԴԱՍՏԱՐԱԿԱՐԱՎԱՐՈՒԹՅՈՒՆՆԵՐ ՏՊԱԼՐԱՆՆԵՐ ՄԵՂ. ԲՈՅ.

Էջ	Տող	Տարված է	Պետք է լինի
32	1 դ.	մենք	մեք
49	8 ն.	հասպածներ	հասածներ
62	15 ն.	ված որհեւ խռոք է.	չկարգաւ
70	3 ն.	լեզվով	լեզվով
71	10 դ.	հովիտին	հովիտին
81	7 դ.	զրիկ	զրիկ
87	13 ն.	ժխցում	ժխտվում
89	17 ն.	լ. ջան-հայրենիք,	լ. ջ. ջան-հայրենիք,
146	6 դ.	տարբերություն	ուտրբերություն



ԳԱԱ Հիմնարար Գիտ. Գրադ.



220042131

